

জ্ঞানের আল্লাহ প্রদত্ত উৎসসমূহ

প্রচলিত ধারণা ও প্রকৃত তথ্য

গবেষণা সিরিজ-৪২



প্রফেসর ডা. মো. মতিয়ার রহমান

FRCS (Glasgow)

চেয়ারম্যান

কুরআন রিসার্চ ফাউন্ডেশন

বিভাগীয় প্রধান (অব.), সার্জারি বিভাগ

ঢাকা ন্যাশনাল মেডিকেল কলেজ ও হাসপাতাল

ঢাকা, বাংলাদেশ।

প্রকাশক

কুরআন রিসার্চ ফাউন্ডেশন

ইনসাফ বারাকাহ কিডনী এন্ড জেনারেল হাসপাতাল (৮ম তলা)

১১, শহীদ তাজউদ্দীন আহমদ সরণি

মগবাজার, রমনা, ঢাকা।

ফোন : ০২-৪১০৩১০১৩

E-mail : official@qrfbd.org

www.qrfbd.org

For Online Order : www.shop.qrfbd.org

ডোনেশনের জন্য : www.solab.qrfbd.org, www.zakat.qrfbd.org

যোগাযোগ

এডমিন : ০১৯৪৪৪১১৫৬০, ০১৭৫৫৩০৯৯০৭

দাওয়াহ : ০১৬১০১৯৪৬৯৮, ০১৯৪৪৪১১৫৫১

প্রকাশনা : ০১৯৭৭৩০১৫১০

তথ্য-প্রযুক্তি : ০১৪০৭০৬৩৪৩৪

বিক্রয় : ০১৯৭৭৩০১৫১১, ০১৯৪৪৪১১৫৫৮

কালচার এন্ড মিডিয়া : ০১৪০৭০৬৫৭৯৪

ISBN Number : 978-984-35-3995-3

প্রকাশকাল

প্রথম প্রকাশ : ফেব্রুয়ারি ২০২৩

প্রথম সংস্করণ : নভেম্বর ২০২৫

নির্ধারিত মূল্য : ৫০ টাকা

মুদ্রণ ও বাঁধাই

তাজুল গ্রাফিক্স এন্ড প্রিন্টিং

১৮৩, ফকিরাপুল, মতিঝিল, ঢাকা

মোবাইল : ০১৯৭৬১৩৯৮৬৯, ০১৭১৬১৩৯৮৬৯

ইমেইল : tajulprint12@gmail.com

সূচিপত্র

ক্রম	বিষয়	পৃষ্ঠা
১	সারসংক্ষেপ	৫
২	চিকিৎসক হয়েও এ বিষয়ে কলম ধরার কারণ	৬
৩	পুস্তিকার তথ্যের উৎসসমূহ	১০
৪	মূল বিষয়	২৩
৫	জ্ঞানের প্রচলিত ইসলামী উৎসের পর্যালোচনা	২৪
৬	জ্ঞানের আল্লাহ প্রদত্ত উৎসসমূহ	২৬
	কুরআন আল্লাহ প্রদত্ত জ্ঞানের উৎস হওয়ার প্রমাণ	
	সুন্নাহ জ্ঞানের আল্লাহ প্রদত্ত উৎস হওয়ার প্রমাণ	৪৫
	আকল/Common sense/বিবেক জ্ঞানের আল্লাহ প্রদত্ত উৎস হওয়ার প্রমাণ	৫৪
৭	আকল/Common sense/বিবেক প্রমাণিত না অপ্রমাণিত (সাধারণ) জ্ঞান	৭২
৮	আল্লাহ প্রদত্ত জ্ঞানের উৎস তিনটির গুরুত্ব	৭৬
	ক. জ্ঞানের উৎস হিসেবে কুরআনের গুরুত্ব	
	খ. জ্ঞানের উৎস হিসেবে সুন্নাহ-এর গুরুত্ব	৮২
	গ. জ্ঞানের উৎস হিসেবে আকল/Common sense/বিবেকের গুরুত্ব	৮৬
৯	আল্লাহ প্রদত্ত জ্ঞানের উৎস তিনটির মধ্যে পার্থক্য	১০৮
১০	শেষ কথা	১০৯




أَفَلَا يَتَذَكَّرُونَ الْقُرْآنَ أَمْ عَلَى قُلُوبٍ أَقْفَالُهَا

তারা কি কুরআন নিয়ে চিন্তা-গবেষণা করে না,
নাকি তাদের মনে তালা লেগে গিয়েছে?

সূরা মুহাম্মাদ/৪৭ : ২৪

বিশ্বমানবতার বর্তমান অধঃপতনের মূল কারণ ও প্রতিকার
এবং জীবন ঘনিষ্ঠ ইসলামের মৌলিক বিষয়ের
সঠিক তথ্য জানতে সংগ্রহ করুন

কুরআন রিসার্চ ফাউন্ডেশন প্রকাশিত
গবেষণা সিরিজের বইসমূহ



যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১

بِسْمِ اللَّهِ الرَّحْمَنِ الرَّحِيمِ

সারসংক্ষেপ

জ্ঞানের উৎসে ভুল থাকলে নির্ভুল জ্ঞানার্জনের সব কর্মপ্রচেষ্টা নিশ্চিতভাবে ব্যর্থ হবে। আর মৌলিক জ্ঞানে ভুল থাকলে অশান্তি অনিবার্য। মুসলিম জাতির বর্তমান অধঃপতিত অবস্থার মূল কারণ মৌলিক জ্ঞানে ভুল থাকা। আর মৌলিক জ্ঞানে ভুল ঢোকানোর জন্য ইবলিস শয়তান ও তার দোসররা প্রথমে জ্ঞানের উৎসের তালিকায় ভুল ঢুকিয়েছে। মুসলিম জাতির প্রচলিত শিক্ষাব্যবস্থায় জ্ঞানের উৎস হলো কুরআন, সুন্নাহ, ইজমা ও কিয়াস। ইজমা ও কিয়াস হলো সামষ্টিক ও একক গবেষণার ফল। তাই ইজমা ও কিয়াস উৎস হবে না; বরং ইজমা ও কিয়াস হবে তথ্যসূত্র (Reference)। জ্ঞানার্জনের আল্লাহ প্রদত্ত উৎসসমূহ হলো- কুরআন, সুন্নাহ ও আকল/Common sense/বিবেক। তবে উৎস তিনটির গুরুত্বের মধ্যে ব্যাপক পার্থক্য বিদ্যমান। পুস্তিকাটিতে অপরিসীম গুরুত্বপূর্ণ এ বিষয়টি তথ্য-প্রমাণের ভিত্তিতে উপস্থাপন করা হয়েছে। আশাকরি বইটি অধঃপতিত মুসলিম জাতি ও বিশ্বমানবতার জন্য প্রভূত কল্যাণ বয়ে আনবে।

চিকিৎসক হয়েও এ বিষয়ে কলম ধরার কারণ

আসসালামু আলাইকুম ওয়া রহমাতুল্লাহ।

শুদ্ধেয় পাঠকবৃন্দ!

আমি একজন চিকিৎসক (বিশেষজ্ঞ সার্জন)। আপনাদের মনে প্রশ্ন জাগা স্বাভাবিক যে, চিকিৎসাবিজ্ঞানের বিষয় বাদ দিয়ে একজন চিকিৎসক কেন এ বিষয়ে কলম ধরলো? তাই এ বিষয়ে কেন কলম ধরেছি, সেটা প্রথমে আপনাদের জানানো দরকার বলে মনে করছি।

ছোটবেলা থেকেই ইসলামের প্রতি আমার গভীর আগ্রহ ছিল। তাই দেশ-বিদেশে যেখানেই গিয়েছি ইসলাম সম্পর্কে সে দেশের মুসলিম ও অমুসলিমদের ধারণা গভীরভাবে উপলব্ধি করার চেষ্টা করেছি। ইংল্যান্ড থেকে ফিরে এসে আমার মনে হলো জীবিকা অর্জনের জন্য বড়ো বড়ো বই পড়ে MBBS ও FRCS ডিগ্রি নিয়েছি। এখন যদি কুরআন মাজীদ অর্থসহ বুঝে না পড়ে আল্লাহর কাছে চলে যাই, আর আল্লাহ যদি জিজ্ঞাসা করেন ইংরেজি ভাষায় রচিত বড়ো বড়ো বই পড়ে স্বনামধন্য চিকিৎসক হয়েছিলে কিন্তু তোমার জীবন পরিচালনার পদ্ধতি জানিয়ে আরবীতে আমি যে কিতাবটি (কুরআন মাজীদ) পাঠিয়েছিলাম সেটি কি অর্থসহ বুঝে পড়েছিলে? তখন এ প্রশ্নের আমি কী জবাব দেবো?

এ উপলব্ধি আসার পর আমি কুরআন মাজীদ অর্থ ও ব্যাখ্যাসহ বুঝে পড়তে শুরু করি। শিক্ষাজীবনের শুরুতে মাদ্রাসায় পড়ার কারণে আগে থেকে আরবী পড়তে ও লিখতে পারতাম। এরপর ইরাকে ৪ বছর রোগী ও সাধারণ মানুষের সাথে কথা বলতে বলতে আরবী বলা ও বোঝার সমস্যাটা অনেকাংশে দূর হয়ে যায়।

কুরআন মাজীদ পড়তে গিয়ে দেখি ইরাকে যেসব সাধারণ আরবী বলতাম তার অনেক শব্দই কুরআনে আছে এবং আমি তা বুঝতে পারি। তাই কুরআন মাজীদ পড়ে বেশ মজা পেয়ে যাই। পেশা নিয়ে সারাক্ষণ আমাকে ব্যস্ত

থাকতে হতো। কিন্তু এর মধ্যেও সময় করে দিনে এক বা একাধিক আয়াত বা যতটুকু পারা যায় বিস্তারিত তাফসীরসহ কুরআন মাজীদ পড়তে থাকি। সার্জারি বই যেমন গভীরভাবে বুঝে পড়েছি, কুরআনের প্রতিটি আয়াতও সেভাবে বুঝে পড়ার চেষ্টা করেছি। ব্যাখ্যার জন্য কয়েকটি তাফসীর পড়েছি। এভাবে সম্পূর্ণ কুরআন মাজীদ শেষ করতে আমার প্রায় ৩ বছর সময় লাগে।

সম্পূর্ণ কুরআন মাজীদ পড়ে তথা ইসলামের সকল মৌলিক ও একটি অমৌলিক (তাহাজ্জুদ সালাত) বিষয় প্রত্যক্ষভাবে জানার পর আমি ভীষণ অবাক হয়ে গেলাম এজন্য যে, ইসলাম সম্পর্কে কুরআনের বক্তব্য আর বর্তমান মুসলিমদের ধারণার মধ্যে ব্যাপক পার্থক্য বিদ্যমান (ইসলামের অন্য অমৌলিক বিষয়ের কথা রসুল স.-কে অনুসরণ করতে বলার মাধ্যমে পরোক্ষভাবে কুরআনে উল্লেখ করা হয়েছে)। এ ব্যাপক পার্থক্যই আমার মধ্যে এ ব্যাপারে কলম ধরার দায়িত্ববোধ জাগিয়ে তোলে। সর্বোপরি, কুরআনের নিম্নোক্ত আয়াত আমাকে কলম ধরতে বাধ্য করল—

إِنَّ الَّذِينَ يَكْتُمُونَ مَا أَنْزَلَ اللَّهُ مِنَ الْكِتَابِ وَيَشْتَرُونَ بِهِ شِمْتًا قَلِيلًا أَوْ لَبَسًا
مَّا يَأْكُلُونَ فِي بُطُونِهِمْ إِلَّا النَّارَ وَلَا يُكَلِّمُهُمُ اللَّهُ يَوْمَ الْقِيَمَةِ وَلَا يُزَكِّيهِمْ
وَلَهُمْ عَذَابٌ أَلِيمٌ .

নিশ্চয় আল্লাহ কিতাবে যা নাযিল করেছেন, যারা তা গোপন করে এবং বিনিময়ে সামান্য কিছু ক্রয় করে (লাভ করে) তারা তাদের পেট আগুন ভিন্ন অন্য কিছু দিয়ে ভরে না, আল্লাহ কিয়ামতের দিন তাদের সঙ্গে কথা বলবেন না এবং তাদের পবিত্রও করবেন না (তাদের ছোটোখাটো গুনাহও মাফ করবেন না), আর তাদের জন্য রয়েছে কঠিন শাস্তি।

(সুরা আল বাকারা/২ : ১৭৪)

ব্যাখ্যা : কোনো জিনিসের বিনিময়ে কিছু ক্রয় করার অর্থ হলো ঐ জিনিসের বিনিময়ে কিছু পাওয়া। ক্ষতি এড়ানোর অর্থও কিছু পাওয়া। ছোটো ক্ষতি এড়ানোর অর্থ অল্প কিছু পাওয়া। আর বড়ো ক্ষতি এড়ানোর অর্থ বড়ো কিছু পাওয়া। আবার ক্ষতি এড়ানো একটি ওজর (বাধ্যবাধকতা)। তাই আল্লাহ এখানে বলেছেন— তিনি কুরআনে যেসব বিধান নাযিল করেছেন, ছোটো ক্ষতি (ওজর) এড়ানোর জন্য যারা জানা সত্ত্বেও সেগুলো প্রচার করে না বা মানুষকে জানায় না, তারা যেন তাদের পেট আগুন দিয়ে পূর্ণ করল। কিয়ামতের দিন আল্লাহ তাদের সঙ্গে কথা বলবেন না। ঐ দিন এটি তাদের জন্য সাংঘাতিক দুর্ভাগ্যের ব্যাপার হবে। আর তাদেরকে পবিত্র করা হবে না। অর্থাৎ তাদের ছোটোখাটো গুনাহও মাফ করা হবে না। কিয়ামতের দিন আল্লাহ মানুষের

ছোটোখাটো গুনাহ মাফ করে দেবেন। কিন্তু যারা কুরআনের আদেশ, নিষেধ ও তথ্য জানা সত্ত্বেও তা গোপন করবে তাদেরকে আল্লাহ ক্ষমা করবেন না। তাদের জন্য রয়েছে কঠিন শাস্তি।

তাই কুরআনের আদেশ, নিষেধ ও তথ্য জেনে তা মানুষকে না জানানোর জন্য কিয়ামতে যে কঠিন অবস্থা হবে তা থেকে বাঁচার জন্য আমি একজন চিকিৎসক হয়েও লেখার জন্য কলম ধরেছি।

লেখার সিদ্ধান্ত নেওয়ার পর কুরআনের বক্তব্যগুলোকে কীভাবে উপস্থাপন করা যায়, এটা নিয়ে দ্বিধা-দ্বন্দ্ব পড়ে গেলাম। এমতাবস্থায় এ আয়াতটি আমার মনে পড়লো—

كُتِبَ عَلَيْكُمُ أَنْ تُقْرَأُوا كِتَابَ اللَّهِ تِلْكَ آيَاتُ اللَّهِ يُخَوِّفُ لِيُنْذِرَ لِقَوْمٍ يُؤْمِنُونَ

এটি একটি কিতাব যা তোমার প্রতি অবতীর্ণ করা হলো, সুতরাং এর মাধ্যমে সতর্কীকরণের ব্যাপারে তোমার মনে যেন কোনো সংকোচ (দ্বিধা-দ্বন্দ্ব, ভয়-ভীতি ইত্যাদি) না থাকে এবং মুমিনদের জন্য এটা উপদেশ।

(সূরা আল আ'রাফ/৭ : ২)

ব্যাখ্যা : কুরআনের বক্তব্য দিয়ে মানুষকে সতর্ক করতে গিয়ে সাধারণ মানুষের মনে দুটি অবস্থার সৃষ্টি হতে পারে—

১. সঠিক অর্থ বা ব্যাখ্যা না বোঝার কারণে কুরআনের বক্তব্যের যথার্থতার ব্যাপারে মনে সন্দেহ বা দ্বিধা দেখা দিতে পারে। এ অবস্থা অপেক্ষাকৃত কম।
২. বক্তব্য বিষয়টি যদি সমাজের প্রচলিত ধারণার সঙ্গে সামঞ্জস্যপূর্ণ না হয় বা বিপরীত হয়, তবে প্রতিরোধ বা বিরোধিতার সম্মুখীন হওয়া অথবা বেতন-ভাতা, দান-খয়রাত বা নজর-নিয়াজ বন্ধ হয়ে যাওয়ার ভয় হতে পারে। বর্তমান সমাজে এ অবস্থাটি খুবই বিরাজমান।

এ দুই অবস্থা, বিশেষ করে দ্বিতীয়টিকে এড়ানোর (Overcome) জন্য সাধারণ প্রবণতা হচ্ছে কুরআনের যে বক্তব্যগুলো সমাজের প্রচলিত ধারণার বিপরীত, সেগুলোকে লুকিয়ে ফেলা বা না বলা অথবা তার বক্তব্যকে এমনভাবে ঘুরিয়ে বলা যাতে বিরোধিতা কম আসে বা সবার জন্য তা গ্রহণযোগ্য হয়। এটি বর্তমান বিশ্বের মুসলিমদের দুরবস্থার একটি প্রধান কারণ। কুরআন দিয়ে মানুষকে সতর্ক করার ব্যাপারে এই ভীষণ ক্ষতিকর কর্মপদ্ধতি দুটি সম্মুখে উৎপাতন করার জন্য আল্লাহ এই আয়াতে রসূল স.-এর মাধ্যমে মুসলিমদের বলেছেন— মানুষকে সতর্ক করার সময় দ্বিধা-দ্বন্দ্ব, ভয়-ভীতি ইত্যাদির মধ্যে পড়ে তোমরা কখনোই কুরআনের বক্তব্যকে লুকিয়ে ফেলবে না বা বলা বন্ধ করবে না অথবা ঘুরিয়ে বলবে না।

আল কুরআনের সুরা আন-নিসার ৮০ নং ও আল গাশিয়ার ২১ থেকে ২৩ নং আয়াতের আলোকে বলা যায়- ‘পৃথিবীর সকল মানুষ কখনোই কোনো একটি বিষয়ে একমত হবে না। তাই কুরআনের বক্তব্য না লুকিয়ে বা না ঘুরিয়ে মানুষের কাছে উপস্থাপন করতে হবে। যারা তা গ্রহণ করবে না, তাদের তা গ্রহণ করতে বাধ্য করার জন্য পুলিশের ভূমিকা পালন করা কারও দায়িত্ব নয়।’ কুরআনের এসব বক্তব্য জানার পর আমি সিদ্ধান্ত নেই আমার কথা বা লেখায় কুরআনের বক্তব্য না লুকিয়ে বা না ঘুরিয়ে সরাসরি উপস্থাপন করব।

আল কুরআন পড়া শেষ করেই আমি লিখতে চেয়েছিলাম। কিন্তু হাদীস না পড়ে কলম ধরতে মন চাইলো না। তাই আবার হাদীস পড়তে শুরু করি। বিশেষ করে মিশকাত শরীফ (কুতুবে সিভার অধিকাংশ হাদীসসহ আরও অনেক হাদীস ধারণকারী গ্রন্থ) বিস্তারিত পড়ার পর ইসলামের বিভিন্ন বিষয়ের ওপর আমি লেখা শুরু করি ১০.০৪.১৯৯৬ তারিখে।

এই পুস্তিকা বাস্তবে রূপ দান করার ব্যাপারে অনেকেই, বিশেষ করে কুরআন রিসার্চ ফাউন্ডেশনের কর্মকর্তা ও কর্মচারীবৃন্দ নানাভাবে আমাকে সহযোগিতা করেছেন। আল্লাহর কাছে কায়মনোবাক্যে দুয়া করি তিনি যেন এ কাজকে তাদের নাজাতের অছিলা বানিয়ে দেন।

নবী-রসূল আ. ছাড়া পৃথিবীতে আর কেউ ভুল-ভ্রান্তির উর্ধে নয়। তাই আমারও ভুল হতে পারে। শ্রদ্ধেয় পাঠকবৃন্দের কাছে অনুরোধ- আমার লেখায় যদি কোনো ভুল-ত্রুটি ধরা পড়ে, আমাকে জানালে কৃতজ্ঞ থাকবো এবং পরবর্তী সংস্করণে তা সংশোধন করা হবে ইনশাআল্লাহ।

আল্লাহ যেন আমার এ সামান্য খেদমতকে কবুল করেন এবং এটিকে পরকালে নাজাতের অছিলা বানিয়ে দেন- এ প্রার্থনা করে এবং আপনাদের দুয়া চেয়ে শেষ করছি। আল্লাহ হাফেজ!

ম. রহমান

পুস্তিকার তথ্যের উৎসসমূহ

জ্ঞানের আল্লাহ প্রদত্ত উৎসসমূহ হলো- কুরআন, সুন্নাহ (সনদ ও মতন সহীহ হাদীস) এবং আকল, Common sense বা বিবেক। তবে উৎস তিনটির মধ্যে ব্যাপক পার্থক্য বিদ্যমান। আর সে পার্থক্য হলো-

ক. তাত্ত্বিক (Theoretical) পার্থক্য

- কুরআন : আল্লাহ প্রদত্ত মূল প্রমাণিত জ্ঞান।
- সুন্নাহ : আল্লাহ প্রদত্ত প্রমাণিত জ্ঞান। তবে মূল জ্ঞান নয়। এটি কুরআনের ব্যাখ্যা।
- আকল, Common sense বা বিবেক : জন্মগতভাবে আল্লাহ প্রদত্ত সাধারণ বা অপ্রমাণিত জ্ঞান।

খ. ব্যবহারিক (Applied) পার্থক্য

১. মালিক ও দারোয়ান দৃষ্টিকোণ

- কুরআন (আল্লাহ তা'য়ালা) : মালিক ও মূল ব্যাখ্যাকারী।
- সুন্নাহ (রসুল স.) : মালিকের নিয়োগকৃত কুরআনের ব্যাখ্যাকারী।
- আকল/Common sense/বিবেক : মালিকের নিয়োগকৃত ইসলামের ঘরের দারোয়ান।

২. মানদণ্ড ও বুনিয়াদ/ভিত্তি দৃষ্টিকোণ

- কুরআন : মানদণ্ড জ্ঞান।
- সুন্নাহ : কুরআনের অনুপস্থিতিতে মানদণ্ড জ্ঞান।
- আকল/Common sense/বিবেক : বুনিয়াদ বা ভিত্তি জ্ঞান।

বিষয়টি নিয়ে বিস্তারিত আলোচনা আছে কুরআন রিসার্চ ফাউন্ডেশন প্রকাশিত 'জ্ঞানের আল্লাহ প্রদত্ত উৎসসমূহ প্রচলিত ধারণা ও প্রকৃত তথ্য (গবেষণা সিরিজ-৪২)' নামক বইটিতে। আলোচ্য পুস্তিকাটি রচনায় এ তিনটি উৎস থেকে তথ্য নেওয়া হয়েছে।

নির্ভুল জ্ঞানার্জনের জন্য আল্লাহ প্রদত্ত প্রতিটি উৎসের যথাযথ ব্যবহার অপরিহার্য। আবার যথাযথ ব্যবহারের জন্য সবগুলো উৎসের নিম্নের দুটি দিক সম্পর্কে সঠিক ও স্পষ্ট ধারণা থাকাও অপরিহার্য—

ক. উৎস হিসেবে ব্যবহার করার মূলনীতি (উসূল/Principle)।

খ. নির্ভুল জ্ঞানার্জনের জন্য উৎস তিনটিকে ব্যবহারের প্রবাহচিত্র (Flow chart)।

আল্লাহ প্রদত্ত উৎস তিনটির উল্লিখিত দুটি দিকের পর্যালোচনা—

ক. নির্ভুল জ্ঞানার্জনের জন্য আল্লাহ প্রদত্ত উৎস তিনটি ব্যবহারের মূলনীতি

১. কুরআনকে নির্ভুল জ্ঞানার্জনে উৎস হিসেবে ব্যবহার করার মূলনীতি

ব্যবহারিক গ্রন্থের নির্ভুল জ্ঞানার্জনের কিছু মূলনীতি (উসূল/Principle) থাকে। ঐ মূলনীতির প্রত্যেকটি অনুসরণ করা গ্রন্থটির নির্ভুল জ্ঞানার্জনের জন্য অপরিহার্য। কুরআন একটি ব্যবহারিক গ্রন্থ। তাই কুরআন থেকেও নির্ভুল জ্ঞানার্জনের মূলনীতি কুরআন ও সুন্নাহ আছে। আমাদের গবেষণা মতে, সে মূলনীতি ১০টি। মূলনীতিগুলোর শিরোনাম—

১. কুরআনে পরস্পরবিরোধী বক্তব্য নেই।
২. একই বিষয়ের সকল আয়াত পাশাপাশি রেখে পর্যালোচনা করে চূড়ান্ত সিদ্ধান্ত গ্রহণ।
৩. কুরআনের সর্বোত্তম ব্যাখ্যা কুরআন।
৪. কুরআন বিরোধী বক্তব্য যে গ্রন্থেই থাকুক তা মিথ্যা।
৫. সত্য উদাহরণকে আল্লাহর কাছ থেকে আসা সত্য শিক্ষার মর্যাদা দেওয়া।
৬. একাধিক অর্থবোধক আয়াতের ব্যাখ্যা করার সময় উৎকর্ষিত আকল/ Common sense/বিবেকের রায় বা বিজ্ঞানের সঠিক তথ্যের সাথে মেলানোর চেষ্টা করা।
৭. কুরআনে শিক্ষা রহিত (মানসুখ) কোনো আয়াত নেই।
৮. খুঁটিনাটি/অমৌলিক বিষয়কে গুরুত্ব না দেওয়া।
৯. কয়েক বছর পরপর অনুবাদ বা ব্যাখ্যার সংস্করণ বের করা।
১০. আরবী ভাষা ও ব্যাকরণের জ্ঞান।

মূলনীতিগুলো একটি অপরটির সম্পূরক ভূমিকা পালন করে। আবার একটি সিদ্ধান্ত যত বেশি সংখ্যক মূলনীতি সমর্থিত হবে, সিদ্ধান্তটি নির্ভুল হওয়ার সম্ভাবনা তত বেশি হবে। এ বিষয়টি আল্লাহ প্রদত্ত ৩টি উৎসের প্রত্যেকটির ব্যাপারেই প্রযোজ্য। মূলনীতিসমূহ নিয়ে বিস্তারিত আলোচনা আছে 'কুরআন

রিসার্চ ফাউন্ডেশন' প্রকাশিত 'আল কুরআনের অর্থ ও তাফসীর করার মূলনীতি, প্রচলিত ধারণা ও প্রকৃত তথ্য' (গবেষণা সিরিজ-২৬) নামক বইটিতে।

আরবী ভাষা ও ব্যাকরণের জ্ঞানের সাথে অন্য ৯টি মূলনীতির সম্পর্কের অবস্থান হলো—

অবস্থান-১

আরবী ভাষা ও ব্যাকরণের ভালো জ্ঞান না থাকলে কুরআনের অর্থ করা সম্ভব নয়।

অবস্থান-২

আরবী ভাষা ও ব্যাকরণের পণ্ডিত ব্যক্তিও কুরআনের অর্থ ও ব্যাখ্যা বুঝতে অনেক মৌলিক ভুল করবেন যদি তিনি ওপরে বর্ণিত ৯টি মূলনীতি খেয়ালে না রাখেন বা ব্যবহার করতে না পারেন।

অবস্থান-৩

আরবী ভাষা ও ব্যাকরণের জ্ঞান না থাকা ব্যক্তিও কুরআনের অনুবাদ পড়ে সেখানকার ভুল থেকে (যদি থাকে) নিজেকে বাঁচিয়ে কুরআনের ভালো জ্ঞানার্জন করতে পারবেন যদি তিনি ওপরে বর্ণিত ৯টি মূলনীতি খেয়াল রাখেন বা ব্যবহার করতে পারেন।

অবস্থান-৪

আরবী ভাষা ও ব্যাকরণের কিছু জ্ঞান (আরবী থেকে অন্য ভাষার অভিধান দেখার মতো জ্ঞান) থাকা ব্যক্তি কুরআনের অর্থ ও তাফসীরের অনুবাদ গ্রন্থ সম্পাদনা করে কুরআনের ভালো অর্থ ও তাফসীরগ্রন্থ রচনা করতে পারবেন যদি তিনি ওপরের ৯টি মূলনীতি খেয়াল রাখেন বা ব্যবহার করতে পারেন।

অবস্থান-৫

কুরআন সবচেয়ে ভালো বুঝতে পারবেন সেই ব্যক্তি যার ওপরে বর্ণিত ৯টি মূলনীতি খেয়ালে আছে বা ব্যবহার করার যোগ্যতা আছে এবং আরবী ভাষা ও ব্যাকরণেরও ভালো জ্ঞান আছে।

২. সুন্নাহকে নির্ভুল জ্ঞানার্জনের উৎস হিসেবে ব্যবহার করার মূলনীতি

আমাদের গবেষণা মতে, সুন্নাহকে জ্ঞানের উৎস হিসেবে ব্যবহারের ৪টি মূলনীতি কুরআন ও সুন্নাহ আছে। বিষয়টি নিয়ে বিস্তারিত আলোচনা আছে— কুরআন রিসার্চ ফাউন্ডেশন প্রকাশিত 'প্রচলিত হাদীসশাস্ত্রে সহীহ হাদীস বলতে নির্ভুল হাদীস বুঝায় কি?' (গবেষণা সিরিজ-১৯) বইটিতে। মূলনীতিগুলোর শিরোনাম হলো—

১. সঠিক হাদীস কুরআনের সম্পূরক বা অতিরিক্ত হবে, বিপরীত হবে না।
২. একই বিষয়ের সকল হাদীস পাশাপাশি রেখে পর্যালোচনা করে চূড়ান্ত সিদ্ধান্ত গ্রহণ।
৩. হাদীস সঠিক আকল (আকলে সালিম)-এর বিরোধী হবে না।
৪. হাদীস বিজ্ঞানের সঠিক তথ্যের বিরোধী হবে না।

৩. আকল, Common sense বা বিবেককে নির্ভুল জ্ঞানার্জনের উৎস হিসেবে ব্যবহার করার মূলনীতি

নির্ভুল জ্ঞানার্জনের জন্য মহান আল্লাহর দেওয়া উৎস আকল, Common sense বা বিবেক ব্যবহার করাও অপরিহার্য। Common sense-এর সংজ্ঞা, গুরুত্ব, উৎকর্ষিত ও অবদমিত হওয়ার পদ্ধতি, ব্যবহার না করার গুনাহ, পূর্ববর্তী ও পরবর্তীদের Common sense-এর মধ্যে পার্থক্য ইত্যাদি নিয়ে বিস্তারিত আলোচনা আছে 'কুরআন রিসার্চ ফাউন্ডেশন' প্রকাশিত 'ইসলামী জীবনবিধানে Common sense-এর গুরুত্ব' (গবেষণা সিরিজ-৬) নামক পুস্তিকাটিতে। Common sense-কে জ্ঞানের উৎস হিসেবে ব্যবহারের দুটি মূলনীতি কুরআন ও হাদীসে আছে। বিষয়টি নিয়েও বিস্তারিত আলোচনা আছে ওপরে উল্লিখিত বইটিতে (গবেষণা সিরিজ-৬)। মূলনীতি দুটোর শিরোনাম হলো-

১. Common sense-কে আল্লাহ প্রদত্ত সাধারণ বা অপ্রমাণিত জ্ঞান হিসেবে ব্যবহার করা।
২. Common sense-কে আল্লাহর নিয়োগকৃত ইসলামের ঘরের দারোয়ানের মর্যাদা দেওয়া।

খ. নির্ভুল জ্ঞানার্জনের জন্য আল্লাহ প্রদত্ত উৎস তিনটি ব্যবহারের

প্রবাহচিত্র (Flow chart)

নির্ভুল জ্ঞানার্জনের জন্য আল্লাহ প্রদত্ত উৎস তিনটি ব্যবহারের মূলনীতির সাথে সেগুলো ব্যবহারের প্রবাহচিত্রের জ্ঞান থাকাও অপরিহার্য। প্রবাহচিত্রটি কুরআন ও সুন্নায়ে আছে। তবে নিম্নের দুটি উদাহরণ সামনে থাকলে কুরআন ও সুন্নায়ে থাকা প্রবাহচিত্রটি অতি সহজে বুঝা যায়। সুরা বাকারার ২৬ নং আয়াতে আল্লাহ জানিয়ে দিয়েছেন যে- কুরআন বুঝা বা ব্যাখ্যা করার জন্য সত্য উদাহরণ হলো আল্লাহর কাছ থেকে আসা সত্য শিক্ষা। কুরআনের আয়াতও আল্লাহর কাছ থেকে আসা সত্য শিক্ষা। তাই কুরআন বুঝা বা ব্যাখ্যা করার জন্য সত্য উদাহরণের গুরুত্ব অপরিসীম।

উদাহরণ-১

□ চিকিৎসাবিদ্যার রোগ নির্ণয় ও ব্যবস্থা গ্রহণের (চিকিৎসা দেওয়ার) প্রবাহচিত্র

একজন চিকিৎসকের কাছে রোগী আসলে চিকিৎসক তাকে শেখানো চিকিৎসাবিদ্যার সাধারণ জ্ঞানের আলোকে একটি প্রাথমিক রোগ নির্ণয় (Provisional diagnosis) করে এবং প্রাথমিক চিকিৎসা শুরু করে দেয়। তারপর সে ল্যাবরেটরিতে কিছু পরীক্ষা-নিরীক্ষা পাঠায়। পরীক্ষা-নিরীক্ষার রিপোর্ট হলো রোগ নির্ণয়ের প্রমাণিত (নির্ভুল) জ্ঞান। তাই পরীক্ষা-নিরীক্ষার রিপোর্ট হাতে পাওয়ার পর চিকিৎসক রিপোর্টের সাথে তার প্রাথমিক রোগ নির্ণয়কে যাচাই করে। যদি প্রাথমিক রোগ নির্ণয় যা ছিল রিপোর্টও সেই রোগ বলে তবে চিকিৎসক তার প্রাথমিক রোগ নির্ণয়কে চূড়ান্ত রোগ নির্ণয় (Final diagnosis) বলে ধরে নেয় এবং প্রাথমিক চিকিৎসা চালিয়ে যায়।


আর যদি প্রাথমিক রোগ নির্ণয় যা ছিল রিপোর্ট সেটি ছাড়া অন্য রোগ বলে, তবে চিকিৎসক (সাধারণত) তার প্রাথমিক রোগ নির্ণয়কে বাদ দিয়ে রিপোর্টে আসা রোগকেই চূড়ান্ত রোগ নির্ণয় (Final diagnosis) বলে ধরে নেয় এবং সে অনুযায়ী নতুন চিকিৎসা শুরু করে।

তবে বাস্তবে দেখা যায়— চিকিৎসাবিদ্যার যথাযথ সাধারণ জ্ঞানী চিকিৎসকের প্রাথমিক রোগ নির্ণয় ও চূড়ান্ত রোগ নির্ণয় অধিকাংশ ক্ষেত্রে অভিন্ন হয়। অল্পকিছু ক্ষেত্রে দেখা যায়— পরীক্ষার রিপোর্টের ভিত্তিতে প্রাথমিক রোগ নির্ণয়কে যাচাই করে নিশ্চিতভাবে চূড়ান্ত রোগ নির্ণয় করা সম্ভব হয় না। এরূপ ক্ষেত্রে চিকিৎসাবিজ্ঞানের বিধান হলো— প্রাথমিক রোগ নির্ণয় অনুযায়ী চিকিৎসা শুরু করা ও আরও গবেষণা চালিয়ে যাওয়া।

রোগ নির্ণয় করার সময় চিকিৎসাবিজ্ঞানের প্রতিটি ছাত্র ও তরুণ চিকিৎসকদের একটি বিষয় খুব গুরুত্ব দিয়ে শেখানো হয়। বিষয়টি হলো— পূর্ববর্তী চিকিৎসকদের রোগ নির্ণয় যাচাই করা যেতে পারে তবে তা অবশ্যই নিজে (প্রাথমিক) রোগ নির্ণয় করার পর। এর কারণ হলো—


১. পূর্ববর্তী চিকিৎসক কী রোগ নির্ণয় করেছে তা আগে দেখলে তিনি যদি কোনো ভুল করে থাকেন বর্তমান চিকিৎসক সেই একই ভুল করতে পারেন।
২. বর্তমান চিকিৎসকের রোগ নির্ণয়ের দক্ষতা উৎকর্ষিত হবে না। বরং অবদমিত হবে।
৩. সামগ্রিকভাবে মানবসভ্যতা ক্ষতিগ্রস্ত হবে।

তাই চিকিৎসাবিদ্যার রোগ নির্ণয় (Diagnosis) ও ব্যবস্থা গ্রহণের প্রবাহচিত্র হলো-



উদাহরণ-২

□ মালিক ও দারোয়ান মিলে বাড়িতে চোর ঢোকা প্রতিরোধ করার প্রবাহচিত্র বাড়িতে পরিচিত মানুষ ঢুকতে দেওয়া এবং অপরিচিত মানুষ (চোর) ঢোকা প্রতিরোধ করার জন্য সকল মালিক দারোয়ান নিয়োগ দেয়। মালিক অনুপস্থিত থাকলে কার সাথে কথা বলে চূড়ান্ত সিদ্ধান্ত নিতে হবে (মালিকের মনোনীত ব্যক্তি) তা মালিক আগে থেকে দারোয়ানকে বলে দেন। মালিক, মালিকের মনোনীত ব্যক্তি ও নিয়োগ দেওয়া দারোয়ান মিলে বাড়িতে পরিচিত লোক ঢুকতে দেওয়া এবং অপরিচিত লোক (চোর) ঢোকা প্রতিরোধ করার প্রবাহচিত্র (নীতিমালা) হলো-



উদাহরণ ২টির লক্ষণীয় বিষয় হলো—

১. জ্ঞানার্জনের (সিদ্ধান্তে পৌঁছার) দুটি স্তর আছে। প্রাথমিক স্তর ও চূড়ান্ত স্তর।
২. প্রাথমিক স্তরে ঐ বিষয়ের সাধারণ জ্ঞানের আলোকে প্রাথমিক সিদ্ধান্ত ও প্রাথমিক ব্যবস্থা নিতে হয়। যাদের ঐ বিষয়ের সাধারণ জ্ঞান আছে তারা সবাই প্রাথমিক সিদ্ধান্তে পৌঁছাতে ও প্রাথমিক ব্যবস্থা নিতে পারে।
৩. এরপর মূল প্রমাণিত জ্ঞান (মালিক) দিয়ে প্রাথমিক রায়কে যাচাই করে চূড়ান্ত সিদ্ধান্তে পৌঁছাতে হয় এবং সে অনুযায়ী ব্যবস্থা নিতে হয়।
৪. অধিকাংশ ক্ষেত্রে যথাযথভাবে সাধারণ জ্ঞান শেখা ব্যক্তিগণ কর্তৃক নেওয়া প্রাথমিক সিদ্ধান্ত, চূড়ান্ত বিচারে সঠিক বলে গৃহীত হয়।
৫. মালিক অনুপস্থিত থাকা সময়ে প্রাথমিক রায়কে মালিকের মনোনীত ব্যক্তি দিয়ে যাচাই করে চূড়ান্ত সিদ্ধান্তে পৌঁছাতে হয় এবং সে অনুযায়ী ব্যবস্থা নিতে হয়।
৬. মালিকের মনোনীত ব্যক্তি দিয়ে যাচাই করেও চূড়ান্ত সিদ্ধান্তে পৌঁছাতে না পারলে প্রাথমিক রায় অনুযায়ী নেওয়া ব্যবস্থা ও আরও চিন্তা-ভাবনা চালিয়ে যেতে হয়।
৭. সবশেষে পূর্ববর্তী ব্যক্তি বা মনীষীদের মতামত যাচাই করতে হয়।

মহান আল্লাহও জ্ঞানার্জনের জন্য সাধারণ (অপ্রমাণিত) ও প্রমাণিত উৎস দিয়েছেন। আর নির্ভুল জ্ঞানার্জনের জন্য আল্লাহ প্রদত্ত সাধারণ (অপ্রমাণিত) ও প্রমাণিত উৎস ব্যবহারের প্রবাহচিত্র মহান আল্লাহ সারসংক্ষেপ আকারে জানিয়ে দিয়েছেন সুরা নিসার ৫৯ এবং সুরা নূরের ১৫, ১৬ ও ১৭ নং আয়াতসহ আরও কিছু আয়াতের মাধ্যমে। আর আয়েশা রা.-এর চরিত্র নিয়ে রটানো প্রচারণাটির (ইফকের ঘটনা) ব্যাপারে নিজের অনুসরণ করা সিদ্ধান্তে পৌঁছানোর পদ্ধতির মাধ্যমে রসুলুল্লাহ স. প্রবাহচিত্রটি বাস্তবে প্রয়োগ করে দেখিয়েছেন। প্রবাহচিত্রটি নিয়ে বিস্তারিত আলোচনা করা হয়েছে ‘কুরআন রিসার্চ ফাউন্ডেশন’ প্রকাশিত ‘কুরআন, সুন্নাহ ও Common sense ব্যবহার করে নির্ভুল জ্ঞানার্জনের প্রবাহচিত্র’ (গবেষণা সিরিজ-১২) নামক বইটিতে। ওপরে বর্ণিত কুরআন, সুন্নাহ ও Common sense-এর মধ্যকার পার্থক্য এবং উদাহরণ দুটি সামনে থাকলে কুরআন ও সুন্নাহ থাকা আল্লাহ প্রদত্ত উৎস ৩টি ব্যবহারের প্রবাহচিত্রটি বোঝা মোটেই কঠিন নয়। প্রবাহচিত্রটি নিম্নরূপ—

যেকোনো বিষয়

আকল/Common sense/বিবেক (আল্লাহ প্রদত্ত সাধারণ/অপ্রমাণিত জ্ঞান) বা বিজ্ঞানের (আকলের মাধ্যমে উদ্ভাবিত বিশেষ জ্ঞান) ভিত্তিতে সঠিক বা ভুল বলে প্রাথমিক সিদ্ধান্ত ও ব্যবস্থা নেওয়া

কুরআন (মূল প্রমাণিত জ্ঞান) দিয়ে যাচাই করে প্রাথমিক সিদ্ধান্তকে চূড়ান্তভাবে গ্রহণ বা বর্জন করা এবং সে আলোকে চূড়ান্ত ব্যবস্থা নেওয়া (প্রাথমিক ব্যবস্থা চালিয়ে যাওয়া বা নতুন ব্যবস্থা নেওয়া)

সম্ভব না হলে সুন্নাহ (ব্যখ্যামূলক প্রমাণিত জ্ঞান) দিয়ে যাচাই করে প্রাথমিক সিদ্ধান্তকে চূড়ান্তভাবে গ্রহণ বা বর্জন করা এবং সে আলোকে চূড়ান্ত ব্যবস্থা নেওয়া (প্রাথমিক ব্যবস্থা চালিয়ে যাওয়া বা নতুন ব্যবস্থা নেওয়া)

সম্ভব না হলে প্রাথমিক সিদ্ধান্তের (আকল/Common sense/বিবেক বা বিজ্ঞানের রায়) ভিত্তিতে নেওয়া ব্যবস্থা ও গবেষণা চালিয়ে যাওয়া

মনীষীদের ইজমা-কিয়াস দিয়ে চূড়ান্ত সিদ্ধান্তকে যাচাই-বাছাই করে অধিক তথ্যভিত্তিকটি গ্রহণ করা এবং সে অনুযায়ী চূড়ান্ত ব্যবস্থা নেওয়া যেতে পারে

বিজ্ঞান

‘বিজ্ঞান’ হলো মানবজীবনের কোনো দিকের বিশেষ তথ্য উৎকর্ষিত জ্ঞান। মানবসভ্যতার বর্তমান স্তরে ‘বিজ্ঞান’ যে জ্ঞানের একটি উৎস এটা কেউ অস্বীকার করবে বলে মনে হয় না। বিজ্ঞানের বিষয় আবিষ্কারের ব্যাপারে আকল/Common sense/বিবেকের ব্যাপক ভূমিকা থাকে। উদাহরণস্বরূপ বিজ্ঞানী নিউটনের মাধ্যাকর্ষণ শক্তি আবিষ্কারের বিষয়টি উল্লেখ করা যায়। নিউটন একদিন আপেল গাছের নিচে বসে থাকা অবস্থায় দেখলেন, একটি আপেল মাটিতে পড়লো। তিনি ভাবলেন, আপেলটি ওপরের দিকে না গিয়ে নিচের দিকে আসলো কেন? নিশ্চয় কোনো শক্তি আপেলটিকে নিচের দিকে (পৃথিবীর কেন্দ্রের দিকে) টেনেছে। Common sense-এর এ তথ্যের ওপর

ভিত্তি করে গবেষণার মাধ্যমে বিজ্ঞানী নিউটন মাধ্যাকর্ষণ শক্তি আবিষ্কার করেন। আর ঐ আবিষ্কারের প্রতিটি বাঁকে তাকে Common sense ব্যবহার করতে হয়েছে। অর্থাৎ বিজ্ঞানের তত্ত্ব বা তথ্য আবিষ্কারের ব্যাপারে Common sense-এর বিরাট ভূমিকা আছে। তাই বিজ্ঞান হলো Common sense-এর মাধ্যমে উদ্ভাবিত জ্ঞান।

বিজ্ঞানের অনেক তত্ত্ব বা তথ্য সময়ের আবর্তে পরিবর্তন হয়ে যায়। কারণ, মানুষের জ্ঞান সীমিত। আমার ৪০ বছরের চিকিৎসা জীবনে চিকিৎসাবিজ্ঞানের অনেক তথ্য সম্পূর্ণরূপে পরিবর্তিত হয়ে যেতে দেখেছি। তাই ইসলামী নীতি হলো Common sense-এর মতো বিজ্ঞানের কোনো তত্ত্ব বা তথ্যকে চূড়ান্তভাবে গ্রহণ বা বর্জন করার আগে কুরআন বা সুন্নাহর ভিত্তিতে অবশ্যই যাচাই করে নিতে হবে।

অন্যদিকে, বিজ্ঞানের কোনো তত্ত্ব বা তথ্য যদি সঠিক হয় তবে সেটি এবং ঐ বিষয়ের কুরআনের তথ্য অভিন্ন হবে। এ কথাটি কুরআন জানিয়েছে এভাবে—

سُرِّيهِمْ اٰيَاتِنَا فِي الْاَفَاقِ وَفِيْ اَنْفُسِهِمْ حَتّٰى يَتَّبِعُوْنَ اٰيَاتِنَا اِنَّهٗ الْحَقُّ^ط

শীঘ্রই (অতাত্ক্ষণিকভাবে) আমরা তাদেরকে দিগন্তসমূহে এবং তাদের নিজেদের (শরীরের) মধ্যে আমাদের নিদর্শনাবলি দেখাবো, যতক্ষণ না তাদের কাছে সুস্পষ্ট হয়ে উঠবে যে, এটি (কুরআনের বৈজ্ঞানিক ও সাধারণ সকল তথ্য) সত্য।

(সুরা হা-মিম-আস-সাজদা/৪১ : ৫৩)

ব্যাখ্যা : দিগন্ত হলো খালি চোখ এবং অণুবীক্ষণ ও দূরবীক্ষণ যন্ত্রের মাধ্যমে মানুষের দৃষ্টিশক্তি যতদূর যায় ততদূর। আর আল্লাহ তা'য়ালার কর্তৃক অতাত্ক্ষণিকভাবে দেখানোর অর্থ— প্রকৃতিতে থাকা আল্লাহর প্রণয়ন করে রাখা বৈজ্ঞানিক বিষয় গবেষণার মাধ্যমে আবিষ্কার হওয়ার পর দেখা।

তাই এ আয়াতে বলা হয়েছে— খালি চোখ ও দূরবীক্ষণ যন্ত্রের মাধ্যমে মানুষের দৃষ্টি শক্তি যতদূর যায় ততদূর এবং মানুষের শরীরের মধ্যে থাকা আল্লাহর তৈরি করে রাখা বিভিন্ন বিষয় তাঁর তৈরি প্রোগ্রাম অনুযায়ী গবেষণার মাধ্যমে ধীরে ধীরে আবিষ্কার হতে থাকবে। এ আবিষ্কারের মাধ্যমে একদিন কুরআনে থাকা কুরআনের বৈজ্ঞানিক ও সাধারণ সকল তথ্য সত্য প্রমাণিত হবে। তাই এ আয়াত অনুযায়ী কোনো বিষয়ে কুরআনের তথ্য এবং ঐ বিষয়ে বিজ্ঞানের প্রতিষ্ঠিত তথ্য অভিন্ন হবে।

কিয়াস ও ইজমা

ইসলামে প্রজ্ঞাবান, বিচক্ষণ, হিকমাধারী বা মনীষীর সংজ্ঞা হলো- কুরআন, সুন্নাহ, বিজ্ঞান, সাধারণ ও বৈজ্ঞানিক সত্য উদাহরণ এবং সাধারণ ও ঐতিহাসিক সত্য ঘটনা ও কাহিনির ভিত্তিতে উৎকর্ষিত আকল, Common sense বা বিবেকবান ব্যক্তি।

আর কিয়াস হলো- কুরআন ও সুন্নাহর পরোক্ষ, একাধিক/ব্যাপক অর্থবোধক অথবা কুরআন-সুন্নাহ সরাসরি নেই এমন বিষয়ে কুরআন সুন্নাহর অন্য তথ্যের ভিত্তিতে যেকোনো যুগের একজন উৎকর্ষিত Common sense সম্পন্ন তথা প্রজ্ঞাবান/বিচক্ষণ/হিকমাধারী/মনীষী ব্যক্তির উন্নত অনুধাবন ও ব্যাখ্যা-বিশ্লেষণ ক্ষমতার ভিত্তিতে পরিচালিত হওয়া গবেষণার ফল।

অন্যদিকে কোনো বিষয়ে সকলের কিয়াসের ফল এক হলে বা কারও কিয়াসের ব্যাপারে সকলে একমত হলে তাকে 'ইজমা' (Concensus) বলে।

কারও গবেষণার ফল জ্ঞানের উৎস হতে পারে না। গবেষণার ফল হয় রেফারেন্স তথা তথ্যসূত্র। তাই সহজে বলা যায়- কিয়াস বা ইজমা জ্ঞানের উৎস হবে না। কিয়াস ও ইজমা হবে তথ্যসূত্র বা রেফারেন্স।

ইজমা ইসলামী জীবনবিধানের একটি গুরুত্বপূর্ণ বিষয় হলেও মনে রাখতে হবে ইজমা অপরিবর্তনীয় নয়। কারণ, মানবসভ্যতার জ্ঞানের উন্নতির সাথে কুরআন ও সুন্নাহর ঐ সকল অস্পষ্ট বক্তব্য আরও স্পষ্ট হয়ে উঠবে। ফলে ঐ সব বিষয়ে কিয়াস ও ইজমার সিদ্ধান্ত পরিবর্তন হয়ে যেতে পারে। বিজ্ঞানের বিষয়ের মতো অন্য যেকোনো বিষয়েই তা হতে পারে।

কিয়াস ও ইজমা সম্পর্কে কুরআন ও হাদীসের বক্তব্য-
কুরআন

..... فَسْئَلُوا أَهْلَ الذِّكْرِ إِنْ كُنْتُمْ لَا تَعْلَمُونَ.

... .. অতঃপর তোমরা যদি না জানো তবে (কিতাবের) বিশেষজ্ঞ জ্ঞানীদেরকে জিজ্ঞাসা করো।

(সুরা নাহল/১৬ : ৪৩, সুরা আশ্বিয়া/২১ : ৭)

ব্যাখ্যা : আহলে কিতাবদের উদ্দেশ্য করে বলা হলেও আয়াতটির শিক্ষা সকলের জন্য প্রযোজ্য। জ্ঞানার্জনের আল্লাহ প্রদত্ত উৎসসমূহ হলো কুরআন, সুন্নাহ ও Common sense। আর ইজমা বা কিয়াস হলো, ইসলামী বিশেষজ্ঞদের (মনীষী/আকাবের) গবেষণার ফল বা সিদ্ধান্ত।

আয়াতটির সরাসরি নির্দেশ হলো- ইজমা/কিয়াস দেখতে হবে একটি বিষয় নিজে জানা বা সিদ্ধান্তে পৌঁছার চেষ্টা করে ব্যর্থ হওয়ার পর। অবশ্যই আগে নয়। অন্যদিকে বিশেষজ্ঞদের মতামত (ইজমা ও কিয়াস) অন্ধভাবে মেনে নেওয়া যাবে না। এটি করলে শিরক বা কুফরী ধরনের কবীরা গুনাহ হবে। শিরক হবে যদি কোনো বিশেষজ্ঞের সকল সিদ্ধান্ত নির্ভুল মনে করে মেনে নেওয়া হয়। কারণ, নির্ভুলতা শুধু মহান আল্লাহর গুণ। আর কুফরী হবে যদি নিজে ইসলামের কিছুই জানি না বলে বিশেষজ্ঞদের মতামত মেনে নেওয়া হয়। কারণ, যার Common sense আছে সে ইসলামের অনেক কিছু জানে। তাই আমি ইসলামের কিছুই জানি না বললে আল্লাহর দেওয়া একটি বড়ো নিয়ামতকে অস্বীকার করা হয়। বিষয়টি নিয়ে বিস্তারিত আলোচনা আছে- ‘কুরআন রিসার্চ ফাউন্ডেশন’ প্রকাশিত ‘অন্ধ অনুসরণ কুফরী বা শিরক নয় কি?’ (গবেষণা সিরিজ-২১) নামক বইটিতে।

হাদীস

رَوِيَ فِي مُسْنَدِ أَحْمَدَ حَدَّثَنَا عَبْدُ اللَّهِ عَنْ عَمْرِو بْنِ شُعَيْبٍ عَنْ أَبِيهِ عَنْ
 جَدِّهِ وَقَالَ لَقَدْ جَلَسْتُ أَنَا وَأَخِي بَجَلِيسًا مَا أَحْبَبُّ أَنْ لِي بِهِ حُمْرَ النَّعَمِ أَقْبَلْتُ أَنَا وَأَخِي
 وَإِذَا مَشِيخَةٌ مِنْ صَحَابَةِ رَسُولِ اللَّهِ ﷺ جُلُوسٌ عِنْدَ بَابٍ مِنْ أَبْوَابِهِ فَكَّرَ هُنَا أَنْ
 نُفَرِّقَ بَيْنَهُمْ فَجَلَسْنَا حَجْرَةً إِذْ ذَكَرُوا آيَةً مِنَ الْقُرْآنِ فَتَمَارَوْا فِيهَا حَتَّى ارْتَفَعَتْ
 أَصْوَاتُهُمْ فَخَرَجَ رَسُولُ اللَّهِ ﷺ مُغَضَّبًا قَدْ احْمَرَّتْ وَجْهُهُ يَرِيهِمْ بِالثُّرَابِ وَيَقُولُ
 مَهْلًا يَا قَوْمٍ بِهَذَا أَهْلَكْتُ الْأُمَّةَ مِنْ قَبْلِكُمْ بِاخْتِلَافِهِمْ عَلَى أُنْبِيَائِهِمْ وَضُرِّبِهِمْ
 الْكُتُبَ بَعْضُهَا بِبَعْضٍ إِنَّ الْقُرْآنَ لَمْ يَنْزَلْ يُكَذِّبُ بَعْضُهُ بَعْضًا بَلْ يُصَدِّقُ بَعْضُهُ
 بَعْضًا فَمَا عَرَفْتُمْ مِنْهُ فَاعْمَلُوا بِهِ وَمَا جَهِلْتُمْ مِنْهُ فَرُدُّوهُ إِلَىٰ عَالِمِهِ.

আমর ইবন শুআইব ইবনুল আস রা.-এর বর্ণনা সনদের ৫ম ব্যক্তি আনাস ইবন ইয়ায রহ. থেকে শুনে ‘আল মুসনাদ’ গ্রন্থে লিখেছেন- আমার ইবন শুআইব ইবনুল আস রা. বলেন- আমি ও আমার ভাই এক মজলিশে বসলাম, আর সে জায়গাটি লাল পিঁপড়ে থাকার কারণে আমি তা পছন্দ করলাম না, তাই সামনে অগ্রসর হলাম। এমনকি বয়োজ্যেষ্ঠ সাহাবীদের নিকটবর্তী হয়ে গেলাম যারা রসুলুল্লাহ স.-এর ঘরের দরজার একটি দরজার সামনে বসেছিল।

আর আমরা তাঁদের থেকে পৃথক হওয়াকে অপছন্দ করলাম, অতঃপর তাঁদের মাঝে একটি পাথরের ওপর বসলাম। তাঁরা কুরআনের একটি আয়াত বলছিল অতঃপর সেটি নিয়ে বিতর্ক করছিল, এমনকি তাঁদের আওয়াজ উঁচু হয়ে গেল। অতঃপর রসুলুল্লাহ স. রাগান্বিত অবস্থায় বের হলেন, আর তাঁর মুখমণ্ডল রক্তিম হয়ে গেল, তিনি তাদের প্রতি মাটি ছুঁড়ে মারলেন এবং বললেন— আরে হে সম্প্রদায়! তোমাদের পূর্ববর্তী নবীদের কণ্ঠস্বর তাদের কিতাব নিয়ে এ ধরনের বিতর্ক করার কারণেই ধ্বংস হয়ে গিয়েছে। তারা কিতাবের একটি অংশ দিয়ে অন্য অংশকে রহিত করেছিল। নিশ্চয় এ কুরআনের এক অংশ অন্য অংশকে মিথ্যা প্রতিপন্ন/রহিত করার জন্য নাযিল করা হয়নি। বরং একাংশ অপর অংশের সত্যতা প্রমাণ করার জন্য নাযিল করা হয়েছে। তাই এতে (কুরআন) থাকা যে সকল বিষয় তোমাদের হৃদয়ঙ্গম হয় (আকল/**Common sense**/বিবেক দিয়ে বুঝতে পারো) তার ওপর ‘আমল করো। আর যা তোমাদের আকল/**Common sense**/বিবেকের বাইরে, তা ঐ বিষয়ে যারা (বিশেষজ্ঞ) জ্ঞানী তাদের দিকে ফিরিয়ে দাও।

◆ আহমাদ, *আল-মুসনাদ*, হাদীস নং-৬৭০২।

◆ হাদীসটির সনদ ও মতন সহীহ।

ব্যাখ্যা : হাদীসটির বোল্ড করা অংশে রসুল স. বলেছেন— কুরআনের যে সকল বক্তব্য মু’মিনরা নিজেদের আকল/বিবেক/**Common sense** দিয়ে বুঝতে পারে তার ওপর ‘আমল করতে। আর যা তাদের আকলের বুঝের বাইরে তা ঐ বিষয়ে যারা বিশেষজ্ঞ জ্ঞানী তাদের দিকে ফিরিয়ে দিতে তথা তাদের কাছে জিজ্ঞাসা করে তা জেনে নিতে।

কুরআন ও হাদীসের উল্লিখিত তথ্যগুলো থেকে মুসলিমদের সামগ্রিক শিক্ষা হলো—

১. ইসলামী সমাজে কুরআনের সাধারণ ও বিশেষজ্ঞ জ্ঞানী থাকবে বা থাকতে হবে।
২. কুরআন, সুন্নাহ ও **Common sense**-এর মাধ্যমে ইসলামের প্রতিটি বিষয় জানার চেষ্টা সকল মুসলিমকে করতে হবে।
৩. কুরআন, সুন্নাহ ও **Common sense**-এর মাধ্যমে সাধারণ জ্ঞানীরা কোনো বিষয়ে সিদ্ধান্তে পৌঁছাতে না পারলে বিশেষজ্ঞ জ্ঞানীদের (মনীষী/আকাবের) থেকে সেটি জেনে নিতে হবে বা তাদের লেখা বই পড়ে তা জানতে হবে।

৪. কুরআন, সুন্নাহ ও Common sense-এর মাধ্যমে সাধারণ জ্ঞানীরা একটি বিষয়ে সিদ্ধান্তে পৌঁছাতে পারলে বিশেষজ্ঞ জ্ঞানীদের থেকে সেটি জানা বা তাদের লেখা বই পড়ার প্রয়োজন নেই।
৫. বিশেষজ্ঞ জ্ঞানীদের সিদ্ধান্ত (ইজমা বা কিয়াস) যাচাই করার বিষয়টি ঘটবে শেষে।
৬. ইজমা বা কিয়াস উৎস নয়। ইজমা বা কিয়াস হলো রেফারেন্স।

এ পুস্তিকার আলোচ্য বিষয়ের ব্যাপারে কুরআন ও প্রকৃত সহীহ হাদীসে স্পষ্ট বক্তব্য আছে। তাই এখানে কিয়াস ও ইজমার সুযোগ নেই।



কুরআনের আরবী আয়াত সর্বদা অপরিবর্তিত থাকবে,
কিন্তু কিছু কিছু অর্থ ও ব্যাখ্যা
যুগের জ্ঞানের আলোকে উন্নত হবে।



আল কুরআন

যুগের জ্ঞানের আলোকে
অনুবাদ ও মৌলিক তাফসীর
(সচিত্র)

যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১


মূল বিষয়

জীবন সম্পর্কিত নির্ভুল জ্ঞানার্জনের সাথে সম্পর্কযুক্ত বিষয়ের মধ্যে সবচেয়ে বেশি গুরুত্বপূর্ণ দুইটি হলো- উৎস ও নীতিমালা। উৎস ব্যবহার করে নীতিমালা তৈরি করা হয়। তাই উৎসে ভুল থাকলে জ্ঞানার্জনের নীতিমালায় অবশ্যই ভুল হবে। আর উৎস ও নীতিমালা উভয়টিতে ভুল থাকলে নির্ভুল জ্ঞানার্জনের সব কর্মপ্রচেষ্টা নিশ্চিতভাবে ব্যর্থ হবে।

বর্তমান মুসলিম জাতির জ্ঞানের উৎসের তালিকায় আল্লাহ প্রদত্ত একটি উৎস অনুপস্থিত। আর সে স্থানে যে দুটি বিষয় স্থান পেয়েছে সে দুটি উৎস হিসেবে গ্রহণযোগ্য হতে পারে না। সে দুটি হবে তথ্যসূত্র। এটি কীভাবে সম্ভব হলো তা এক বড়ো গবেষণার বিষয়। এ বিষয়গুলো তথ্য-প্রমাণের ভিত্তিতে পর্যালোচনা করে জ্ঞানার্জনের আল্লাহ প্রদত্ত উৎস কী কী হবে তা উপস্থাপন করাই এ পুস্তিকার মূল উদ্দেশ্য। আশাকরি বইটি মুসলিম জাতি ও বিশ্বমানবতার জন্য অপরিসীম কল্যাণ বয়ে আনবে।

হাদীসের সনদ ও মতন
উভয়টি বিচার বিশ্লেষণ করে
সম্পূর্ণ ব্যতিক্রমী
যুগোপযোগী ব্যাখ্যাসহ

সনদ ও মতন সহীহ
হাদীস সংকলন
প্রথম খণ্ড



যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১

জ্ঞানের প্রচলিত ইসলামী উৎসের পর্যালোচনা

বর্তমান মুসলিম বিশ্বে ইসলামী ও সাধারণ শিক্ষিত প্রায় সকল মুসলিম জানে ও বিশ্বাস করে যে, জ্ঞানের উৎসসমূহ হলো—

১. কুরআন
২. সুন্নাহ
৩. ইজমা
৪. কিয়াস

বিষয়টি বিভিন্ন গ্রন্থে নিম্নোক্তভাবে উল্লিখিত আছে—

গ্রন্থ-১

□ মাআলিমু উসূল আল-ফিকহ ইন্দা আহলি সুন্নাহ ওয়াল জামাআত

أُصُولُ الْعِلْمِ: الْكِتَابُ وَالسُّنَّةُ وَالْإِجْمَاعُ وَالْقِيَاسُ.

জ্ঞানের উৎস : আল-কুরআন, সুন্নাহ, ইজমা ও কিয়াস।

ইবন হাসান, মাআলিমু উসূল আল-ফিকহ ইন্দা আহলি সুন্নাহ ওয়াল জামাআত (বৈরুত : দারু ইবনুল জাওজী, ১৪২৭ হি.), পৃ. ৩১।

গ্রন্থ-২

□ আল-মুফাস্সাল

প্রকৃত জ্ঞানের মূল উৎস চারটি। যথা : কুরআন, সুন্নাহ, কিয়াস ও ইজমা।

(আলী ইবন নায়িফ আশ-শুহুদ, আল-মুফাস্সাল, খ. ৩, পৃ. ৭২।)

গ্রন্থ-৩

□ উসূলুশ শাশী মূলগ্রন্থ

أُصُولُ الْفُقَهَاءِ أَرْبَعَةٌ: كِتَابُ اللَّهِ تَعَالَى، وَسُنَّةُ رَسُولِهِ، وَإِجْمَاعُ الْأُمَّةِ، وَالْقِيَاسُ، فَلَا بُدَّ مِنَ الْبَحْثِ فِي كُلِّ وَاحِدٍ مِنْ هَذِهِ الْأَقْسَامِ، لِيُعْلَمَ بِذَلِكَ طَرِيقُ تَخْرُجِ الْأَحْكَامِ.

ফিকহশাস্ত্রের মূলনীতি চারটি : আল্লাহর কিতাব, রসূলুল্লাহ স.-এর সুন্নাহ, উম্মাতের ইজমা ও কিয়াস। অতঃপর প্রত্যেক মূলনীতি সম্পর্কে বিশ্লেষণধর্মী আলোচনা-পর্যালোচনা আবশ্যিক। যাতে শরীয়াতের বিধিমালা উপস্থাপনের উদ্ভাবনী পদ্ধতি সম্পর্কে অবগত হওয়া যায়।

{আবু আলী আহমাদ ইবন মুহাম্মাদ আশ-শাশী, উসূলুশ শাশী (বৈরুত : দারুল কিতাবুল আরাবী, ১৪০২ হি.), পৃ. ১৩}

গ্রন্থ-৪

□ মাদ্রাসার পাঠ্যবই হিসেবে বাংলায় লেখা উসূলুশ শাশী

ইসলামী বিধানের মূল বুনিয়াদ (উৎস) হলো ৪টি- কুরআন, সুন্নাহ, ইজমা ও কিয়াস। কিয়ামত পর্যন্ত ঘটমান সব সমস্যার সমাধান এ ৪টি থেকে বের করতে হবে। এর বাইরে ব্যক্তিগত জ্ঞান-গরিমা বা মেধার আলোকে (গবেষণা করে) যে যতই সুন্দর সুষ্ঠু সমাধান বের করবে ইসলামে তার কোনো মূল্য নেই। (পেশ কালাম, উসূলুশ শাশী, প্রকাশক : আল-আকসা লাইব্রেরী, ঢাকা। প্রকাশ কাল-০৯.১১.২০০৪)।

গ্রন্থ-৫

□ ইসলামী অর্থনীতি

জ্ঞানের চারটি উৎস রয়েছে- ক. আল-কুরআন, খ. আল-হাদীস বা সুন্নাহ, গ. ইজমা এবং ঘ. ইজতিহাদ বা কিয়াস। (ইসলামী অর্থনীতি, এম এ হামিদ। ভাষান্তর ও সম্পাদনা : প্রফেসর শাহ মুহাম্মদ হাবীবুর রহমান, অর্থনীতি বিভাগ, রাজশাহী বিশ্বাবিদ্যালয়, ১৯৯৯খ্রি., পৃ. ১৪)

কিয়াসের সরল সংজ্ঞা

কুরআন ও সুন্নাহর পরোক্ষ, একাধিক অর্থবোধক অথবা কুরআন ও সুন্নাহ সরাসরি নেই এমন বিষয়ে- কুরআন ও সুন্নাহর অন্য তথ্যের আলোকে, ইসলামের একজন ফকীহ/মনীষী ব্যক্তির গবেষণার ফল।

ইজমার সাধারণ সংজ্ঞা

কোনো বিষয়ে সকলের কিয়াসের ফল অভিন্ন হলে অথবা কারো কিয়াসের বিষয়ে সকলে একমত হলে তাকে ইজমা বলে।

গবেষণার ফল কখনো উৎস হতে পারে না। গবেষণার ফল হয় তথ্যসূত্র (Reference)। কিয়াস ও ইজমা হলো- ব্যক্তি ও সামষ্টিক গবেষণার ফল। তাই কিয়াস ও ইজমা কোনোভাবেই জ্ঞানের উৎস হতে পারে না। তবে মনীষীদের গবেষণার ফলের অবশ্যই মূল্য আছে। আর সে মূল্য হলো- কিয়াস ও ইজমা হবে তথ্যসূত্র।

বিষয়টি নিয়ে বিস্তারিত আলোচনা আছে- 'ইবলিস ও তার দোসরদের ষড়যন্ত্রের কবলে জ্ঞানের ইসলামী উৎস ও নীতিমালা' (গবেষণা সিরিজ-৩৮) নামক বইটিতে।

জ্ঞানের আল্লাহ প্রদত্ত উৎসসমূহ

জ্ঞানের আল্লাহ প্রদত্ত উৎসসমূহ হলো—

১. কুরআন
২. সুন্নাহ (সনদ ও মতন সহীহ হাদীস)
৩. আকল/Common sense/বিবেক।

তবে উৎস তিনটির গুরুত্ব ও ব্যবহারবিধির মধ্যে ব্যাপক পার্থক্য বিদ্যমান। আমরা এখন দলিল প্রমাণের ভিত্তিতে সেগুলো জানার চেষ্টা করবো ইনশাআল্লাহ।

কুরআন আল্লাহ প্রদত্ত জ্ঞানের উৎস হওয়ার প্রমাণ

বিভিন্ন তথ্য-প্রমাণের ভিত্তিতে বিষয়টি জানার চেষ্টা করা হবে।

যুক্তি

সব জিনিস পরিচালনার একটি মূল ও মানদণ্ড জ্ঞান থাকা উচিত এবং বাস্তবে থাকেও। আর মূল ও মানদণ্ড জ্ঞান তিনিই সবচেয়ে ভালো প্রণয়ন করতে পারবেন যিনি জিনিসটি তৈরি বা প্রণয়ন করেছেন। তাই মানুষের জীবন পরিচালনারও একটি মূল ও মানদণ্ড জ্ঞান থাকা উচিত। আর মূল ও মানদণ্ড জ্ঞান সবচেয়ে ভালো প্রণয়ন করতে পারবেন মানুষের সৃষ্টিকর্তা মহান আল্লাহ। আমরা এখন তথ্য-প্রমাণের ভিত্তিতে জানার চেষ্টা করবো কুরআন উল্লিখিত শর্ত পূরণ করে মূল, প্রমাণিত ও মানদণ্ড জ্ঞান হতে পারে কি পারে না।

আল কুরআন

তথ্য-১

قُلْنَا اهْبِطُوا مِنْهَا جَمِيعًا ۚ فَاَنۡمَآ يَآتِيَنَّكُم مِّنۡهُۥٓ هُدًى فَمَن تَبِعَ هُدَاىۡ فَلَا خَوْفٌ عَلَيْهِمْ
وَلَا هُمْ يَحۡزَنُونَ .

আমরা বললাম, তোমরা সবাই এখান (জান্নাত) থেকে নেমে যাও। অতঃপর যখন আমার কাছ থেকে তোমাদের কাছে (জীবন পরিচালনার) পথনির্দেশিকা

যাবে, তখন যারা আমার সেই পথনির্দেশিকা অনুসরণ করবে, তাদের কোনো ভয় থাকবে না এবং তাদের দুশ্চিন্তাও থাকবে না।

(সূরা আল বাকারা/২ : ৩৮)

ব্যাখ্যা : আদম ও হাওয়া আ. রূহের জগতে নিষিদ্ধ গাছের ফল খাওয়ার পর ভুল বুঝতে পেরে আল্লাহর কাছে তাওবা করেন। মহান আল্লাহ তাঁদের তাওবা কবুল করেন। অতঃপর তাঁদেরকে জান্নাত থেকে নেমে গিয়ে কিছু দিনের জন্য পৃথিবীতে থাকতে হবে বলে জানিয়ে দেন। আদম আ. তখন এটি ভেবে চিন্তিত হয়ে পড়েন যে- ইবলিস ধোঁকা দিয়ে নিষিদ্ধ গাছের ফল খাইয়ে তাঁদেরকে জান্নাত থেকে নামিয়ে দিতে সক্ষম হয়েছে। তাই পৃথিবীতে নিশ্চয় সে তাঁদের সকল সন্তানদের ধোঁকা দিয়ে নিষিদ্ধ কাজ করিয়ে জান্নাত থেকে মাহরুম করে জাহান্নামে পাঠিয়ে দেবে। মানবজাতির আদি পিতা-মাতার ঐ স্বাভাবিক দুঃশ্চিন্তার প্রেক্ষিতে মহান আল্লাহ আলোচ্য আয়াতে থাকা কথাটি বলেন।

আয়াতটির মাধ্যমে আল্লাহ জানিয়ে দিয়েছেন যে- পৃথিবীতে মানুষের জন্য যুগে যুগে তাঁর কাছ থেকে পথনির্দেশিকা তথা কিতাব যাবে। যারা ঐ কিতাবের জ্ঞানার্জন করবে এবং তা অনুসরণ করে জীবন পরিচালনা করবে তাদের জান্নাত থেকে মাহরুম হওয়ার ভয় থাকবে না। আল্লাহর ঐ কিতাবের শেষ সংস্করণ হলো আল কুরআন।

আয়াতটি থেকে জানা যায়- কুরআন হলো মানুষের জীবন পরিচালনার তথ্য ধারণকারী আল্লাহ তা'য়ালার প্রদত্ত কিতাব।

তথ্য-২

وَكَذَلِكَ أَوْحَيْنَا إِلَيْكَ رُوحًا مِّنْ أَمْرِنَا مَا كُنْتَ تَدْرِي مَا الْكِتَابُ وَلَا الْإِيمَانُ وَلَكِن جَعَلْنَاهُ نُورًا نَّوْهَىٰ بِهِ مَن نَّشَاءُ مِنْ عِبَادِنَا وَإِنَّكَ لَتَهْدِي إِلَىٰ صِرَاطٍ مُّسْتَقِيمٍ .

আর এভাবে আমরা তোমার প্রতি আমাদের নির্দেশ সংবলিত রূহ (ওহী/আল কুরআন) প্রেরণ করেছি। (এর আগে) তুমি জানতে না কিতাব ও ঈমান কী? কিন্তু আমরা এটিকে বানিয়েছি একটি (জ্ঞানের) আলো, যা দিয়ে আমরা আমাদের বান্দাদের মধ্যে (অতাৎক্ষণিকভাবে) যাকে ইচ্ছা সঠিক পথে পরিচালিত করি। আর নিশ্চয় তুমি অবশ্যই স্থায়ী পথের দিকে আহ্বান করছো।

(সূরা আশ শূরা/৪২ : ৫২)

অংশভিত্তিক ব্যাখ্যা

‘আর এভাবে আমরা তোমার প্রতি আমাদের নির্দেশ সংবলিত রুহ (ওহী/কুরআন) প্রেরণ করেছি’ অংশের ব্যাখ্যা- কুরআন আল্লাহ প্রেরিত নির্দেশ সংবলিত গ্রন্থ। আগের আয়াত থেকে জানা যায়, ঐ নির্দেশ রসুল স.-কে জানানো হয়েছে তিনটি পদ্ধতিতে-

১. জিব্রাইল আ.-এর আনা ওহী।
২. পর্দার অন্তরালে থেকে কথা বলা।
৩. সরাসরি প্রেরিত ওহী (ক্ষুদে বার্তা/SMS)।

‘(এর আগে) তুমি জানতে না কিতাব ও ঈমান কী’ অংশের ব্যাখ্যা- কুরআন নাযিল হওয়ার আগে রসুল স.-এর জানা ছিল না আল্লাহর কিতাব ও ঈমান কী বিষয়।

‘কিন্তু আমরা এটিকে বানিয়েছি একটি (জ্ঞানের) আলো’ অংশের ব্যাখ্যা- আয়াতাতংশ অনুযায়ী কুরআন হলো জ্ঞানের আলো। অর্থাৎ কুরআন হলো মানুষের জীবন পরিচালনার জ্ঞান ধারণকারী গ্রন্থ।

‘যা দিয়ে আমরা আমাদের বান্দাদের মধ্য থেকে (অতাৎক্ষণিকভাবে) যাকে ইচ্ছা সঠিক পথে পরিচালিত করি’ অংশের ব্যাখ্যা- আল্লাহর অতাৎক্ষণিক ইচ্ছা তথা আল্লাহর তৈরি প্রোগ্রাম/নীতিমালা অনুযায়ী কুরআনের জ্ঞানকে কাজে লাগালে মানুষ সঠিক পথ লাভ করবে।

‘আর নিশ্চয় তুমি অবশ্যই স্থায়ী পথের দিকে আহ্বান করছো’ অংশের ব্যাখ্যা- আল্লাহর কিতাবের মূল বিধি-বিধান, আদেশ-নিষেধ ও তথ্য স্থায়ী।

আয়াতটি থেকেও জানা যায়- কুরআন হলো মানুষের জীবন পরিচালনার তথ্য ধারণকারী আল্লাহ তা’য়ালা প্রদত্ত কিতাব।

তথ্য-৩

ذٰلِكَ الْكِتٰبُ لَا رَيْبَ فِيْهِ هُدًى لِّلْمُتَّقِيْنَ .

এটি (কুরআন) সেই (প্রতিশ্রুত) কিতাব। যাতে কোনো সন্দেহ নেই। (এটি) একটি পথনির্দেশিকা (Manual) আল্লাহ সচেতন ব্যক্তিদের জন্য।

(সূরা আল বাকারা/২ : ২)

ব্যাখ্যা : (এটি) একটি পথনির্দেশিকা আল্লাহ সচেতন ব্যক্তিদের জন্য বক্তব্যটি থেকে জানা যায়, মুত্তাকী তথা আল্লাহ সচেতন ব্যক্তিদের জন্য কুরআন একটি জ্ঞানের উৎস।

আয়াতটি থেকে জানা যায়- মুত্তাকী তথা আল্লাহ সচেতন ব্যক্তিদের জন্য কুরআন একটি জ্ঞানের উৎস।

তথ্য-৪

وَأِنَّهُ لَذِكْرٌ لِّلْمُتَّقِينَ .

আর নিশ্চয় এটি (কুরআন) অবশ্যই একটি অধ্যয়ন, স্মরণ ও অনুসরণের গ্রন্থ আল্লাহ-সচেতন ব্যক্তিদের জন্য।

(সূরা আল হাক্বা/৬৯ : ৪৮)

আয়াতটি থেকেও জানা যায়- মুত্তাকী তথা আল্লাহ সচেতন ব্যক্তিদের জন্য কুরআন একটি জ্ঞানের উৎস।

তথ্য-৫

إِنَّا أَنْزَلْنَاهُ قُرْآنًا عَرَبِيًّا لَّعَلَّكُمْ تَعْقِلُونَ .

নিশ্চয় আমরা এটিকে আরবি ভাষার কুরআন হিসেবে অবতীর্ণ করেছি যাতে তোমরা আকল/Common sense/বিবেককে ব্যবহার করতে পারো।

(সূরা ইউসুফ/১২ : ২, যুখরুফ/৪৩ : ৩)

অংশভিত্তিক ব্যাখ্যা

‘নিশ্চয় আমরা এটিকে আরবি ভাষার কুরআন হিসেবে অবতীর্ণ করেছি’ অংশের ব্যাখ্যা- অনেক ভাষা থাকতে কুরআনকে আরবি ভাষায় নাযিল করার বিশেষ কারণ আছে। সে কারণের গুরুত্বপূর্ণ কয়েকটি হলো-

ক. আরবি ভাষা পৃথিবীর সবচেয়ে সমৃদ্ধ ভাষা।

এটির প্রমাণ-

- আরবি ভাষায় সাধারণ নিয়মের ব্যতিক্রম কম।
- অন্য ভাষায় পুরুষ ও স্ত্রী সর্বনাম অভিন্ন, কিন্তু আরবিতে বেশির ভাগ সর্বনাম ভিন্ন।
- অন্য ভাষায় ক্রিয়ার লিঙ্গ নেই, কিন্তু আরবিতে বেশির ভাগ ক্রিয়ার লিঙ্গ আছে।

খ. আরবি ভাষার একটি শব্দ অন্য ভাষার একটি বাক্যের অর্থ প্রকাশ করে। তাই লিখতে কাগজ ও কালি কম খরচ হয়, বইয়ের আয়তন ছোটো হয় এবং পড়তেও কম সময় লাগে। যেমন-

সে একজন পুরুষ খুলেছে	فَتَحَ
সে একজন পুরুষ সাহায্য করেছে	نَصَرَ

সে একজন পুরুষ মেরেছে	ضَرَبَ
সে একজন পুরুষ শুনেছে	سَمِعَ

গ. আরবি ভাষায় একটি শব্দের সামান্য পরিবর্তন হয়ে অনেক শব্দ তৈরি হয়। তাই পাঠককে খুব বেশি শব্দ জানার প্রয়োজন হয় না। যেমন— অতীতকাল, নামপুরুষ, পুরুষবাচক, একবচনের ক্রিয়া শব্দের (মূলক্রিয়া) সামান্য পরিবর্তন হয়ে বিভিন্ন ধরনের শব্দ তৈরি হয়।

‘যাতে তোমরা আকল/Common sense/বিবেককে ব্যবহার করতে পারো’ অংশের ব্যাখ্যা— যাতে মানুষ সবচেয়ে সমৃদ্ধ ভাষায় অবতীর্ণ কুরআনের বিভিন্ন ধরনের তথ্য দিয়ে তাদের আকল/Common sense/বিবেককে উৎকর্ষিত করে জীবন পরিচালনায় ব্যবহার করতে পারে।

আয়াতটি থেকেও জানা যায় কুরআন জ্ঞানের একটি উৎস।

তথ্য-৬

وَكَذَلِكَ أَنْزَلْنَاهُ قُرْآنًا عَرَبِيًّا وَصَرَّفْنَا فِيهِ مِنَ الْوَعِيدِ لَعَلَّهُمْ يَتَّقُونَ أَوْ يُحْدِثُ لَهُمْ ذِكْرًا.

এভাবেই আমরা কুরআনকে অবতীর্ণ করেছি আরবিতে এবং তাতে বিভিন্ন ধরনের সতর্কতা/সচেতনতামূলক তথ্য বিস্তারিতভাবে বর্ণনা করেছি যাতে তারা (মু‘মিনরা) সচেতন হতে পারে। অথবা এটা তাদের জন্য (গবেষণার) তথ্য সরবরাহ করে।

(সুরা ত্ব-হা/২০ : ১১৩)

অংশভিত্তিক ব্যাখ্যা

‘যাতে (কুরআনে) বিভিন্ন ধরনের সচেতনতামূলক তথ্য বিস্তারিতভাবে বর্ণনা করেছি’ অংশের ব্যাখ্যা : কুরআনে বিভিন্ন ধরনের জ্ঞানের বিষয় বর্ণনা করা হয়েছে। যেমন— ধর্ম, সাধারণ জ্ঞান, মানব শারীরবিজ্ঞান, অন্যান্য বিজ্ঞান, অর্থনীতি, রাজনীতি, ইতিহাস, ভূগোল ইত্যাদি।

‘যাতে তারা (মু‘মিনরা) সচেতন হতে পারে’ অংশের ব্যাখ্যা : এ বক্তব্যের মাধ্যমে জানিয়ে দেওয়া হয়েছে যে— আল কুরআনে বিভিন্ন ধরনের জ্ঞানের বিষয় বর্ণনা করার কারণ হলো মু‘মিনরা যেন ঐ জ্ঞান শিখে সরাসরি সচেতন তথা জ্ঞানী হতে পারে।

‘অথবা এটা তাদের জন্য (গবেষণার) তথ্য সরবরাহ করে’ অংশের ব্যাখ্যা : এ বক্তব্যের মাধ্যমে জানিয়ে দেওয়া হয়েছে যে- আল কুরআনে এমন জ্ঞানের বিষয়ও উল্লেখ করা হয়েছে যা নিয়ে গবেষণা করে মানুষ তাদের জ্ঞানভান্ডারকে উন্নত করতে পারে।

তাই এ আয়াত থেকেও জানা যায় আল কুরআন জ্ঞানের একটি উৎস।

তথ্য-৭

كُتِبَ أَنْزِلَ إِلَيْكَ فَلَا يَكُنْ فِي صَدْرِكَ حَرَجٌ مِّنْهُ لِتُنذِرَ بِهِ وَذِكْرَىٰ لِلْمُؤْمِنِينَ .

এটি (কুরআন) একটি গ্রন্থ যা তোমার প্রতি অবতীর্ণ করা হয়েছে। সুতরাং এর মাধ্যমে সতর্ক করার ব্যাপারে তোমার সম্মুখ ব্রেইনে থাকা মনে যেন কোনো সন্দেহ/সংশয়/সংকোচ না থাকে এবং মু’মিনদের জন্য এটা অধ্যয়ন, স্মরণ ও অনুসরণের গ্রন্থ।

(সুরা আল আ’রাফ/৭ : ২)

অংশভিত্তিক ব্যাখ্যা

‘এটি (কুরআন) একটি গ্রন্থ যা তোমার প্রতি অবতীর্ণ করা হয়েছে’ অংশের ব্যাখ্যা : কুরআন আল্লাহ প্রেরিত জ্ঞান ধারণকারী একটি গ্রন্থ।

‘সুতরাং এর মাধ্যমে সতর্ক করার ব্যাপারে তোমার সম্মুখ ব্রেইনে থাকা মনে যেন কোনো সন্দেহ/সংশয়/সংকোচ না থাকে’ অংশের ব্যাখ্যা : কুরআন নির্ভুল। তাই এর মাধ্যমে মানুষকে সতর্ক করার সময় কারো মনে সন্দেহ/সংশয়/সংকোচ রাখা যাবে না।

‘মু’মিনদের জন্য এটা অধ্যয়ন, স্মরণ ও অনুসরণের গ্রন্থ’ অংশের ব্যাখ্যা : কুরআন একটি ব্যবহারিক গ্রন্থ। অর্থাৎ পড়ে জ্ঞানার্জন ও সে জ্ঞান অনুসরণ করে জীবন পরিচালনা করতে হবে।

এ আয়াত থেকেও জানা যায় আল কুরআন জ্ঞানের একটি উৎস।

তথ্য-৮.১

وَنَزَّلْنَا عَلَيْكَ الْكِتَابَ تِبْيَانًا لِّكُلِّ شَيْءٍ وَهُدًى وَرَحْمَةً وَبُشْرَىٰ لِلْمُسْلِمِينَ .

আর আমরা তোমার প্রতি যে কিতাব নাযিল করেছি (তাতে রয়েছে) সব বিষয়ের স্পষ্ট বিবরণ এবং মুসলিমদের জন্য পথনির্দেশিকা, অনুগ্রহ এবং সুসংবাদ।

(সুরা আন নাহল/১৬ : ৮৯)

ব্যাখ্যা : কুরআনে মানবজীবনের সকল বড়ো দিকের মৌলিক জ্ঞান আছে ।

তথ্য-৮.২

..... مَا فَزَّطْنَا فِي الْكِتَابِ مِنْ شَيْءٍ

... .. আমরা কিতাবে (কুরআনে) কোনো কিছুই (উল্লেখ করতে) বাদ রাখিনি ।

(সূরা আল আন'আম/৬ : ৩৮)

ব্যাখ্যা : আল কুরআনে মানবজীবনের কোনো মৌলিক জ্ঞান উপস্থাপন করতে বাদ রাখা হয়নি ।

তথ্য-৮.৩

يَا أَيُّهَا الَّذِينَ آمَنُوا لَا تَسْأَلُوا عَنَ أَشْيَاءٍ إِن بُدِّلَ لَكُمْ تَسْوُؤُكُمْ وَإِن تَسْأَلُوا عَنْهَا حِينَ يُنزَّلَ الْقُرْآنُ تُبَدَّلَ لَكُمْ عَفَا اللَّهُ عَنْهَا وَاللَّهُ غَفُورٌ حَلِيمٌ . قَدْ سَأَلْنَا قَوْمًا مِّنْ قَبْلِكُمْ ثُمَّ أَصْبَحُوا بِهَا كَافِرِينَ .

হে যারা ঈমান এনেছো! তোমরা এমন বিষয়ে (নবীর কাছে) প্রশ্ন করো না যা (কুরআনে) প্রকাশিত হলে তোমরা কষ্ট পাবে; আর কুরআন নাযিলকালে তোমরা যদি (নবীর কাছে) ঐসব বিষয় নিয়ে প্রশ্ন করো তবে তা (কুরআনে) তোমাদের জন্য প্রকাশ করা হবে; আল্লাহ তা ক্ষমা করেছেন এবং আল্লাহ অতিক্ষমাশীল ও পরম সহনশীল। তোমাদের আগে এক সম্প্রদায় ঐ ধরনের প্রশ্ন (তাদের নবীর কাছে) করেছিল, অতঃপর তারা সেসব বিষয় অস্বীকারকারী হয়ে গিয়েছিল।

(সূরা আল মায়িদা/৫ : ১০১-১০২)

অংশভিত্তিক ব্যাখ্যা

'হে যারা ঈমান এনেছো! তোমরা এমন বিষয়ে (নবীর কাছে) প্রশ্ন করো না যা (কুরআনে) তোমাদের জন্য প্রকাশিত হলে তোমরা কষ্ট পাবে' অংশের ব্যাখ্যা- এ অংশের জানার বিষয় হলো মু'মিনগণকে কী ধরনের বিষয় নিয়ে নবীকে প্রশ্ন করতে নিষেধ করা হয়েছে। বিষয়গুলো হলো অমৌলিক/খুঁটিনাটি বিষয়। আর এটি বোঝা যায় নিম্নোক্তভাবে-

ক. আয়াতটির ব্যাখ্যার জন্য পরের আয়াতে যে ঘটনাটিকে উদাহরণ হিসেবে উল্লেখ করা হয়েছে সেখানে দেখা যায়, মানুষেরা একটি

বিষয়ের (গাভি কুরবানী দেওয়া) অমৌলিক/খুঁটিনাটি দিক নিয়ে তাদের নবীর কাছে বার বার প্রশ্ন করেছে।

খ. সুরা বাকারার ৮৫ ও ৮৬ নং, সুরা মুহাম্মাদের ২৫-২৮ নং, সুরা নাহলের ৭৯ নং এবং সুরা আন'আমের ৩৬ নং আয়াত থেকে নিশ্চিতভাবে জানা যায়, কুরআনে উল্লিখিত বিষয়গুলোর সবগুলো মানবজীবন সম্পর্কিত মৌলিক বিষয়।

গ. অমৌলিক/খুঁটিনাটি বিষয় কুরআনে প্রকাশিত হলে মু'মিনদের কষ্ট হবে। আর সে কষ্ট হবে নিম্নোক্ত কারণে—

ক. অমৌলিক/খুঁটিনাটি দিক পালন করা বাধ্যতামূলক হয়ে যাবে। অমৌলিক/খুঁটিনাটি বিষয় অসংখ্য। তাই সেগুলো পালন করতে গিয়ে মু'মিনরা অনেক কষ্টে পড়বে।

খ. মৌলিক ও অমৌলিক বিষয় পৃথক করা অসম্ভব হবে। ফলে মুসলিমরা মৌলিক দিক বাদ রেখে অমৌলিক/খুঁটিনাটি বিষয় জানা ও আমল করা নিয়ে ব্যস্ত হয়ে পড়বে। এ কারণে দুনিয়ায় তারা ভীষণ কষ্ট পাবে। আর পরকালে তাদের ঠিকানা হবে জাহান্নাম।

গ. অমৌলিক/খুঁটিনাটি বিষয় নিয়ে মুসলিম জাতি বিভিন্ন দল-উপদলে বিভক্ত হয়ে দুর্বল হয়ে পড়বে। ফলে ইসলাম বিরোধীদের মাধ্যমে মুসলিম জাতি বিভিন্ন ধরনের কষ্ট পাবে।

‘আর কুরআন নাযিলকালে তোমরা যদি (নবীর কাছে) সেসব বিষয়ে প্রশ্ন করো তাহলে তা (কুরআনে) তোমাদের জন্য প্রকাশ করা হবে’ অংশের ব্যাখ্যা— এ অংশের মাধ্যমে জানানো হয়েছে— কুরআন নাযিলকালে অমৌলিক/খুঁটিনাটি বিষয় নিয়ে নবী স.-এর কাছে প্রশ্ন করলে সেগুলো মহান আল্লাহ কুরআনে নাযিল করে দেবেন। একটি (তাহাজ্জুদ সালাত) ছাড়া কুরআনে কোনো অমৌলিক বিষয় উল্লেখ না থাকা প্রমাণ করে যে— আয়াতটি নাযিল হওয়ার পর সাহাবীগণ অমৌলিক/খুঁটিনাটি বিষয় নিয়ে রসুলুল্লাহ স.-এর কাছে আর কোনো প্রশ্ন করেননি তথা জানতে চাননি।

‘আল্লাহ সেসব ক্ষমা করেছেন’ অংশের ব্যাখ্যা— এ অংশের ব্যাখ্যা হিসেবে চালু কথা হলো, আয়াত দুটি নাযিল হওয়ার আগে সাহাবীগণ অমৌলিক/খুঁটিনাটি বিষয়ে রসুলুল্লাহ স.-কে প্রশ্ন করে যে গুনাহ করেছিলেন তা ক্ষমা করে দেওয়ার বিষয়টি এখানে জানানো হয়েছে। তবে প্রচলিত ব্যাখ্যাটি সঠিক নয়। কারণ, আইন জানিয়ে দেওয়ার আগে (Pre facto) কেউ আইন

বিরোধী কাজ করে থাকলে সেটিতে অপরাধ হয় না এবং সে অপরাধে মানুষকে শাস্তি দেওয়া ন্যায়বিচার হয় না। অমৌলিক/খুঁটিনাটি বিষয়ে প্রশ্ন না করার বিধান আলোচ্য আয়াতটির মাধ্যমে মানুষকে প্রথম জানানো হয়েছে। তাই আয়াতটি নাযিল হওয়ার আগে খুঁটিনাটি বিষয়ে রসুলুল্লাহ স.-কে প্রশ্ন করায় সাহাবীগণের কোনো গুনাহ হয়নি। আর তাই তাঁদের গুনাহ মাফ করার প্রশ্নও আসে না। উদাহরণ হিসেবে বলা যায়- মদ হারাম হওয়ার বিধান সংবলিত আয়াত মদিনায় নাযিল হয়। তাই মক্কার ১৩টি বছর কোনো সাহাবী মদ খেয়ে থাকলে সেটিতে তাঁর গুনাহ হয়নি।

তাই নিশ্চিতভাবে বলা যায়- আয়াতাংশের মাধ্যমে জানিয়ে দেওয়া হয়েছে, অমৌলিক/খুঁটিনাটি বিষয় জানা ও পালন করা মু'মিনদের জন্য ক্ষমা করা হয়েছে।

‘তোমাদের আগে এক সম্প্রদায় সে ধরনের বিষয় নিয়ে (তাদের নবীর কাছে) প্রশ্ন করেছিল। অতঃপর তারা সেসব বিষয়ে অস্বীকারকারী হয়ে গিয়েছিল’ অংশের ব্যাখ্যা- আগের আয়াতের ব্যাখ্যা বোঝানোর জন্য আলোচ্য আয়াতে একটি ঘটনার দিকে ইঙ্গিত করা হয়েছে। ঘটনাটি সূরা বাকারার ৬৭-৭১ নং আয়াতে উল্লেখ করা হয়েছে। ঘটনাটি হলো- মুসা আ.-এর ওপর নাযিল হওয়া তাওরাত কিতাবে মহান আল্লাহ একটি গাভি কুরবানী করার আদেশ দেন। যেকোনো একটি গাভি কুরবানী করলে আদেশটি পালন হয়ে যেত। কিন্তু মুসা আ.-এর কওম গাভিটির বয়স, শারীরিক গঠন, রং, কাজ ইত্যাদি অমৌলিক/খুঁটিনাটি বিষয় নিয়ে মুসা আ.-কে একটার পর একটা প্রশ্ন করে। ফলে মহান আল্লাহ সেগুলো তাওরাতে নাযিল করেন। এরপর প্রশ্নকারীরা সেটি পালন করতে অস্বীকার করে।

৮ নং তথ্যের আয়াতসমূহের শিক্ষা হলো- আল কুরআনে মানবজীবনের সকল বড়ো দিকের মৌলিক জ্ঞান আছে। তাই যে বিষয় কুরআনে নেই সেটি ইসলামের মৌলিক বিষয় নয়। কুরআনে মানবজীবনের ১টি মাত্র অমৌলিক (নফল/মাকরুহ) বিষয় উল্লিখিত আছে। সেটি হলো তাহাজ্জুদের সালাত। এটি রাসুলুল্লাহর জন্য অতিরিক্ত ফরজ ছিল।

তথ্য-৯

شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ
وَالْفُرْقَانِ

রমযান মাস। যে মাসে কুরআন নাযিল হয়েছে। (কুরআন) সকল মানুষের জীবন পরিচালনার পথনির্দেশিকা এবং পথনির্দেশিকার মধ্যে এটি স্পষ্টভাবে প্রমাণিত ও সত্য-মিথ্যার পার্থক্যকারী।

(সূরা আল বাকারা/২ : ১৮৫)

অংশভিত্তিক ব্যাখ্যা

‘(কুরআন) সকল মানুষের জীবন পরিচালনার পথনির্দেশিকা’ অংশের ব্যাখ্যা- কুরআন মানুষের জীবন পরিচালনার জ্ঞানের উৎস।

‘পথনির্দেশিকার মধ্যে এটি স্পষ্টভাবে প্রমাণিত’ অংশের ব্যাখ্যা- আল্লাহ প্রদত্ত জ্ঞানের উৎসসমূহের মধ্যে কুরআন স্পষ্টভাবে প্রমাণিত জ্ঞান ধারণকারী উৎস।

‘সত্য-মিথ্যার পার্থক্যকারী’ অংশের ব্যাখ্যা- কুরআন হলো মানদণ্ড উৎস। অর্থাৎ অন্য যেকোনো জ্ঞানের সত্য-মিথ্যা যাচাই করার মানদণ্ড হলো কুরআন। সে জ্ঞান বিজ্ঞান, অর্থনীতি, ভূগোল, ইতিহাস, হাদীস, ফিক্হ ইত্যাদি যে গ্রন্থেই থাকুক না কেন।

আয়াতটির ভিত্তিতে বলা যায়- কুরআন মানুষের জীবন পরিচালনার জ্ঞানের মানদণ্ড উৎস।

সুন্নাহ (সনদ ও মতন সহীহ হাদীস)

হাদীস-১

أَخْرَجَ الْإِمَامُ مُسْلِمٌ ... عَنْ أَبِي هُرَيْرَةَ أَنَّ رَسُولَ اللَّهِ ﷺ قَالَ مَا مِنَ الْأَنْبِيَاءِ مِنْ نَبِيٍّ إِلَّا قَدْ أُعْطِيَ مِنَ الْآيَاتِ مَا مِثْلُهُ آمَنَ عَلَيْهِ الْبَشَرُ وَإِنَّمَا كَانَ الَّذِي أُوتِيَتْ وَحْيًا أَوْحَى اللَّهُ إِلَيْهِ فَأَرْجُو أَنْ أَكُونَ أَكْثَرَهُمْ تَابِعًا يَوْمَ الْقِيَامَةِ.

ইমাম মুসলিম রহ. আবু হুরায়রা রা.-এর বর্ণনা সনদের চতুর্থ ব্যক্তি কুতাইবাহ ইবন সাঈদ রহ. থেকে শুনে তাঁর ‘আস-সহীহ’ গ্রন্থে লিখেছেন- আবু হুরায়রা রা. থেকে বর্ণিত, রসূলুল্লাহ স. বলেন- প্রত্যেক নবীকে আয়াতসমূহ (শিক্ষণীয় বিষয়) থেকে যে পরিমাণ দেওয়া হয়েছে, সে পরিমাণের প্রতি মানুষ ঈমান এনেছে। পক্ষান্তরে আল্লাহর পক্ষ থেকে আমাকে প্রদান করা হয়েছে একটি ওহী (পূর্ণাঙ্গ কিতাব কুরআন)। সুতরাং কিয়ামাতের দিন আমার অনুসারীদের সংখ্যা সবচেয়ে বেশি হবে বলে আশা রাখি।

◆ মুসলিম, আস-সহীহ, হাদীস নং-৪০২।

◆ হাদীসটির সনদ ও মতন সহীহ।

শিক্ষা : হাদীসটি থেকে জানা যায়- কুরআন হলো আল্লাহ প্রদত্ত পূর্ণাঙ্গ জ্ঞানের উৎস।

হাদীস-২

أَخْرَجَ الْإِمَامُ مُسْلِمٌ عَنْ أَبِي هُرَيْرَةَ، عَنْ رَسُولِ اللَّهِ ﷺ أَنَّهُ قَالَ :
وَالَّذِي نَفْسُ مُحَمَّدٍ بِيَدِهِ، لَا يَسْمَعُ بِي أَحَدٌ مِنْ هَذِهِ الْأُمَّةِ يَهُودِيٍّ، وَلَا نَصْرَانِيٍّ، ثُمَّ
يَمُوتُ وَلَمْ يُؤْمَرْ بِالَّذِي أُرْسِلْتُ بِهِ، إِلَّا كَانَ مِنْ أَصْحَابِ النَّارِ.

ইমাম মুসলিম রহ. আবু হুরায়রা রা.-এর বর্ণনা সনদের ৫ম ব্যক্তি ইউনুস বিন আবদুল আ'লা থেকে শুনে তাঁর 'আস-সহীহ' গ্রন্থে লিখেছেন- আবু হুরায়রা রা. বলেন, রসূলুল্লাহ স. বলেছেন- যার হাতে মুহাম্মাদের জীবন তাঁর কসম! এ উম্মতের (মানুষের) কেউই, চাই সে ইহুদী বা নাসারা (বা অন্য কিছু) হোক না কেন, আমার সম্পর্কে শুনে অথচ যা নিয়ে আমি প্রেরিত হয়েছি (কুরআন) তার প্রতি ঈমান না এনে মারা যাবে, সে নিশ্চয়ই জাহান্নামের অধিবাসী হবে।

◆ মুসলিম, আস-সহীহ, হাদীস নং-৪০৩।

◆ হাদীসটির সনদ ও মতন সহীহ।

শিক্ষা : হাদীসটির বক্তব্য অতীব গুরুত্বপূর্ণ বলে রসূল স. আল্লাহ তা'য়ালার কসম খেয়ে হাদীসটি বলা শুরু করেছেন। রসূল স. সম্পর্কে শোনার অর্থ হলো- রসূলুল্লাহ স.-এর আগমন, কথা, কাজ, শরীর-স্বাস্থ্য ইত্যাদির তথ্য তথা রসূলুল্লাহ স.-এর হাদীস শোনা। আর রসূল স.-কে প্রেরণ করা হয়েছে তাঁর কথা, কাজ ও অনুমোদনের মাধ্যমে কুরআন ব্যাখ্যা করে মানুষকে শেখানোর জন্য।

অন্যদিকে ঈমান হলো জ্ঞান+বিশ্বাস। তাই হাদীসটির মূল বক্তব্য হলো- যে রসূল স.-এর হাদীস শুনে কিন্তু কুরআনের জ্ঞানার্জন এবং সে জ্ঞানকে বিশ্বাস না করে মারা যাবে তাকে অবশ্যই জাহান্নামের অধিবাসী হতে হবে। রসূল স. যাদের সামনে কথাটি বলেছিলেন তাঁরা ছিলেন আরব ও সাহাবী। তাহলে রসূল স. কী কারণে এ হাদীসটি বলেছেন তা সকল যুগ বিশেষ করে বর্তমান যুগের মুসলিমদের গভীরভাবে চিন্তা করা দরকার।

কারণটি হলো, কুরআনে আছে- আল্লাহ তা'য়ালার বলা শব্দে ইসলামের সব ফরজ (মৌলিক করণীয়) ও হারাম (মৌলিক নিষিদ্ধ) বিষয় এবং একটি মাত্র অমৌলিক করণীয় বিষয় (তাহাজ্জুদের সালাত)।

তাই শুধু হাদীস পড়ে কেউ ইসলাম জানলে—

১. সে কোনোভাবেই ইসলামের মৌলিক ও অমৌলিক করণীয় ও নিষিদ্ধ বিষয়ের মধ্যে পার্থক্য করতে পারবে না।
২. জাল হাদীস ধরতে পারবে না।

ফলে তার ইসলাম পালনে মৌলিক ত্রুটি থাকবে। আর এর ফলস্বরূপ তাকে জাহান্নামে যেতে হবে। তাই হাদীসটির শিক্ষা হলো— আল কুরআন জ্ঞানের মূল প্রমাণিত উৎস।

হাদীস-৩

أَخْرَجَ الْإِمَامُ أَبُو عَبْدِ اللَّهِ الْحَاكِمُ عَنْ أَبِي الْأَحْوَسِ عَنْ عَبْدِ اللَّهِ رَضِيَ اللَّهُ عَنْهُ :
عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ : إِنَّ هَذَا الْقُرْآنَ مَأْذِبُهُ اللَّهُ ، فَأَقْبِلُوا مَأْذِبَتَهُ مَا اسْتَطَعْتُمْ ، إِنَّ
هَذَا الْقُرْآنَ حَبْلُ اللَّهِ ، وَالتُّورُ الْمُبِينُ ، وَالشِّقَاءُ النَّافِعُ ، وَعَصْمَةٌ لِمَنْ تَمَسَّكَ بِهِ ،
وَنَجَاةٌ لِمَنْ اتَّبَعَهُ ، لَا يَزِيغُ فَيَسْتَعْتَبُ ، وَلَا يَعْوجُّ فَيَقْوَمُ ، وَلَا تَنْقُضِي عَجَائِبُهُ ، وَلَا
يَخْلُقُ مِنْ كَثْرَةِ الرَّدِّ . أَلْتَلُوهُ ؛ فَإِنَّ اللَّهَ يَأْجُرُكُمْ عَلَى تِلَاوَتِهِ كُلِّ حَرْفٍ عَشْرَ حَسَنَاتٍ
، أَمَا إِنِّي لَا أَقُولُ لَكُمْ : (الْم) حَرْفٌ ، وَلَكِنَّ الْفَ وَالْوَ وَالْمِيمَ .

ইমাম আবু 'আবদুল্লাহ আল-হাকিম রহ. আবদুল্লাহ রা.-এর বর্ণনা সনদের ৭ম ব্যক্তি আবুল ওয়ালীদ হাসসান বিন মুহাম্মদ আল কুরশী রহ. থেকে শুনে তাঁর 'আল-মুসতাদরাক 'আলাস-সহীহাইন' গ্রন্থে লিখেছেন— আব্দুল্লাহ ইবন মাসউদ রা. থেকে বর্ণিত, রসূলুল্লাহ স. বলেছেন— নিশ্চয় এ কুরআন আল্লাহ প্রদত্ত জ্ঞানের খোরাক (উৎস)। সুতরাং তাঁর জ্ঞানভান্ডার থেকে সাধ্যানুযায়ী শিক্ষাগ্রহণ করো। নিশ্চয় এ কুরআন আল্লাহর রশি এবং (জ্ঞানের) স্পষ্ট আলো এবং কল্যাণকর আরোগ্যদানকারী। যে এটাকে আঁকড়ে ধরবে তার রক্ষাকারী। যে অনুসরণ করবে তার পরিত্রাণদাতা। এটি বিপথে নেয় না তাই প্রশান্ত-চিন্তে গ্রহণ করো। ধোঁকা দেয় না তাই স্থায়ীভাবে ধরো। এর নতুনত্বের শেষ হয় না। সুতরাং তোমরা এটাকে অধ্যয়ন করো। কেননা আল্লাহ তা'য়ালার এটি অধ্যয়নের বিনিময়ে প্রতিদান দেবেন। (হরফে মুকাত্তায়াত না বুঝে আর বাকি সব বুঝে পড়লে) প্রত্যেক বর্ণের বিনিময়ে দশ নেকি। আমি এ কথা বলছি না যে— আলিফ, লাম, মীম একটা বর্ণ। বরং আলিফ একটা বর্ণ, লাম একটা বর্ণ এবং মীম একটা বর্ণ।

◆ আল-হাকিম, আল-মুস্তাদরাক আলাস-সহীহাইন, হাদীস নং-২০৪০।

◆ হাদীসটির সদন ও মতন সহীহ।

হাদীসটির অংশভিত্তিক শিক্ষা

‘এ কুরআন আল্লাহ প্রদত্ত জ্ঞানের খোরাক (উৎস)। সুতরাং তাঁর জ্ঞানভাণ্ডার থেকে সাধ্যানুযায়ী শিক্ষাগ্রহণ করো’ অংশের শিক্ষা- আল কুরআন আল্লাহ প্রদত্ত জ্ঞানের একটি উৎস।

‘এটি বিপথে নেয় না তাই প্রশান্ত-চিত্তে গ্রহণ করো। খোঁকা দেয় না তাই স্থায়ীভাবে ধরো’ অংশের শিক্ষা- কুরআনের আরবী আয়াত নির্ভুল এবং এটিতে শুধু ইসলামের মৌলিক বিষয় উল্লিখিত আছে। তাই এর শিক্ষা গ্রহণ করলে ভুল শিক্ষা গ্রহণ করা এবং মৌলিক ও অমৌলিক বিষয় মিলিয়ে ফেলার কোনো সম্ভাবনা নেই।

হাদীস-৪

أَخْرَجَ الْإِمَامُ التِّرْمِذِيُّ عَنْ الْحَارِثِ، قَالَ: مَرَرْتُ فِي الْمَسْجِدِ فَإِذَا النَّاسُ يَخُوضُونَ فِي الْأَحَادِيثِ فَدَخَلْتُ عَلَى عَلِيٍّ، فَقُلْتُ: يَا أَمِيرَ الْمُؤْمِنِينَ، أَلَا تَرَى أَنَّ النَّاسَ قَدْ خَاصُوا فِي الْأَحَادِيثِ، قَالَ: وَقَدْ فَعَلَوْهَا؟ قُلْتُ: نَعَمْ. قَالَ: أَمَا إِنِّي قَدْ سَمِعْتُ رَسُولَ اللَّهِ ﷺ يَقُولُ: أَلَا إِنَّهَا سَتَكُونُ فِتْنَةً. فَقُلْتُ: مَا الْمَخْرَجُ مِنْهَا يَا رَسُولَ اللَّهِ؟ قَالَ: كِتَابَ اللَّهِ فِيهِ نَبَأُ مَا قَبْلَكُمْ وَخَيْرُ مَا بَعْدَكُمْ، وَحُكْمَ مَا بَيْنَكُمْ، وَهُوَ الْفَضْلُ لَيْسَ بِالْهَزْلِ، مَنْ تَرَكَهُ مِنْ جَبَّارٍ قَصَمَهُ اللَّهُ، وَمَنْ ابْتَغَى الْهُدَى فِي غَيْرِهِ أَصَلَّهُ اللَّهُ، وَهُوَ حَبْلُ اللَّهِ الْمَتِينِ، وَهُوَ الذِّكْرُ الْحَكِيمُ، وَهُوَ الصِّرَاطُ الْمُسْتَقِيمُ، هُوَ الَّذِي لَا تَزِيغُ بِهِ الْأَهْوَاءُ، وَلَا تَلْتَبِسُ بِهِ الْأَلْسِنَةُ، وَلَا يَشْبَعُ مِنْهُ الْعُلَمَاءُ، وَلَا يَخْلُقُ عَلَى كَثْرَةِ الرَّدِّ، وَلَا تَنْقُضِي عَجَائِبُهُ، هُوَ الَّذِي لَمْ تَنْتَهُ الْجِنُّ إِذْ سَمِعْتَهُ حَتَّى قَالُوا: { إِنَّا سَمِعْنَا قُرْآنًا عَجَبًا يَهْدِي إِلَى الرُّشْدِ } [الجن : ٢] مَنْ قَالَ بِهِ صَدَقَ، وَمَنْ عَمِلَ بِهِ أُجِرَ، وَمَنْ حَكَمَ بِهِ عَدَلَ، وَمَنْ دَعَا إِلَيْهِ هَدَى إِلَى صِرَاطٍ مُسْتَقِيمٍ.

ইমাম তিরমিযী রহ. আলী রা.-এর বর্ণনা সনদের ৭ম ব্যক্তি আবদ বিন হুমাইদ রহ. থেকে শুনে তাঁর 'আস-সুনান' গ্রন্থে লিখেছেন- বর্ণনাধারার ২য় ব্যক্তি হারেস রা. বলেন, আমি মসজিদের পাশ দিয়ে যাচ্ছিলাম, দেখতে পেলাম লোকজন হাদীস নিয়ে বিতর্কে লিপ্ত, তখন আমি আলী রা.-এর কাছে গিয়ে তাঁকে বললাম- হে আমীরুল মুমিনীন! আপনি দেখছেন না যে, লোকজন হাদীস নিয়ে বিতর্কে লিপ্ত? তিনি বললেন- তারা কি তা করেছে? আমি বললাম- হ্যাঁ! তারা তা করেছে। তখন তিনি (আলী রা.) বললেন, আমি রসুলুল্লাহ স.-কে বলতে শুনেছি যে, সাবধান থাক! অচিরেই মিথ্যা হাদীস (كُذِّبَتْ) ছড়িয়ে পড়বে। আমি বললাম, হে আল্লাহর রসূল! তা থেকে বাঁচার উপায় কী? তিনি বললেন- আল্লাহর কিতাব, যাতে তোমাদের পূর্ব পুরুষদের ঘটনা এবং ভবিষ্যৎ কালের খবরও বিদ্যমান। আর তাতে তোমাদের জন্য উপদেশাবলি ও আদেশ-নিষেধ রয়েছে, তা (কুরআন) সত্য এবং অসত্যের মধ্যে ফয়সালা দানকারী এবং তা উপহাসের বস্তু নয়। যে কেউ তাকে অহংকারপূর্বক পরিত্যাগ করে, আল্লাহ তাকে ধ্বংস করেন।

আর যে ব্যক্তি তার (কুরআনের) হিদায়াত ছাড়া অন্য হিদায়াতের সন্ধান করে আল্লাহ তাকে পথভ্রষ্ট করেন। তা (কুরআন) আল্লাহর দৃঢ় রশি, মহাজ্ঞানীর বক্তব্য ধারণকারী গ্রন্থ এবং স্থায়ী সঠিক পথের দিকনির্দেশনা দানকারী, যা দিয়ে মানুষের অন্তঃকরণ কলুষিত হয় না, মানুষ সন্দেহে পতিত হয় না এবং ধোঁকা খায় না। তা দিয়ে আলেমগণের তৃপ্তি মেটে না। বার বার তা পাঠ করলেও পুরানো হয় না, তার নতুনত্বের শেষ হয় না। যখনই জ্বিন জাতি তা শুনল তখনই সাথে সাথে তারা বলল- নিশ্চয় আমরা আশ্চর্য কুরআন শুনেছি, যা সৎ পথের দিকে লোককে ধাবিত করে। সুতরাং আমরা এর প্রতি ঈমান এনেছি। যে ব্যক্তি কুরআন মোতাবেক কথা বলল সে সত্য বলল, যে তাতে আমল করল সওয়াব প্রাপ্ত হলো, যে কুরআন মোতাবেক হুকুম করল সে ন্যায়-বিচার করল, যে ব্যক্তি কুরআনের দিকে ডাকল সে স্থায়ী পথের দিকে ডাকল।

- ◆ তিরমিযী, আস-সুনান, হাদীস নং-২৯০৬।
- ◆ হাদীসটির সনদ ও মতন সহীহ।

হাদীসটির অংশভিত্তিক শিক্ষা

'তা (কুরআন) সত্য এবং অসত্যের মধ্যে ফয়সালা দানকারী' অংশের শিক্ষা- হাদীসসহ যেকোনো জ্ঞানের নির্ভুলতা যাচাই করার মানদণ্ড কুরআন।

‘যে ব্যক্তি তার (কুরআনের) হিদায়াত ছাড়া অন্য হিদায়াতের সন্ধান করে আল্লাহ তাকে পথভ্রষ্ট করেন’ অংশের শিক্ষা— যে কুরআন না জেনে হাদীস পড়বে সে পথভ্রষ্ট হবে। কারণ, সে মিথ্যা হাদীস ধরতে পারবে না। তাই হাদীসটির এ অংশ থেকে জানা যায়, কুরআন হলো জ্ঞানের মূল প্রমাণিত উৎস।

হাদীস-৫

أَخْرَجَ الْإِمَامُ مُسْلِمٌ ... عَنْ جَعْفَرِ بْنِ مُحَمَّدٍ، عَنْ أَبِيهِ، قَالَ: وَحَلْنَا عَلَى جَابِرِ بْنِ عَبْدِ اللَّهِ، فَسَأَلَ عَنِ الْقَوْمِ حَتَّى انْتَهَى إِلَيَّ، فَقُلْتُ: أَنَا مُحَمَّدُ بْنُ عَلِيِّ بْنِ حُسَيْنٍ ... فَصَلَّى بِنَا، فَقُلْتُ: أَخْبِرْنِي عَنْ حَجَّةِ رَسُولِ اللَّهِ ﷺ فَقَالَ: بِيَدِهِ فَعَقَدَ تِسْعًا [ص: ٧٧٤]، فَقَالَ: إِنَّ رَسُولَ اللَّهِ ﷺ مَكَثَ تِسْعَ سِنِينَ لَمْ يَخْرُجْ ... فَخَرَجْنَا مَعَهُ، ... فَأَتَى بَطْنَ الْوَادِي، فَخَطَبَ النَّاسَ وَقَالَ: إِنَّ دِمَاءَكُمْ وَأَمْوَالَكُمْ حَرَامٌ عَلَيْكُمْ، كَحَرَمَةِ يَوْمِكُمْ هَذَا فِي شَهْرِكُمْ هَذَا، فِي بَلَدِكُمْ هَذَا، أَلَا كُلُّ شَيْءٍ مِنْ أَمْرِ الْجَاهِلِيَّةِ تَحْتَ قَدَمِي مَوْضُوعٌ، وَدِمَاءُ الْجَاهِلِيَّةِ مَوْضُوعَةٌ ... وَقَدْ تَرَكْتُ فِيكُمْ مَا لَنْ تَفْعَلُوا بَعْدَهُ إِنْ اعْتَصَمْتُمْ بِهِ، كِتَابُ اللَّهِ، وَأَنْتُمْ تُسْأَلُونَ عَنِّي، فَمَا أَنْتُمْ قَائِلُونَ؟ قَالُوا: نَشْهَدُ أَنَّكَ قَدْ بَلَغْتَ وَأَدَّيْتَ وَنَصَحْتَ، فَقَالَ: بِأَصْبَحِهِ السَّبَابَةُ، يَرْفَعُهَا إِلَى السَّمَاءِ وَيُنْكِئُهَا إِلَى النَّاسِ اللَّهُمَّ، اشْهَدْ، اللَّهُمَّ، اشْهَدْ ثَلَاثَ مَرَّاتٍ، ...

ইমাম মুসলিম রহ. জা'ফার ইবনু মুহাম্মাদ রহ.-এর বর্ণনা সনদের ৬ষ্ঠ ব্যক্তি আবু বকর আবী শাইবা থেকে শুনে তাঁর ‘আস-সহীহ’ গ্রন্থে লিখেছেন— জাফর ইবনু মুহাম্মাদ রহ. বলেন, আমার বাবা বলেছেন যে— আমরা জাবির ইবনু ‘আবদুল্লাহ রা.-এর কাছে গেলাম। তিনি সকলের পরিচয় জিজ্ঞেস করলেন। অবশেষে আমার পরিচয় জানতে চাইলেন। আমি বললাম, আমি মুহাম্মাদ ইবনু ‘আলী ইবনু হুসায়ন। ...

তিনি আমাদের নিয়ে সালাতের ইমামতি করলেন। অতঃপর আমি বললাম, আপনি আমাদেরকে রসূলুল্লাহ স.-এর হাজ্জ সম্পর্কে অবহিত করুন। জাবির

রা. স্বহস্তে নয় সংখ্যার প্রতি ইঙ্গিত করে বললেন— রসূলুল্লাহ স. নয় বছর (মদীনায়ে) অবস্থান করেন এবং এ সময়ের মধ্যে হাজ্জ করেননি। অতঃপর ১০ম বর্ষে লোকদের মধ্যে ঘোষণা দেওয়া হলো যে, রসূলুল্লাহ স. এ বছর হাজ্জ যাবেন। সুতরাং মাদীনায়ে বহু লোকের আগমন হলো। তাদের প্রত্যেকে রসূলুল্লাহ স.-এর অনুসরণ করতে এবং তাঁর অনুরূপ ‘আমল করতে আগ্রহী ছিল। আমরা তাঁর সঙ্গে রওনা হলাম। অতঃপর ‘আরাফায় পৌঁছলেন এবং দেখতে পেলেন নামিরায় তাঁর জন্য তাঁবু খাটানো হয়েছে। তিনি সেখানে অবতরণ করলেন। অতঃপর যখন সূর্য ঢলে পড়ল, তখন তিনি তাঁর ক্বাস্ওয়া (নামক উষ্ট্রী)-কে প্রস্তুত করার নির্দেশ দিলেন। তার পিঠে হাওদা লাগানো হলো। অতঃপর তিনি বাত্বনে ওয়াদীতে এলেন এবং সমবেত মানুষের উদ্দেশে ভাষণ দিলেন।

তিনি বললেন— নিশ্চয় তোমাদের রজ্জ (জীবন) ও তোমাদের সম্পদ তোমাদের জন্য সম্মানিত/নিরাপদ যেমন সেগুলো সম্মানিত/নিরাপদ তোমাদের এ দিনে, তোমাদের এ মাসে এবং তোমাদের এ শহরে।”
...“আর নিশ্চয় আমি তোমাদের মাঝে এমন এক জিনিস রেখে যাচ্ছি যা আঁকড়ে ধরে থাকলে তোমরা পথভ্রষ্ট হবে না; (তা হলো) আল্লাহর কিতাব।”

“আর আমার সম্পর্কে তোমরা জিজ্ঞাসিত হলে, তোমরা কী বলবে?” তারা বলল— “আমরা সাক্ষ্য দেবো যে, আপনি (আল্লাহর বাণী) পৌঁছিয়েছেন, আপনার হাক্ব আদায় করেছেন এবং সদুপদেশ দিয়েছেন”।

অতঃপর তিনি তর্জনী আকাশের দিকে তুলে মানুষদের ইশারা করে বললেন, “হে আল্লাহ! তুমি সাক্ষী থাকো, হে আল্লাহ! তুমি সাক্ষী থাকো, তিনি তিনবার এরূপ বললেন।

◆ মুসলিম, আস-সহীহ, হাদীস নং-৩০০৯।

◆ হাদীসটির সনদ ও মতন সহীহ।

শিক্ষা : হাদীসটির ভিত্তিতে বলা যায়— কুরআন হলো মানদণ্ড জ্ঞানমূলক উৎস।

হাদীস-৬

أَخْرَجَ الْإِمَامُ أَبُو عَبْدِ اللَّهِ الْحَاكِمُ عَنِ ابْنِ عَبَّاسٍ، أَنَّ رَسُولَ اللَّهِ ﷺ خَطَبَ النَّاسَ فِي حَجَّةِ الْوَدَاعِ، فَقَالَ: قَدْ يَيْسُ الشَّيْطَانُ بِأَنْ يُعْبَدَ

بِأَرْضِكُمْ وَلَكِنَّهُ رَضِيَ أَنْ يُطَاعَ فِيهَا سِوَى ذَلِكَ بِمَا تُحَاقِرُونَ مِنْ أَعْمَالِكُمْ،
فَاخْذَرُوا يَا أَيُّهَا النَّاسُ إِنِّي قَدْ تَرَكْتُ فِيكُمْ مَا إِنْ اِعْتَصَمْتُمْ بِهِ فَلَنْ تَضِلُّوا
أَبَدًا كِتَابَ اللَّهِ وَسُنَّةَ نَبِيِّهِ ﷺ، إِنَّ كُلَّ مُسْلِمٍ أَخٌ مُسْلِمٍ، الْمُسْلِمُونَ إِخْوَةٌ،
وَلَا يَجِلُّ لِأَمْرِي مِنْ مَالٍ أَحَبَّ إِلَيَّ إِلَّا مَا أُعْطَاهُ عَنْ طَيْبِ نَفْسٍ، وَلَا تَظْلِمُوا، وَلَا
تَرْجِعُوا مِنْ بَعْدِي كُفْرًا يَضْرِبُ بَعْضُكُمْ رِقَابَ بَعْضٍ.

ইমাম আবু 'আবদুল্লাহ আল-হাকেম আন নিশাপুরী রহ. আব্দুল্লাহ ইবনে আব্বাস রা.-এর বর্ণনা সনদের ১০ম ব্যক্তি আবু বকর আহমাদ বিন ইসহাক রহ. থেকে শুনে তাঁর 'আল-মুসতাদরাক 'আলাস-সহীহাইন' গ্রন্থে লিখেছেন- আব্দুল্লাহ ইবনে আব্বাস রা. বলেন, রসূল স. বিদায় হাজ্জের ভাষণে বলেছেন, শয়তান তোমাদের এই ভূমিতে তার ইবাদাত করা হবে এ ব্যাপারে নিরাশ হয়ে গিয়েছে, কিন্তু সে তার ইবাদাত নিয়ে সম্ভ্রষ্ট ঐ সমস্ত ব্যাপারে যে ব্যাপারগুলোকে তোমরা তুচ্ছ তাচ্ছিল্যের চোখে দেখো (হালকা মনে করো), সুতরাং হে লোক সকল! তোমরা সতর্ক থেকে, নিশ্চয় আমি তোমাদের মাঝে যা রেখে গেলাম, তোমরা যতক্ষণ তা আঁকড়ে ধরে রাখবে (জ্ঞানার্জন ও অনুসরণ করবে) তোমরা কিছুতেই পথভ্রষ্ট হবে না, তা হলো আল্লাহর কিতাব (কুরআন) ও তাঁর নবী স.-এর সূনাহ। নিশ্চয় মুসলমান একে অপরের ভাই, মুসলিমরা সবাই ভাই ভাই। কারো জন্য অপর ভাইয়ের মাল ভোগ করা হালাল নয়, তবে সম্ভ্রষ্ট চিত্তে কিছু দিলে ভিন্ন কথা। আর তোমরা একে অপরের ওপর জুলুম করো না। আর তোমরা আমার পরে পরস্পর পরস্পরকে হত্যা করে কুফরীর দিকে প্রত্যাবর্তন করো না।

◆ আল-হাকিম, আল-মুসতাদরাক 'আলাস-সহীহাইন, হাদীস নং ৩১৮।

◆ হাদীসটির সনদ ও মতন সহীহ।

শিক্ষা : হাদীসটির বোল্ড করা অংশের ভিত্তিতে বলা যায় যে- কুরআন ও সূনাহ জ্ঞানের উৎস।

হাদীস-৭

أَخْرَجَ الْإِمَامُ مُسْلِمٌ عَنْ أَبِي سَعِيدٍ الْخُدْرِيِّ، أَنَّ رَسُولَ اللَّهِ
ﷺ قَالَ: لَا تَكْتُمُوا عَنِّي، وَمَنْ كَتَبَ عَنِّي غَيْرَ الْقُرْآنِ فَلَيْمَحُهُ، وَحَدِّثُوا

عَيِّي، وَلَا حَرَجَ، وَمَنْ كَذَبَ عَلَيَّ قَالَ هَمَامًا: أَحْسِبُهُ قَالَ مُتَعَدِّدًا فَلْيَتَّبِعُوا
مَقْعَدَكُمْ مِنَ النَّارِ.

ইমাম মুসলিম রহ. আবু সাঈদ আল খুদরী রা.-এর বর্ণনা সনদের ৬ষ্ঠ ব্যক্তি হাদ্দাব ইবনু খালিদ আল আয্দী রহ. থেকে শুনে তাঁর ‘আস-সহীহ’ গ্রন্থে লিখেছেন- আবু সাঈদ আল খুদরী রা. থেকে বর্ণিত। রসূলুল্লাহ স. বলেন- আমার মুখ নিঃসৃত বাণী (হাদীস) তোমরা লিপিবদ্ধ করো না। কুরআন ছাড়া কেউ যদি আমার কথা লিপিবদ্ধ করে থাকে তবে সে সেটা যেন মুছে ফেলে। আমার হাদীস (মুখে মুখে) বর্ণনা করো, এতে কোনো অসুবিধা নেই। যে লোক আমার ওপর মিথ্যারোপ করে- হাম্মাম রহ. বলেন, আমার ধারণা হয় তিনি বলেছেন ইচ্ছাকৃতভাবে, তবে সে যেন জাহান্নামে তার বাসস্থান নির্ধারণ করে নেয়।

◆ মুসলিম, আস-সহীহ, হাদীস নং ৭৭০২।

◆ হাদীসটির সনদ ও মতন সহীহ।

শিক্ষা : এ হাদীসটি মাক্কী জীবনের। তাই হাদীসটির ভিত্তিতে সহজে বলা যায়- মাক্কী জীবনে তথা নবুওয়াতের প্রথম ১৩ বছর সব হাদীস প্রচারিত হয় রসূল স.-এর কাছ থেকে শোনার পর মুখে মুখে। আর এটি করার কারণ ছিল- কুরআনের সাথে হাদীস মিশ্রিত হয়ে মানবসভ্যতার মহাক্ষতি রোধ করা। শোনার সাথে সাথে কোনটি কুরআন ও কোনটি হাদীস তা বোঝার যোগ্যতা সাহাবীগণের সৃষ্টি হওয়ার আগ পর্যন্ত এ নিষেধাজ্ঞা বহাল ছিল।

তাই হাদীসটির আলোকে বলা যায়- কুরআন হলো মূল, প্রমাণিত ও মৌলিক জ্ঞান ধারণকারী একমাত্র উৎস।

হাদীস-৮

أَخْرَجَ الْإِمَامُ أَبُو عَبْدِ اللَّهِ الْحَاكِمُ... عَنْ عَبْدِ الْمَلِكِ بْنِ عَبْدِ اللَّهِ بْنِ أَبِي
سُفْيَانَ: أَنَّ سَمِعَ عُمَرَ بْنَ الْخَطَّابِ يَقُولُ: قَتِدُوا الْعِلْمَ بِالْكِتَابِ.

ইমাম হাকিম রহ. আব্দুল মালিক ইবন আব্দুল্লাহ ইবন আবু সুফিয়ান রহ.-এর বর্ণনা সনদের ৫ম ব্যক্তি আবু আব্দুল্লাহ মুহাম্মাদ ইবন ইয়াকুব রহ. থেকে শুনে তাঁর ‘আল-মুস্তাদরাক’ গ্রন্থে লিখেছেন- আব্দুল মালিক ইবন আব্দুল্লাহ রহ. বলেন, উমার রা. বলেছেন- তোমরা আল্লাহর কিতাবকে জ্ঞানের মানদণ্ড বানাও।

- ◆ আল-হাকিম, আল-মুত্তাদরাক, হাদীস নং-৩৬০।
- ◆ হাদীসটির সনদ ও মতন সহীহ।

শিক্ষা : হাদীসটি অনুযায়ী কুরআন হলো জ্ঞানের মানদণ্ড উৎস।

হাদীস-১০

أَخْرَجَ الْإِمَامُ الدَّارِمِيُّ عَنْ كَعْبِ قَالَ : عَلَيْكُمْ بِالْقُرْآنِ ، فَإِنَّهُ
 فَهْمُ الْعَقْلِ وَتَوْهُ الْحِكْمَةِ وَتَبَايُغُ الْعِلْمِ ، وَأَحَدْتُ الْكُتُبِ بِالرَّحْمَنِ عَهْدًا
 وَقَالَ فِي التَّوْرَةِ : يَا مُحَمَّدُ إِنِّي مُنْزِلٌ عَلَيْكَ تَوْرَةً حَدِيثَةً ، تَفْتَحُ فِيهَا أَعْيُنًا عُمَمِيًّا
 وَآذَانًا صُمًّا وَقُلُوبًا غُلْفًا .

ইমাম দারেমী রহ. কা'ব রা.-এর বর্ণনা সনদের ৫ম ব্যক্তি থেকে শুনে তাঁর 'আস-সুনান' গ্রন্থে লিখেছেন- কা'ব রা. বলেন, তোমরা কুরআনকে আঁকড়ে ধরো। কেননা, Common sense-এর উপলব্ধি, প্রজ্ঞার আলো, ইলমের বারণাধারা এবং কালের বিবেচনায় আল্লাহর কিতাবসমূহের মধ্যে এটি সবচেয়ে নবতর কিতাব। তিনি (কা'ব রা.) আরও বলেন- তাওরাত কিতাবে আছে, হে মুহাম্মাদ! আমি আপনার প্রতি নবতর তাওরাত (শেষ কিতাব কুরআন) নাযিলকারী, যা অন্ধ দৃষ্টিকে, বধির কানকে এবং অবদমিত মনকে (মনে থাকা Common sense-কে) উন্মুক্ত/উৎকর্ষিত করে দেবে।

- ◆ দারেমী, আস-সুনান (বৈরুত : দারুল কিতাবিল আরাবী, ১৪০৭ হি.), হাদীস নং-৩৩২৭।
- ◆ হুসাইন সুলাইম আসাদ রহ. হাদীসটিকে হাসান বলেছেন।

শিক্ষা : হাদীসটি অনুযায়ী কুরআন হলো আল্লাহ প্রদত্ত কিতাবের সর্বশেষ সংস্করণ।

সম্মিলিত শিক্ষা : উল্লিখিতগুলোসহ কুরআন, হাদীস ও যুক্তির আরও তথ্যের ভিত্তিতে নিশ্চিতভাবে জানা যায়-

১. কুরআন জ্ঞানের আল্লাহ প্রদত্ত মূল প্রমাণিত উৎস।
২. কুরআন হলো মানদণ্ড উৎস। অর্থাৎ হাদীসসহ সব জ্ঞানের সত্য-মিথ্যা যাচাই করার মানদণ্ড হলো আল কুরআন।
৩. কুরআনে মানবজীবনের সব বড়ো দিকের মৌলিক জ্ঞান উল্লিখিত আছে।

সুন্নাহ জ্ঞানের আল্লাহ প্রদত্ত উৎস হওয়ার প্রমাণ

যুক্তি

বর্তমানে কোনো জটিল যন্ত্র তৈরি করে বাজারে ছাড়লে সব কোম্পানি যন্ত্রটির পরিচালনা পদ্ধতি ধারণকারী পুস্তিকার (Manual) সাথে একজন প্রকৌশলীও (Engineer) পাঠায়। প্রকৌশলী যন্ত্রটি পরিচালনা করে ভোক্তাদের দেখিয়ে দেয়। কোম্পানি এমন প্রকৌশলী পাঠায় যে ম্যানুয়ালের নির্দেশনা অনুযায়ী যন্ত্রটি সঠিকভাবে পরিচালনা করতে পারে। ম্যানুয়ালে উল্লেখ থাকা বিষয়গুলো ভোক্তাদের বোঝাতে গিয়ে প্রকৌশলীকে কিছু অতিরিক্ত কথা বলতে ও কাজ করতে হয়। তবে তার কোনো কথা ও কাজ ম্যানুয়ালের তথ্যের বিরোধী হয় না।

প্রকৌশলীর কথা ও কাজ যন্ত্রটির ম্যানুয়ালে থাকা বিষয়ের ব্যাখ্যা। আর প্রকৌশলী দেখিয়ে না দিলে শুধু ম্যানুয়াল পড়ে কারো পক্ষে জটিল যন্ত্র চালানো সম্ভব নয়।

এ সত্য উদাহরণের ভিত্তিতে আকল/Common sense/বিবেকের আলোকে সহজে বলা যায়— মানুষ মহান আল্লাহর সৃষ্টি করা সবচেয়ে জটিল সৃষ্টি। তাই মহান আল্লাহ মানুষকে দুনিয়ায় পাঠানোর সময় তার জীবন পরিচালনা পদ্ধতি ধারণকারী ম্যানুয়ালের (কিতাব) সাথে ম্যানুয়ালে থাকা বিষয়গুলো বাস্তবে প্রয়োগ করে মানুষকে দেখিয়ে দেওয়ার জন্য একজন ব্যক্তিকেও পাঠাবেন— এটি স্বাভাবিক। এ কাজের জন্য মানুষের সৃষ্টিকর্তা আল্লাহ নবী-রসূলদেরকে মনোনীত করে পাঠিয়েছেন। তাই তারা সঠিকভাবে আল্লাহর কিতাবের বিষয়গুলো বাস্তবায়ন করে মানুষকে দেখিয়ে দেওয়ার মতো যোগ্যতাসম্পন্ন হওয়াও স্বাভাবিক।

নবী-রসূলদেরকে আল্লাহর কিতাব বাস্তবে প্রয়োগ করে দেখাতে গিয়ে কিছু অতিরিক্ত কথা বলতে হবে— এটিও স্বাভাবিক। তবে তিনি কিতাবের বিপরীত কোনো কথা বলেন না। অন্যদিকে নবী-রসূলদের কথা, কাজ ও অনুমোদন হলো আল্লাহর কিতাবে থাকা বিষয়ের ব্যাখ্যা— এটি বুঝাও সহজ। মুহাম্মদ স. হলেন আল্লাহর মনোনীত ও প্রেরিত সর্বশেষ রসূল।

তাই এ উদাহরণের ভিত্তিতে যুক্তির আলোকে সহজে বলা যায়—

১. মুহাম্মদ স.-এর কথা, কাজ ও অনুমোদন তথা সুন্নাহ (হাদীস) হবে জ্ঞানের আল্লাহ প্রদত্ত প্রমাণিত (নির্ভুল) উৎস।

২. এটি মূল উৎস নয়। এটি হবে আল্লাহ প্রদত্ত মূল প্রমাণিত উৎস কুরআনের ব্যাখ্যা।
৩. কুরআনের বিপরীত কোনো বক্তব্য রসূল স.-এর হাদীস হিসেবে গ্রহণযোগ্য হবে না।

আল কুরআন

তথ্য-১

..... وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ وَلَعَلَّهُمْ يَتَفَكَّرُونَ .

আর আমরা তোমার প্রতি যিক্র (কুরআন) অবতীর্ণ করেছি যাতে তুমি মানুষকে (কথা, কাজ ও অনুমোদনের মাধ্যমে) স্পষ্টভাবে বুঝিয়ে দিতে পারো, যা কিছুর জন্য অবতীর্ণ করা হয়েছে এবং তারাও (মানুষেরা) যেন চিন্তা-গবেষণা করে।

(সূরা আন-নাহল/১৬ : ৪৪)

ব্যাখ্যা : এ আয়াতটি হলো মুহাম্মদ স.-কে কুরআনের ব্যাখ্যাকারী হিসেবে দায়িত্ব পালনের জন্য মহান আল্লাহর নিয়োগপত্র। ব্যাখ্যা কখনো মূল বক্তব্যের বিপরীত হয় না; বরং সম্পূরক বা অতিরিক্ত হয়। তাই আয়াতটির ভিত্তিতে এটিও বলা যায় যে- রসূল স.-এর কথা, কাজ ও অনুমোদন তথা হাদীস কুরআনের কোনো তথ্যের বিপরীত হবে না, তবে সম্পূরক বা অতিরিক্ত হবে।

তথ্য-২

لَا تُحَرِّكْ بِهِ لِسَانَكَ لِتَعْجَلَ بِهِ. إِنَّ عَلَيْنَا جَمْعَهُ وَقُرْآنَهُ. فَإِذَا قَرَأَهُ فَاتَّبِعْ قُرْآنَهُ. ثُمَّ إِنَّ عَلَيْنَا بَيَانَهُ.

(হে নবী) তোমার জিহ্বাকে তার (ওহীর) সাথে নাড়াবে না, তা (ওহী বা কুরআন) তাড়াতাড়ি (মুখস্থ) করার জন্য। নিশ্চয় এটি মুখস্থ এবং পাঠ করানোর দায়িত্ব আমাদের। সুতরাং যখন আমরা তা পাঠ করি তখন আপনি এর পঠন (পঠন পদ্ধতির) অনুসরণ করুন। অতঃপর এর (কুরআন) ব্যাখ্যার দায়িত্বও (ব্যাখ্যা বুঝিয়ে দেওয়ার দায়িত্ব) নিশ্চয় আমাদের।

(সূরা আল কিয়ামাহ/৭৫ : ১৬-১৯)

ব্যাখ্যা : ১৯ নং আয়াতটি (বোল্ড করা অংশ) থেকে জানা যায় রসূল স.-কে কুরআনের ব্যাখ্যা, আল্লাহ তা'য়ালার অনুমতিক্রমে জিব্রাইল আ. নিজে বুঝিয়ে দিয়েছেন।

তথ্য-৩

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُوا اللَّهَ وَالْيَوْمَ الْآخِرَ
وَدَكَرَ اللَّهُ كَثِيرًا .

অবশ্যই তোমাদের মধ্যকার তাদের জন্য আল্লাহর রসূলের মধ্যে উত্তম আদর্শ রয়েছে যারা আল্লাহ ও আখিরাতকে পাওয়ার আশা করে এবং বেশি বেশি আল্লাহর যিক্র করে (আল্লাহর কিতাব অধ্যয়ন করে)।

(সূরা আল আহযাব/৩৩ : ২১)

ব্যাখ্যা : আয়াতটির বক্তব্য হলো- যারা আল্লাহর সন্তুষ্টি ও আখিরাতে সফলতা পেতে চায় তাদের জন্য আল্লাহর রসূলের মধ্যে উত্তম আদর্শ রয়েছে। অর্থাৎ যারা আল্লাহর সন্তুষ্টি ও আখিরাতে সফলতা পেতে চায় তাদের জন্য রসূল স.-এর কথা, কাজ ও অনুমোদন তথা সুন্নাহ উত্তম শিক্ষণীয় বিষয় রয়েছে।

তথ্য-৪

وَمَا يَنْطِقُ عَنِ الْهَوَىٰ . إِنْ هُوَ إِلَّا وَحْيٌ يُوحَىٰ .

আর সে (রসূল) মনগড়া কথা বলে না। এটা তার প্রতি প্রেরিত ওহী ছাড়া কিছু নয়।

(সূরা আন-নাজম/৫৩ : ৩-৪)

ব্যাখ্যা : আয়াতটি থেকে জানা যায় যে, নবুওয়াতী দায়িত্ব পালন করার সময় রসূল স. যা বলতেন, যে কাজ করতেন বা যেসব বিষয়ের অনুমোদন দিতেন, তা সবই আল্লাহ তা'য়ালার সম্মতি নিয়েই করতেন।

তথ্য-৫

مَنْ يُطِيعِ الرَّسُولَ فَقَدْ أَطَاعَ اللَّهَ

যে রসূলের আনুগত্য করল সে আল্লাহরই আনুগত্য করল।

(সূরা আন নিসা/৪ : ৮০)

ব্যাখ্যা : আয়াতটির মাধ্যমে সুন্নাহ জানা ও মানার গুরুত্ব অপরিসীম তথ্যটি জানানো হয়েছে।

তথ্য-৬

وَلَوْ تَقَوَّلَ عَلَيْنَا بَعْضَ الْأَقَاوِيلِ . لَأَخَذْنَا مِنْهُ بِالْيَمِينِ . ثُمَّ لَقَطَعْنَا مِنْهُ الْوَتِينَ . فَمَا مِنْكُمْ مِنْ أَحَدٍ عَنْهُ حَاجِزِينَ .

আর সে যদি আমার সম্পর্কে (কুরআন সম্পর্কে) কোনো কথা বানিয়ে বলতো। অবশ্যই আমি তাকে ডান হাতে ধরে ফেলতাম (শক্ত করে ধরে ফেলতাম)। অতঃপর অবশ্যই আমি তার জীবন-ধমনী কেটে দিতাম (হত্যা করতাম)। অতঃপর তোমাদের মধ্যে কেউই নেই, যে তা থেকে আমাকে বিরত করতে পারতো।

(সুরা আল হাক্বা/৬৯ : ৪৪-৪৭)

ব্যাখ্যা : আয়াতটি থেকে জানা যায়- রসুল স. কুরআনের বিপরীত কথা বললে তাঁকে আল্লাহ তাঁয়ালা হত্যা করে ফেলতেন। তাই সহজে বলা যায়- কুরআনের বিপরীত কথা বা কাজ রসুল স.-এর সূন্য হতে পারে না।

তথ্য-৭

يَا أَيُّهَا الَّذِينَ آمَنُوا إِن جَاءَكُمْ فَاسِقٌ بِنَبَأٍ فَتَبَيَّنُوا أَن تُصِيبُوا قَوْمًا بِجَهَالَةٍ فَتُصْحَبُوا
عَلَىٰ مَا فَعَلْتُمْ نَادِمِينَ .

হে যারা ঈমান এনেছো! যদি কোনো পাপাচারী তোমাদের কাছে কোনো সংবাদ নিয়ে আসে তবে তোমরা তা যাচাই করে দেখবে, তা না হলে অজ্ঞতাবশত তোমরা কোনো সম্প্রদায়কে ক্ষতিগ্রস্ত করে বসবে। অতঃপর তোমাদের কৃতকর্মের জন্য তোমরা অনুতপ্ত হবে।

(সুরা আল হুজুরাত/৪৯ : ৬)

আয়াতটির শানে নুযুল : বনী মুস্তালিক নামক গোত্র ইসলাম গ্রহণ করলে রসুল স. সাহাবী অলীদ ইবনে উক্বাকে তাদের কাছ থেকে যাকাত আদায় করার জন্য পাঠান। তিনি ঐ এলাকায় পৌঁছে কোনো কারণে ভয় পান এবং গোত্রের লোকদের সাথে কথা না বলে ফিরে যান। মদিনায় ফিরে তিনি রসুল স.-এর কাছে অভিযোগ করেন যে, লোকেরা যাকাত দিতে অস্বীকার করেছে এবং তাকে হত্যা করতে চেয়েছে। রসুল স. এ কথা জানতে পেরে খুবই অসন্তুষ্ট হন এবং ঐ গোত্রকে দমন করার জন্য সেনাবাহিনী পাঠানোর সিদ্ধান্ত নেন বা সেনাবাহিনী পাঠান। এ সময় ঐ গোত্রের সরদার হারিছ ইবনে জিরার একটি প্রতিনিধি দল নিয়ে এসে আল্লাহর কসম খেয়ে রসুল স.-কে জানান আমরা অলীদকে দেখিনি। আর যাকাত দিতে অস্বীকার করা বা হত্যা করতে চাওয়ার প্রশ্নই আসে না। এ তথ্য জানার পর রসুল স. সিদ্ধান্ত পরিবর্তন করেন। এ ঘটনার পরিপ্রেক্ষিতে আলোচ্য আয়াতটি নাযিল হয়।

(সিরাত ইবনে হিশাম, পৃষ্ঠা-২৩৭, ইবনে কাছীর, ১৭তম খণ্ড, পৃষ্ঠা-১৯)

আয়াতটির ব্যাখ্যা : আয়াতটির ভিত্তিতে সহজে বলা যায়— রসুল স.-সহ কারো বলা কথা অন্য কোনো ব্যক্তির কাছ থেকে শুনলে, প্রথমে তথ্য প্রমাণের ভিত্তিতে যাচাই করে কথাটির সঠিকত্বের বিষয়টি নিশ্চিত হতে হবে। তারপর সেটি গ্রহণ ও অনুসরণ করতে হবে।

তথ্য-৮

وَمَا أَرْسَلْنَا مِنْ رَّسُولٍ إِلَّا لِيُطَاعَ بِإِذْنِ اللَّهِ ط

আমরা এমন কোনো রসুল প্রেরণ করিনি যাকে আল্লাহর (অতাৎক্ষণিক) অনুমতি ছাড়া আনুগত্য করা হবে।

(সুরা আন নিসা/৪ : ৬৪)

ব্যাখ্যা : আয়াতটির বক্তব্য হলো— আল্লাহর অতাৎক্ষণিক অনুমতি তথা আল্লাহর তৈরি প্রোত্থাম অনুসরণ ছাড়া রসুল স.-এর আনুগত্য করা নিষেধ। অন্য আয়াত ও হাদীসের আলোকে জানা যায়, আল্লাহর ঐ প্রোত্থামের প্রধান ৩টি শর্ত হলো—

১. রসুলুল্লাহ স.-কে আল্লাহর নিয়োগকৃত কুরআনের ব্যাখ্যাকারী হিসেবে আনুগত্য করতে হবে।
ব্যাখ্যা কখনও মূল বক্তব্যের বিপরীত হয় না। সম্পূরক, পরিপূরক বা অতিরিক্ত হয়। তাই কুরআনের বিপরীত কথা, কাজ বা অনুমোদন রসুলুল্লাহ স.-এর হাদীস হিসেবে গ্রহণ ও অনুসরণ করা যাবে না।
২. রসুলুল্লাহ স.-এর কথা, কাজ বা অনুমোদন সরাসরি তাঁর কাছ থেকে শুনলে বা দেখলে সেটি বিনা দ্বিধায় অনুসরণ করতে হবে।
৩. রসুলুল্লাহ স.-এর কথা, কাজ বা অনুমোদন অন্য কারও কাছ থেকে শুনলে বা দেখলে বিষয়টি সত্যই রসুলুল্লাহ স.-এর কথা, কাজ বা অনুমোদন কি না সেটি যাচাই করে প্রথমে নিশ্চিত হতে হবে। তারপর অনুসরণ করতে হবে। কারণ শোনা কথা শব্দে শব্দে বলা অসম্ভব। আর কথার ভাবার্থ বলার সময় অনিচ্ছাকৃত ভুল হওয়া স্বাভাবিক।

আল হাদীস

হাদীস-১

أَخْرَجَ الْإِمَامُ أَبُو عَبْدِ اللَّهِ الْحَاكِمُ عَنْ ابْنِ عَبَّاسٍ، أَنَّ رَسُولَ اللَّهِ ﷺ خَطَبَ النَّاسَ فِي حَجَّةِ الْوَدَاعِ، فَقَالَ: قَدْ يئس الشَّيْطَانُ بِأَنْ يُعْبَدَ بِأَرْضِكُمْ وَلَكِنَّهُ رَضِيَ أَنْ يُطَاعَ فِيمَا سِوَى ذَلِكَ إِنَّمَا تُحَاقِرُونَ مِنْ أَعْمَالِكُمْ، فَاحْذَرُوا يَا أَيُّهَا

النَّاسِ إِيَّايَ قَدْ تَرَكْتُ فِيكُمْ مَا إِنْ اغْتَصَمْتُمْ بِهِ فَلَنْ تَضِلُّوا أَبَدًا كِتَابَ اللَّهِ وَسُنَّةَ نَبِيِّهِ ﷺ، إِنَّ كُلَّ مُسْلِمٍ أَخٌ مُسْلِمٍ، الْمُسْلِمُونَ إِخْوَةٌ، وَلَا يَحِلُّ لِامْرَأَةٍ مِنْ مَالِ أَخِيهِ إِلَّا مَا أَعْطَاهُ عَنْ طَيْبِ نَفْسٍ، وَلَا تَظْلِمُوا، وَلَا تَرْجِعُوا مِنْ بَعْدِي كُفَّارًا يَضْرِبُ بَعْضُكُمْ رِقَابَ بَعْضٍ.

ইমাম আবু 'আবদুল্লাহ আল-হাকিম আন নিশাপুরী রহ. আব্দুল্লাহ ইবনে আব্বাস রা.-এর বর্ণনা সনদের ১০ম ব্যক্তি আবু বকর আহমাদ বিন ইসহাক রহ. থেকে শুনে তাঁর 'আল-মুসতাদরাক 'আলাস-সহীহাইন' গ্রন্থে লিখেছেন- আব্দুল্লাহ ইবনে আব্বাস রা. বলেন, রসূল স. বিদায় হাজ্জের ভাষণে বলেছেন, শয়তান তোমাদের এই ভূমিতে তার ইবাদাত করা হবে এ ব্যাপারে নিরাশ হয়ে গিয়েছে, কিন্তু সে তার ইবাদাত নিয়ে সম্ভ্রষ্ট ঐ সমস্ত ব্যাপারে যে ব্যাপারগুলোকে তোমরা তুচ্ছ তাচ্ছিল্যের চোখে দেখো (হালকা মনে করো), সুতরাং হে লোক সকল! তোমরা সতর্ক থেকে, নিশ্চয় আমি তোমাদের মাঝে যা রেখে গেলাম, তোমরা যতক্ষণ তা আঁকড়ে ধরে রাখবে (জ্ঞানার্জন ও অনুসরণ করবে) তোমরা কিছুতেই পথভ্রষ্ট হবে না, তা হলো আল্লাহর কিতাব (কুরআন) ও তাঁর নবী স.-এর সুন্নাহ। নিশ্চয় মুসলমান একে অপরের ভাই, মুসলিমরা সবাই ভাই ভাই। কারো জন্য অপর ভাইয়ের মাল ভোগ করা হালাল নয়, তবে সম্ভ্রষ্ট চিন্তে কিছু দিলে ভিন্ন কথা। একে অপরের ওপর জুলুম করো না। আর তোমরা আমার পরে পরস্পর পরস্পরকে হত্যা করে কুফরীর দিকে প্রত্যাভর্তন করো না।

◆ আল-হাকিম, আল-মুসতাদরাক 'আলাস-সহীহাইন', হাদীস নং ৩১৮।

◆ হাদীসটির সনদ ও মতন সহীহ।

শিক্ষা : হাদীসটির বোল্ড করা অংশের বক্তব্য অনুযায়ী বলা যায় যে- কুরআন ও সুন্নাহ জ্ঞানের উৎস।

হাদীস-২

أَخْرَجَ الْإِمَامُ الْبُخَارِيُّ... عَنْ مُوسَى بْنِ أَبِي عَائِشَةَ أَنَّهُ سَأَلَ سَعِيدَ بْنَ جُبَيْرٍ عَنْ قَوْلِهِ تَعَالَى (لَا تُحْرِكْ بِهِ لِسَانَكَ) قَالَ وَقَالَ ابْنُ عَبَّاسٍ كَانَ يُحْرِكُ شَفَتَيْهِ إِذَا أُنزِلَ عَلَيْهِ، فَقِيلَ لَهُ (لَا تُحْرِكْ بِهِ لِسَانَكَ) يَخْشَى أَنْ

يُنْفِلْت مِنْهُ (إِنَّ عَلَيْنَا جَمْعَهُ وَقُرْآنَهُ) أَنْ جَمَعَهُ فِي صَدْرِكَ ، وَقُرْآنَهُ أَنْ تَقْرَأَهُ (فَإِذَا قَرَأْتَهُ) يَقُولُ أَنْزَلَ عَلَيْهِ (فَاتَّبَعْتَهُ) * ثُمَّ إِنَّ عَلَيْنَا بَيَانَهُ) أَنْ نُبَيِّنَهُ عَلَى لِسَانِكَ.

ইমাম বুখারী রহ. মূসা বিন আবু 'আয়িশা রহ.-এর বর্ণনা সনদের ৩য় ব্যক্তি ওবায়দুল্লাহ বিন মূসা থেকে শুনে তাঁর 'আস-সহীহ' গ্রন্থে লিখেছেন- মূসা বিন আবু 'আয়িশা রহ. বলেন, তিনি لَا تُحَرِّكُ بِهِ لِسَانَكَ আল্লাহর এ বাণী সম্পর্কে সাঈদ ইব্নু যুযায়র রা.-কে জিজ্ঞেস করার পর তিনি বলেন, ইব্নু 'আব্বাস রা. বলেছেন- নবী স.-এর প্রতি যখন ওহী অবতীর্ণ করা হতো, তখন তিনি তাঁর ঠোঁট দুটো দ্রুত নাড়াতেন। নবী স. ওহী ভুলে যাবার আশঙ্কায় এমন করতেন। তখন তাঁকে বলা হলো, তাড়াতাড়ি ওহী মুখস্থ করার জন্য তুমি তোমার জিহ্বা নাড়বে না। আমরা তোমার সম্মুখ ব্রেইনে থাকা মনে এটি সংরক্ষণ করার ব্যবস্থা করবো। আর যখন পাঠ করা হবে তখন তুমি তার পঠনপদ্ধতি অনুসরণ করে পাঠ করবে। আর এর সঠিক ব্যাখ্যা আমরা তোমার মুখ দিয়ে বর্ণনা করাবো। (কুরআনের বাণী- নিশ্চয় এ কুরআন মুখস্থ ও পাঠ করিয়ে দেওয়ার দায়িত্ব আমাদেরই। তাই আমি যখন তা পাঠ করবো তখন তুমি তার পঠনপদ্ধতিটা অনুসরণ করবে। অতঃপর এর ব্যাখ্যা বুঝিয়ে দেওয়ার দায়িত্বও আমাদের)।

- ◆ বুখারী, আস-সহীহ, হাদীস নং-৪৬৪৪।
- ◆ হাদীসটির সনদ ও মতন সহীহ।

শিক্ষা : হাদীসটি থেকে সরাসরি জানা যায়- কুরআনের ব্যাখ্যা আল্লাহর অনুমতিক্রমে জিব্রাইল আ. নিজে রসুল স.-কে বুঝিয়ে দিয়েছেন। জিব্রাইল আ.-এর শেখানো ব্যাখ্যা অবশ্যই নির্ভুল। তাই হাদীসটির ভিত্তিতে নিশ্চিতভাবে বলা যায়, সূনাহ আল্লাহ প্রদত্ত প্রমাণিত (নির্ভুল) জ্ঞান।

হাদীস-৩

أَخْرَجَ الْإِمَامُ مُسْلِمٌ عَنْ جَابِرِ بْنِ عَبْدِ اللَّهِ قَالَ كَانَ رَسُولُ اللَّهِ ﷺ إِذَا خَطَبَ أَحَمَرَّتْ عَيْنَاهُ وَعَلَا صَوْتُهُ وَاشْتَدَّ غَضَبُهُ حَتَّى كَانَتْهُ مُنْذِرُ جَيْشٍ يَقُولُ صَبَّحَكُمْ وَمَسَّاكُمْ . وَيَقُولُ بُعِثْتُ أَنَا وَالسَّاعَةَ كَهَاتَيْنِ . وَيَقْرُنُ بَيْنَ

إِضْبَعِيهِ السَّبَابَةَ وَالْوَسْطَى وَيَقُولُ أَمَا بَعْدُ فَإِنَّ خَيْرَ الْحَدِيثِ كِتَابُ اللَّهِ وَخَيْرُهُ
الْهُدَى هُدَى مُحَمَّدٍ وَشَرُّ الْأُمُورِ مُحَدَّثَاتُهَا وَكُلُّ بَدْعَةٍ ضَلَالَةٌ.

ইমাম মুসলিম রহ. জাবির ইবন আব্দুল্লাহ রা.-এর বর্ণনা সনদের ৫ম ব্যক্তি মুহাম্মাদ ইবনুল মুছান্না রহ. থেকে শুনে তাঁর ‘আস-সহীহ’ গ্রন্থে লিখেছেন- জাবির ইবনু ‘আবদুল্লাহ রা. থেকে বর্ণিত, রসুলুল্লাহ স. যখন খুতবা (ভাষণ) দিতেন তখন তাঁর চক্ষুদ্বয় রক্তিম বর্ণ ধারণ করত, কণ্ঠস্বর জোরালো হতো এবং তাঁর রাগ বেড়ে যেত, এমনকি মনে হতো, তিনি যেন শত্রুবাহিনী সম্পর্কে সতর্ক করছেন আর বলছেন- তোমরা ভোরেই আক্রান্ত হবে, তোমরা সন্ধ্যায়ই আক্রান্ত হবে। তিনি স. আরও বলতেন- আমি ও কিয়ামাত এ দুটির মতো (স্বল্প ব্যবধান) প্রেরিত হয়েছি, তিনি মধ্যমা ও তর্জনী আঙুল মিলিয়ে দেখাতেন। তিনি স. আরও বলতেন- অতঃপর অবশ্যই সর্বোত্তম বাণী হলো আল্লাহর কিতাব এবং সর্বোত্তম পথ হলো ‘মুহাম্মাদ’-এর পথ। অতীব নিকৃষ্ট বিষয় হলো (ধর্মের মধ্যে) নতুন উদ্ভাবন (বিদ’আত)। প্রতিটি বিদ’আত ভ্রষ্ট। তিনি আরও বলতেন- আমি প্রত্যেক মু’মিন ব্যক্তির জন্য তার নিজের থেকে অধিক উত্তম (কল্যাণকামী)। কোনো ব্যক্তি সম্পদ রেখে গেলে তা তার পরিবার-পরিজনের প্রাপ্য। আর কোনো ব্যক্তি ঋণ অথবা অসহায় সন্তান রেখে গেলে সেগুলোর দায়িত্ব আমার।

◆ মুসলিম, আস-সহীহ, হাদীস নং-২০৪২।

◆ হাদীসটির সনদ ও মতন সহীহ।

অংশভিত্তিক শিক্ষা

‘অবশ্যই সর্বোত্তম বাণী হলো আল্লাহর কিতাব’ অংশের শিক্ষা : মানবজীবন সম্পর্কিত তাত্ত্বিক (Theoretical) শিক্ষা ধারণকারী সর্বোত্তম গ্রন্থ হলো আল কুরআন।

‘আর সর্বোত্তম পথ হলো ‘মুহাম্মাদ’-এর পথ’ অংশের শিক্ষা : কুরআনের বাস্তবায়ন (Application) পদ্ধতি শেখার সর্বোত্তম উপায় হলো মুহাম্মাদ স.-এর ফে’য়লী সুন্নাহ (ফে’য়লী হাদীস)।

হাদীস-৪

أَخْرَجَ الْإِمَامُ النَّسَائِيُّ عَنْ جَابِرِ بْنِ عَبْدِ اللَّهِ قَالَ كَانَ رَسُولُ
اللَّهِ ﷺ يَقُولُ فِي خُطْبَتِهِ يَحْمَدُ اللَّهَ وَيُثْنِي عَلَيْهِ بِمَا هُوَ أَهْلُهُ ثُمَّ يَقُولُ مَنْ

يَهْدِيهِ اللَّهُ فَلَا مُضِلَّ لَهُ وَمَنْ يُضِلَّهُ فَلَا هَادِيَ لَهُ إِنَّ أَصْدَقَ الْحَدِيثِ كِتَابُ
 اللَّهُ وَأَحْسَنَ الْهُدَى هَدَى مُحَمَّدٍ وَشَرَّ الْأُمُورِ مُحَدَّثَاتُهَا وَكُلَّ مُحَدَّثَةٍ بَدْعَةٌ
 وَكُلَّ بَدْعَةٍ ضَلَالَةٌ وَكُلَّ ضَلَالَةٍ فِي النَّارِ...

ইমাম নাসাঈ রহ. জাবির ইবন আব্দুল্লাহ রা.-এর বর্ণনা সনদের ৬ষ্ঠ ব্যক্তি উতবাহ ইবন আব্দুল্লাহ রহ. থেকে শুনে তাঁর 'আস-সুনান' গ্রন্থে লিখেছেন- জাবির ইবন আব্দুল্লাহ রা. থেকে বর্ণিত, রসুলুল্লাহ স. তাঁর খুতবায় আল্লাহ তা'য়ালার যথাযোগ্য প্রশংসা এবং গুণ বর্ণনা করতেন। অতঃপর বলতেন- আল্লাহ (অতাত্মক্ষণিকভাবে) যাকে হিদায়াত দান করবেন তাকে কেউ পথভ্রষ্ট করতে পারবে না। আর যাকে তিনি (অতাত্মক্ষণিকভাবে) পথভ্রষ্ট করবেন তাকে কেউ হিদায়াত প্রদান করতে পারবে না। নিশ্চয় একমাত্র সত্য বাণী হলো আল্লাহর কিতাব, আর সর্বোত্তম পথ হলো 'মুহাম্মাদ'-এর প্রদর্শিত পথ। আর সবচেয়ে নিকৃষ্ট বিষয় হলো (শরীয়াতের মধ্যে কোনো) নবউদ্ভাবিত বিষয়, আর প্রত্যেক নবউদ্ভাবিত বিষয় হলো পথভ্রষ্টতা, আর প্রত্যেক পথভ্রষ্টতাই জাহান্নামে যাবে।

- ◆ আন-নাসাঈ, আস-সুনান, হাদীস নং-১৫৮৯।
- ◆ হাদীসটির সনদ ও মতন সহীহ।

অংশভিত্তিক শিক্ষা

'নিশ্চয় একমাত্র সত্য বাণী হলো আল্লাহর কিতাব' অংশের শিক্ষা : মানবজীবন সম্পর্কিত তাত্ত্বিক (Theoretical) শিক্ষা ধারণকারী একমাত্র নির্ভুল গ্রন্থ হলো আল কুরআন।

'সর্বোত্তম পথ হলো মুহাম্মাদ-এর প্রদর্শিত পথ' অংশের শিক্ষা : কুরআনের বাস্তবায়ন (Application) পদ্ধতি শেখার সর্বোত্তম উপায় হলো মুহাম্মাদ স.-এর ফে'য়লী সুন্নাহ (ফে'য়লী হাদীস)।

সম্মিলিত শিক্ষা : উল্লিখিতগুলোসহ কুরআন, হাদীস ও যুক্তির আরও তথ্যের ভিত্তিতে নিশ্চিতভাবে জানা যায়-

১. সুন্নাহ জ্ঞানের আল্লাহ প্রদত্ত একটি প্রমাণিত উৎস। তবে এটি মূল উৎস নয়। এটি কুরআনের ব্যাখ্যা।
২. মানবজীবন সম্পর্কিত তাত্ত্বিক (Theoretical) শিক্ষা ধারণকারী একমাত্র নির্ভুল গ্রন্থ হলো আল কুরআন। আর কুরআনের বাস্তবায়ন

(Application) পদ্ধতি শেখার সর্বোত্তম উপায় হলো ফে'য়লী সুন্নাহ (ফে'য়লী হাদীস)।

৩. সুন্নাহ তথা নির্ভুল হাদীস কুরআনের তথ্যের বিপরীত হবে না। সম্পূরক, পরিপূরক বা অতিরিক্ত হতে পারবে।

আকল/Common sense/বিবেক জ্ঞানের আল্লাহ প্রদত্ত উৎস হওয়ার প্রমাণ

যুক্তি

যুক্তি-১

মানবশরীরের ভেতরে উপকারী (সঠিক) জিনিস প্রবেশ করতে দেওয়া এবং ক্ষতিকর জিনিস (রোগ-জীবাণু) অনুপ্রবেশ রোধ করার জন্য রোগ প্রতিরোধ ব্যবস্থা (Immunological System) নামের এক মহাকল্যাণকর ব্যবস্থা (দারোয়ান) সকল মানুষকে আল্লাহ তা'য়ালা জন্মগতভাবে দিয়েছেন। এ দারোয়ান কোন জিনিসটি শরীরের জন্য ক্ষতিকর এবং কোনটি ক্ষতিকর নয় তা বুঝতে পারে। যে জিনিসটি ক্ষতিকর নয় সেটিকে সে শরীরে প্রবেশ করতে দেয়। আর যেটি ক্ষতিকর সেটিকে শরীরে প্রবেশ করতে দেয় না বা প্রবেশ করার চেষ্টা করলে তা ধ্বংস করে ফেলে। এটি না থাকলে মানুষকে সারাক্ষণ রোগী হয়ে হাসপাতালের বিছানায় থাকতে হতো। এ দারোয়ানটিকে আল্লাহ তা'য়ালা দিয়েছেন রোগ মুক্ত রেখে মানবজীবনকে শান্তিময় করার লক্ষ্যে।

মানবজীবনকে শান্তিময় করার জন্য জ্ঞানের মধ্যে সঠিক তথ্য প্রবেশ করতে দেওয়া এবং ভুল তথ্য প্রবেশে বাধা দেওয়ার জন্য একটি ব্যবস্থা তথা দারোয়ান থাকাও খুব দরকার। কারণ, তা না থাকলে মানুষের জ্ঞানের মধ্যে সহজে ভুল তথ্য প্রবেশ করবে এবং মানুষের জীবন অশান্তিময় হবে।

মহান আল্লাহ মানবজীবনকে শান্তিময় করার লক্ষ্যে শরীরের ভেতরে উপকারী (সঠিক) জিনিস প্রবেশ করতে দেওয়া এবং ক্ষতিকর (রোগ-জীবাণু) জিনিস প্রবেশ করতে না দেওয়ার জন্য এক মহাকল্যাণকর দারোয়ান সকল মানুষকে জন্মগতভাবে দিয়েছেন। যুক্তির আলোকে তাই সহজে বলা যায়— জ্ঞানের মধ্যে সঠিক তথ্য প্রবেশ করতে দেওয়া এবং ভুল তথ্য প্রবেশ করতে না দেওয়ার জন্য জন্মগতভাবে একটি ব্যবস্থা তথা দারোয়ান সকল মানুষকে আল্লাহ তা'য়ালার দেওয়ার কথা। কারণ, তা না হলে মানবজীবন শান্তিময় হবে না।

জ্ঞানের মধ্যে ভুল তথ্য প্রবেশ করতে না দেওয়া ও সঠিক তথ্য প্রবেশ করতে দেওয়ার জন্য মানুষকে জন্মগতভাবে আল্লাহর দেওয়া সেই মহাকল্যাণকর দারোয়ান হলো- আকল, Common sense, বিবেক, বোধশক্তি, কাণ্ডজ্ঞান বা আল্লাহ প্রদত্ত সাধারণ জ্ঞান।

যুক্তি-২

মুসলিম ঘরে জন্মগ্রহণ করা ব্যক্তিদের অন্য ধর্মগ্রন্থের জ্ঞান থাকার বিষয়টি পর্যালোচনা করলে সহজে প্রতীয়মান হবে যে- অন্য ধর্মগ্রন্থের গ্রহণযোগ্য পরিমাণ জ্ঞান রাখা মুসলিমের সংখ্যা শতকরা প্রায় শূন্যজন। তাহলে অমুসলিম ঘরে জন্মগ্রহণ করা শতকরা কতজন ব্যক্তির কুরআন ও সুন্নাহর গ্রহণযোগ্য পরিমাণ জ্ঞানার্জন করা উচিত বলে নিম্নের কোনটি দাবি করা যেতে পারে?

১. ৫০ জন
২. ১০ জন
৩. প্রায় শূন্যজন
৪. বলা কঠিন

নিশ্চয় আপনারা সকলে বলবেন- প্রায় শূন্যজন।

কোনো মানুষ নিজ ইচ্ছায় মুসলিম বা অমুসলিম ঘরে জন্মায় না। মহান আল্লাহই তাকে সেখানে পাঠান। তাহলে, ইসলাম মানার ভিত্তিতে বিচার করা (শেষ বিচার) ন্যায়বিচার হওয়ার জন্য সকল মানুষের জন্মগতভাবে ইসলাম জানতে পারার কোনো একটি উৎস থাকা-

১. উচিত
২. উচিত না
৩. অবশ্যই উচিত
৪. বলা কঠিন

নিশ্চয় আপনারা সকলে বলবেন- অবশ্যই উচিত।

শেষ বিচার অবশ্যই ন্যায়বিচার হবে। কারণ, ঐ বিচারের বিচারক হবেন স্বয়ং মহান আল্লাহ। তাই এ যুক্তির ভিত্তিতে সহজে বলা যায়- জ্ঞানের একটি উৎস জন্মগতভাবে সবাইকে মহান আল্লাহর দেওয়ার কথা; আর তিনি তা দিয়েছেনও বটে। সে উৎসটিই হলো- আকল/Common sense/বিবেক/বোধশক্তি/কাণ্ডজ্ঞান বা আল্লাহ প্রদত্ত সাধারণ জ্ঞান।

যুক্তি-৩

কুরআন পড়তে গেলে দেখা যায়, কয়েক আয়াত পর পর আল্লাহ তা'য়ালার মানুষের কাছে বিভিন্ন প্রশ্ন করেছেন। প্রশ্ন হলো- সর্বজ্ঞানী আল্লাহ মানুষকে জীবন সম্পর্কিত জ্ঞান শেখাচ্ছেন কুরআনের মাধ্যমে। তাহলে মানুষ কীভাবে আল্লাহর করা প্রশ্নের উত্তর দেবে?

এ প্রশ্নের উত্তর হলো- মহান আল্লাহর জানা আছে যে, তিনি মানুষকে জন্মগতভাবে জ্ঞানের একটি উৎস দিয়েছেন। তাঁর করা প্রশ্নের উত্তর মানুষ ঐ উৎসের জ্ঞানের আলোকে দিতে পারবে। আল্লাহ কর্তৃক মানুষকে জন্মগতভাবে দেওয়া জ্ঞানের সেই উৎসটিই হলো- আকল/Common sense/বিবেক/বোধশক্তি/কাণ্ডজ্ঞান বা আল্লাহ প্রদত্ত সাধারণ জ্ঞান।

আল কুরআন

তথ্য-১

..... وَمَا كُنَّا مُعَذِّبِينَ حَتَّىٰ نَبْعَثَ رَسُولًا .

... .. আর আমি কাউকে শাস্তি দেই না যতক্ষণ না কোনো বার্তাবাহক (সত্যের দাওয়াত নিয়ে) তার কাছে পৌঁছায়।

(সূরা বনী ইসরাঈল/১৭ : ১৫)

وَمَا أَهْلَكْنَا مِنْ قَرِيَةٍ إِلَّا لَهَا مُنْذِرُونَ .

আমি কোনো জনপদকে ধ্বংস করিনি যতক্ষণ না কোনো সতর্ককারী তাদের মধ্যে উপস্থিত ছিল।

(সূরা আশ শ'আরা/২৬ : ২০৮)

ذَٰلِكَ أَنْ لَّمْ يَكُنْ رَّبُّكَ مُهْلِكَ الْقُرَىٰ بِظُلْمٍ وَأَهْلُهَا غَفُلُونَ .

এটি (দ্বীন জানিয়ে দেওয়া) এ জন্য যে, তোমার রব কোনো জনপদকে (তার আদেশ সম্পর্কে) অনবহিত থাকা অবস্থায় ধ্বংস করার মতো একটি জুলুম করেন না।

(সূরা আল আন'আম/৬ : ১৩১)

وَإِنْ أَحَدٌ مِنَ الْمُشْرِكِينَ اسْتَجَارَكَ فَأَجْرُكَ حَتَّىٰ يَسْمَعَ كَلَامَ اللَّهِ ثُمَّ أَبْلِغْهُ مَأْمَنَهُ^ط
ذَٰلِكَ بِأَنَّهُمْ قَوْمٌ لَا يَعْلَمُونَ .

আর মুশরিকদের মধ্যে কেউ তোমার কাছে আশ্রয় প্রার্থনা করলে তুমি তাকে আশ্রয় দেবে যাতে সে আল্লাহর বাণী শুনতে পায়, অতঃপর তাকে তার

নিরাপদ স্থানে পৌঁছে দেবে। এটি এ জন্য যে, তারা এমন এক সম্প্রদায় যারা (কুরআনের) জ্ঞান রাখে না (জন্মের স্থানের কারণে)।

(সুরা আত তাওবা/৯ : ৬)

সম্মিলিত ব্যাখ্যা

এ ৪টি আয়াত থেকে জানা যায়— যে ব্যক্তি ইসলাম কোনোভাবে জানতে পারেনি তাকে ইসলাম পালন না করার জন্য অবশ্যই আল্লাহ তা'য়ালা শাস্তি দেবেন না। অমুসলিম ঘরে জন্মগ্রহণ করা ও বড়ো হওয়া মানুষের কুরআন ও হাদীস পড়ে বা বাবা, মা, ভাই, বোনের কাছ থেকে ইসলাম সঠিকভাবে জানা সম্ভব হয় না। তাই তথ্য তিনটির আলোকে বলা যায়— মুসলিম ও অমুসলিম ঘরে জন্মগ্রহণ করা সকল মানুষের জন্মগতভাবে ইসলাম জানার একটি ব্যবস্থা মহান আল্লাহ অবশ্যই করেছেন।

সে ব্যবস্থা হলো— মানুষকে জন্মগতভাবে জ্ঞানের একটি উৎস দেওয়া। সে উৎসটিই হলো আকল, Common sense, বিবেক। যারা জন্মের স্থানের কারণে কোনভাবেই ইসলাম জানতে পারেনি তাদেরকে এ উৎসটির শিক্ষা মানা বা না মানার ভিত্তিতে পরকালে বিচার করা হবে।

তথ্য-২

أَوْ تَقُولُوا إِنَّمَا أَشْرَكَ آبَاؤُنَا مِنْ قَبْلُ وَكُنَّا ذُرِّيَّةً مِّنْ بَعْدِهِمْ أَفَتُهْلِكُنَا بِمَا فَعَلَ الْمُبْطِلُونَ .

অথবা তোমরা যেন (কিয়ামতের দিন) না বলতে পারো, আমাদের বাপ-দাদারা আগে শিরক করেছে, আমরা তাদের পরবর্তী বংশধর। তবে কি (পূর্ববর্তী) পথভ্রষ্টরা যা করেছে সে জন্য আপনি আমাদের ধ্বংস করবেন?

(সুরা আল আরাফ/৭ : ১৭৩)

ব্যাখ্যা : আয়াতটির সঠিক ব্যাখ্যার জন্য ৪টি বিষয় সামনে থাকা গুরুত্বপূর্ণ—

১. আয়াতটির 'অথবা' শব্দটি থেকে বোঝা যায়, আল্লাহকে রব হিসেবে মেনে নেওয়ার অস্বীকার গ্রহণ অনুষ্ঠানে, অস্বীকার নেওয়ার যে বিষয় ও কারণ আগের আয়াতে (১৭২ নং আয়াত) বলা হয়েছে, আলোচ্য আয়াতে সে বিষয় ও কারণ ছাড়া ভিন্ন বিষয় ও কারণের কথা বলা হয়েছে।
২. আয়াতের বক্তব্য থেকে বোঝা যায়— এখানে বাপ, দাদা, আকাবের ও মনীষীদের অন্ধঅনুসরণের মাধ্যমে শিরক করে পরকালে যাওয়ার পরিণতির কথা জানানো হয়েছে।

৩. আয়াতটির ‘তোমরা যেন না বলতে পারো’ অংশের ভিত্তিতে বলা যায়— আল্লাহ অঙ্গীকার অনুষ্ঠানে এমন কোনো জ্ঞানের উৎস দেওয়ার ঘোষণা দিয়েছেন, যেটি থাকার কারণে অন্ধঅনুসরণ বেধ হবে না।
৪. শিরক হলো আল্লাহর রুবুবিয়াতের একত্ববাদ বিরোধী একটি বিষয়।

আয়াতটিতে অঙ্গীকার নেওয়ার কারণটি জানানো হয়েছে এভাবে— ‘তোমরা যেন (কিয়ামতের দিন) না বলতে পারো, আমাদের বাপ-দাদারা আগে শিরক করেছে, আমরা তাদের পরবর্তী বংশধর। তবে কি (পূর্ববর্তী) পথভ্রষ্টরা যা করেছে সে জন্য আপনি আমাদের ধ্বংস করবেন?’।

ওপরের ৪টি বিষয় সামনে থাকলে, আয়াতে অঙ্গীকার নেওয়ার কারণ হিসেবে বলা কথাটির ভিত্তিতে বলা যায়— অঙ্গীকার অনুষ্ঠানে আল্লাহ বলেছিলেন, জ্ঞানের এমন একটি উৎস আমি দেবো যা সকলের কাছে সর্বক্ষণ থাকবে। ঐ উৎসের রায়কে উপেক্ষা করে বাপ, দাদা, আকাবের ও মনীষীদের অন্ধঅনুসরণের মাধ্যমে শিরক করে পরকালে আসলে ধ্বংস হতে হবে তথা চিরকাল জাহান্নামে থাকতে হবে। তাই দুনিয়ার জীবনে ঐ উৎসের রায়কে যথাযথ গুরুত্ব দেওয়ার অঙ্গীকার সকলের কাছে চাচ্ছি। সকল মানব রুহ এ অঙ্গীকার আল্লাহকে দিয়েছে। জ্ঞানের সে উৎসটি হলো— আকল, Common sense বা বিবেক।

তাই আয়াতটির ভিত্তিতে বলা যায়— আকল, Common sense বা বিবেক আল্লাহ প্রদত্ত একটি জ্ঞানের উৎস।

তথ্য-৩

وَعَلَّمَ آدَمَ الْأَسْمَاءَ كُلَّهَا ثُمَّ عَرَضَهُمْ عَلَى الْمَلَائِكَةِ فَقَالَ أَنْبِئُونِي بِأَسْمَاءِ هَؤُلَاءِ إِنْ كُنْتُمْ صَادِقِينَ.

অতঃপর তিনি আদমকে ‘সব ইসম’ শেখালেন, তারপর সেগুলো ফেরেশতাদের কাছে উপস্থাপন করলেন, অতঃপর বললেন— তোমরা আমাকে এ ইসমগুলো সম্পর্কে বলো যদি তোমরা স্থিরচিত্ত (Constant) হয়ে থাকো।

(সূরা আল বাকারা/২ : ৩১)

ব্যাখ্যা : আয়াতটি থেকে জানা যায়— আল্লাহ তা’য়ালা আদম আ. তথা মানবজাতিকে রুহের জগতে নিজে ক্লাস নিয়ে ‘সব ইসম’ শিখিয়েছিলেন। অতঃপর ফেরেশতাদের ক্লাসে গিয়ে সেগুলো সম্পর্কে তাদের জিজ্ঞাসা করেছিলেন।

প্রশ্ন হলো- মহান আল্লাহ শাহী দরবারে ক্লাস নিয়ে মানবজাতিকে ‘ইসম’ শেখানোর মাধ্যমে কী শিখিয়েছেন? প্রচলিত ব্যাখ্যা হলো আল্লাহ আদম আ. তথা মানবজাতিকে সকল কিছুই নাম শিখিয়েছেন। অর্থাৎ শাহী দরবারে ক্লাস নিয়ে মহান আল্লাহ মানবজাতিকে- বেগুন, কচু, আলু, টমেটো, গরু, গাধা, ছাগল, ভেড়া ইত্যাদি নাম শিখিয়েছেন।

এ ব্যাখ্যা সঠিক ধরলে স্বাভাবিকভাবে যে প্রশ্ন আসে তা হলো- শাহী দরবারে ক্লাস নিয়ে মানবজাতিকে বেগুন, কচু, আলু, টমেটো, গরু, গাধা, ছাগল, ভেড়া ইত্যাদি নাম শেখানো মহান আল্লাহর মতো সত্তার মর্যাদার সাথে মানায় কি? প্রশ্নটির সহজ উত্তর হলো- অবশ্যই মানায় না।

আরবী ভাষায় ‘ইসম’ বলতে নাম (Noun) ও গুণ (Adjective) উভয়টিকে বোঝায়। তাই প্রকৃত বিষয় হলো- মহান আল্লাহ শাহী দরবারে ক্লাস নিয়ে সকল মানব রুহকে মানবজীবনের গুণবাচক ইসম তথা মানবাধিকার, সাধারণ নৈতিকতা, ন্যায়-নীতি বা বান্দার হক ধরনের সকল বিষয় শেখান। অর্থাৎ সত্য বলা উচিত, মিথ্যা বলা নিষেধ, মানুষের উপকার করা ভালো, ক্ষতি করা নিষেধ, ঘুষ খাওয়া নিষেধ, অন্যায় হত্যা নিষেধ, চুরি ও ডাকাতি করা নিষেধ, মানুষের সম্পদ ফাঁকি দেওয়া নিষেধ, অভাবীদের অন্ন, বস্ত্র, শিক্ষা ও বাসস্থানের জন্য সাহায্য করা উচিত, অহেতুক গালাগালি করা নিষেধ ইত্যাদি বিষয়গুলো শেখান।

এগুলো হলো সে বিষয় যা মানুষ আকল দিয়ে বুঝতে পারে। তাই আয়াতটির শিক্ষা হলো- আল্লাহ তা’য়ালার রুহের জগতে ক্লাস নিয়ে মানুষকে বেশ কিছু জ্ঞান শিখিয়ে দিয়েছেন। ঐ জ্ঞানগুলো হলো- ওপরে উল্লিখিত সুরা আ’রাফের ১৭৩ নং আয়াতে বর্ণিত জ্ঞানের উৎস তথা আকল/Common sense/বিবেকের প্রথম লাভ করা জ্ঞানভান্ডার (Memory) তথা বুনিয়াদি বা ভিত্তি জ্ঞানভান্ডার।

তথ্য-৪

عَلَّمَ الْإِنْسَانَ مَا لَمْ يَعْلَمُ.

(কুরআনের মাধ্যমে) শিক্ষা দিয়েছেন মানুষকে এমন বিষয় যা সে আগে জানতো না।
(সুরা আল আলাক/৯৬ : ৫)

ব্যাখ্যা : আয়াতটি হলো কুরআনের প্রথম নাযিল হওয়া পাঁচটি আয়াতের শেষটি। আয়াতটিতে বলা হয়েছে- কুরআনের মাধ্যমে মানুষকে এমন জ্ঞান

শেখানো হয়েছে যা মানুষ আগে জানতো না। সুন্নাহ হলো আল্লাহর নিয়োগকৃত ব্যক্তির করা কুরআনের ব্যাখ্যা। তাই আয়াতটির ভিত্তিতে বলা যায়— আল্লাহ তাঁয়ালা কুরআন ও সুন্নাহ ছাড়া অন্য একটি জ্ঞানের উৎস মানুষকে আগেই (জন্মগতভাবে) দিয়েছেন। কুরআন ও সুন্নাহ এমন কিছু জ্ঞান সন্নিবেশিত করা হয়েছে যা মানুষকে ঐ উৎসটির মাধ্যমে দেওয়া বা জানানো হয়নি। তবে কুরআন ও সুন্নাহ-তে ঐ উৎসের জ্ঞানগুলোও কোনো না কোনোভাবে আছে।

জ্ঞানের ঐ উৎসটি কী তা এ আয়াত থেকে সরাসরি জানা যায় না। তবে ৩ নং তথ্যের আয়াতটি থেকে আমরা জেনেছি যে— রুহের জগতে ক্লাস নিয়ে আল্লাহ মানুষকে বেশকিছু জ্ঞান শিখিয়েছেন। তাই ধারণা করা যায় যে, ঐ জ্ঞান বা জ্ঞানের উৎসটিই জন্মগতভাবে মানুষকে দিয়ে দেওয়া হয়েছে। ৫ নং তথ্যের আয়াতগুলোর মাধ্যমে এ কথাটি মহান আল্লাহ সরাসরি জানিয়ে দিয়েছেন।

তথ্য-৫

وَنَفْسٍ وَمَا سَوَّاهَا ۚ فَأَلْهَمَهَا فُجُورَهَا وَتَقْوَاهَا ۗ

আর শপথ মানুষের মনের এবং সেই সত্তার যিনি তাকে (মন) সঠিক গঠনে সৃষ্টি করেছেন। অতঃপর তাকে (মনকে) ‘ইলহাম’ করেছেন তার অন্যায়ে (ভুল) ও ন্যায়ে (সঠিক) (পার্থক্য করার শক্তি)।

(সূরা আশ্-শামস/৯১ : ৭ ও ৮)

ব্যাখ্যা : ৮ নং আয়াতটি থেকে জানা যায়— মহান আল্লাহ জন্মগতভাবে ‘ইলহাম’ তথা অতিপ্রাকৃতিক এক ব্যবস্থার মাধ্যমে প্রত্যেক মানুষের মনে সঠিক ও ভুল পার্থক্য করার একটি শক্তি দিয়েছেন। এ বক্তব্যকে ৩ নং তথ্যের আয়াতের বক্তব্যের সাথে মেলালে বলা যায় যে— রুহের জগতে ক্লাস নিয়ে মহান আল্লাহ মানুষকে যে জ্ঞান শিখিয়েছিলেন বা জ্ঞানের যে উৎসটি দিয়েছিলেন তা ‘ইলহাম’ নামক এক পদ্ধতির মাধ্যমে মানুষের মনে জন্মগতভাবে দিয়ে দিয়েছেন। মানুষের জন্মগতভাবে পাওয়া ঐ জ্ঞানের শক্তিটিই হলো আকল, Common sense, বিবেক বা আল্লাহ প্রদত্ত সাধারণ জ্ঞান।

তথ্য-৬

وَلَا أُقْسِمُ بِالنَّفْسِ اللَّوَّامَةِ ۚ

আর না, আমি কসম করছি তিরস্কারকারী আত্মার।

(সূরা আল কিয়ামাহ/৭৫ : ২)

ব্যাখ্যা : এ আয়াত থেকে জানা যায়- মানুষের মনে একটি শক্তি আছে, যেটি অন্যায় কাজ করলে ভেতরে ভেতরে মানুষকে তিরস্কার করে। অন্যায় কাজ করার জন্য তিরস্কার করতে হলে প্রথমে বুঝতে হবে কোনটি অন্যায় ও কোনটি ন্যায়। তাই এ আয়াতের ভিত্তিতে বলা যায়- মানুষের মনে একটি শক্তি আছে যেটি অন্যায় ও ন্যায় বুঝতে পারে। মনের ঐ শক্তিকেই বলে আকল, Common sense, বিবেক বা আল্লাহ প্রদত্ত সাধারণ জ্ঞান।

সম্মিলিত শিক্ষা : উল্লিখিতগুলোসহ আরও আয়াতের মাধ্যমে নিশ্চিতভাবে জানা যায় যে- আল্লাহ তা'আলা জন্মগতভাবে জ্ঞানের একটি উৎস মানুষকে দিয়েছেন। জ্ঞানের ঐ উৎসটিই হলো আকল, Common sense, বিবেক বা আল্লাহ প্রদত্ত সাধারণ জ্ঞান।

আল হাদীস

হাদীস-১.১

أَخْرَجَ الْإِمَامُ مُسْلِمٌ عَنْ أَبِي هُرَيْرَةَ أَنَّكَ كَانَ يَقُولُ قَالَ رَسُولُ اللَّهِ ﷺ مَا مِنْ مَوْلُودٍ إِلَّا يُولَدُ عَلَى الْفِطْرَةِ فَأَبَوَاهُ يُهَوِّدَانِهِ وَيُنَصِّرَانِهِ وَيُمَجِّسَانِهِ كَمَا تَنْتَجِعُ الْبُهَيْمَةُ بِبُهَيْمَةٍ جَمْعَاءَ هَلْ تُحْسُونَ فِيهَا مِنْ جَدْعَاءَ.

ইমাম মুসলিম রহ. আবু হুরায়রা রা.-এর বর্ণনা সনদের ৬ষ্ঠ ব্যক্তি হাজিব ইবনুল ওয়ালিদ রহ. থেকে শুনে তাঁর 'আস-সহীহ' গ্রন্থে লিখেছেন- আবু হুরায়রা রা. বলেন, নিশ্চয় রসুলুল্লাহ স. বলেছেন- এমন কোনো শিশু নেই যে ফিতরাতের ওপর জন্মগ্রহণ করে না। অতঃপর তার মা-বাবাই তাকে ইহুদী, খ্রিষ্টান বা গিল্পিজারী রূপে গড়ে তোলে। যেমন- চতুষ্পদ পশু নিখুঁত বাচ্চা জন্ম দেয়। তোমরা কি তাদের মধ্যে কোনো কানকাটা দেখতে পাও? (বরং মানুষেরাই তার নাক, কান কেটে দিয়ে বা ছিদ্র করে তাকে বিকৃত করে থাকে)।

◆ মুসলিম, আস-সহীহ, হাদীস নং- ৬৯২৬।

◆ হাদীসটির সনদ ও মতন সহীহ।

হাদীস-১.২

رُوِيَ فِي مُسْنَدِ أَحْمَدَ ... عَنْ أَبِي هُرَيْرَةَ، أَنَّ رَسُولَ اللَّهِ ﷺ قَالَ: كُلُّ مَوْلُودٍ يُولَدُ عَلَى الْفِطْرَةِ، فَأَبَوَاهُ يُهَوِّدَانِهِ، أَوْ يُنَصِّرَانِهِ أَوْ يُمَجِّسَانِهِ، كَمَا تَنْتَجِعُ الْبُهَيْمَةُ بِبُهَيْمَةٍ. هَلْ تُحْسُونَ فِيهَا مِنْ جَدْعَاءَ؟

আবু হুরায়রা রা.-এর বর্ণনা সনদের ৭ম ব্যক্তি ‘আব্দুল্লাহ রহ. থেকে শুনে ‘আল-মুসনাদ’ গ্রন্থে বর্ণনা করা হয়েছে- আবু হুরায়রা রা. বলেন, নিশ্চয় রসুলুল্লাহ স. বলেছেন, প্রতিটি শিশুই ফিতরাতের ওপর জন্মগ্রহণ করে। অতঃপর তার মা-বাবাই তাকে ইহুদী অথবা খ্রিষ্টান বা অগ্নিপূজারী রূপে গড়ে তোলে। যেমন- চতুষ্পদ পশু নিখুঁত বাচ্চা জন্ম দেয়। তোমরা কি তাদের মধ্যে কোনো কানকাটা দেখতে পাও? (বরং মানুষেরাই তার নাক, কান কেটে দিয়ে বা ছিদ্র করে তাকে বিকৃত করে থাকে)।

◆ আহমাদ, আল-মুসনাদ, হাদীস নং-৭১৮১।

◆ হাদীসটির সনদ ও মতন সহীহ।

সম্মিলিত ব্যাখ্যা : আরবি অভিধান অনুযায়ী ফিতরাত শব্দের বিভিন্ন অর্থের মধ্যে প্রধান তিনটি হলো-

১. সৃজা (জন্মগতভাবে পাওয়া জ্ঞান)
২. নৈসর্গিক জ্ঞান (আল্লাহ প্রদত্ত জ্ঞান)
৩. প্রকৃতি (সৃষ্টিগতভাবে পাওয়া বিষয়সমূহ)।

তাই ফিতরাত শব্দের আভিধানিক অর্থের ভিত্তিতে হাদীস ২টি থেকে জানা যায়- প্রত্যেক মানব শিশু আল্লাহ প্রদত্ত জ্ঞানের একটি উৎস নিয়ে জন্মগ্রহণ করে। এরপর তার মা-বাবা তথা শিক্ষা ও পরিবেশ তাকে বিপরীত জ্ঞান শিখিয়ে অন্য ধর্মে নিয়ে যায়। মানুষের আল্লাহ প্রদত্ত ও জন্মগতভাবে পাওয়া জ্ঞানের ঐ উৎসটি হলো আকল/Common sense/বিবেক।

হাদীস-২

أَخْرَجَ الْإِمَامُ مُسْلِمٌ ... عَنْ أَبِي هُرَيْرَةَ، بِحَدِيثٍ يَرْفَعُهُ، قَالَ: النَّاسُ
مَعَادِنٌ كَمَعَادِنِ الْفِضَّةِ وَالذَّهَبِ، خِيَارُهُمْ فِي الْجَاهِلِيَّةِ خِيَارُهُمْ فِي الْإِسْلَامِ إِذَا
فَقَّهُوا.....

ইমাম মুসলিম রহ. আবু হুরায়রা রা.-এর বর্ণনা সনদের ৫ম ব্যক্তি যুহাইর বিন হারব থেকে শুনে তাঁর ‘আস-সহীহ’ গ্রন্থে লিখেছেন- আবু হুরায়রা রা. থেকে মারফু সূত্রে বর্ণিত, তিনি বলেন- মানুষ হলো খনিজ সম্পদ। যেমন- খনিজ সম্পদ রৌপ্য ও স্বর্ণ। জাহিলি যুগে তাদের মধ্যে যারা উত্তম ছিল, ইসলামেও তাঁরা উত্তম হবে যদি তাঁরা ইসলামের জ্ঞানার্জন করে।

◆ মুসলিম, আস-সহীহ, হাদীস নং-৬৮৭৭।

◆ হাদীসটির সনদ ও মতন সহীহ।

অংশভিত্তিক ব্যাখ্যা-

‘মানুষ হলো খনিজ সম্পদ। যেমন খনিজ সম্পদ রৌপ্য ও স্বর্ণ’ অংশের ব্যাখ্যা- খনিজ সম্পদ রৌপ্য ও স্বর্ণের বৈশিষ্ট্য হলো-

১. খনি থেকে তোলার পর থেকেই রৌপ্যের মূল্য কম ও স্বর্ণের মূল্য বেশি থাকে।
২. খাদ পরিষ্কার করলে উভয়টির মূল্য বাড়ে কিন্তু রৌপ্যের মূল্যের তুলনায় স্বর্ণের মূল্য অধিক বাড়ে।
৩. অলংকার তৈরি করলে উভয়টির মূল্য বাড়ে। তবে রৌপ্যের অলংকারের মূল্যের তুলনায় স্বর্ণের অলংকারের মূল্য অধিক বাড়ে।

মানুষের খনি হলো মায়ের পেট (পেটে থাকা জরায়ু)।



তাই হাদিসটির এ অংশের মাধ্যমে মানুষ সম্পর্কে যে কথা জানিয়ে দেওয়া হয়েছে তা হলো-

১. মানুষ মর্যাদার পার্থক্য নিয়েই মায়ের পেট থেকে ভূমিষ্ঠ হয়।
২. এ পার্থক্য চেহারা, গায়ের রং, ভাষা, দেশ ইত্যাদি দিয়ে নির্ধারিত হয় না। এটি নির্ধারিত হয় মানুষের জ্ঞানের শক্তি আকল/Common sense/বিবেকের শক্তির ভিত্তিতে।
৩. যে অধিক শক্তিশালী আকল/Common sense/বিবেক নিয়ে জন্মগ্রহণ করে সে জন্ম থেকেই বেশি মর্যাদাশীল।
৪. যে কম শক্তিশালী আকল/Common sense/বিবেক নিয়ে জন্মগ্রহণ করে সে জন্ম থেকেই কম মর্যাদাশীল।
৫. যেকোনো সত্য জ্ঞান যুক্ত হলে আকল/Common sense/বিবেক জন্মগত (বুনিয়াদি/ভিত্তি) মান থেকে উৎকর্ষিত হয়। তবে যে অধিক শক্তিশালী বুনিয়াদি উৎস নিয়ে জন্মায় তারটি বেশি উৎকর্ষিত হয়।
৬. যেকোনো মিথ্যা জ্ঞান উৎসটির মান জন্মগত (বুনিয়াদি/ভিত্তি) অবস্থা থেকে অবদমিত করে।

‘জাহিলি যুগে তাদের মধ্যে যারা উত্তম ছিল, ইসলামেও তাঁরা উত্তম হবে যদি তাঁরা ইসলামের জ্ঞানার্জন করে’ অংশের ব্যাখ্যা—

এ অংশটিকে হাদিসটির প্রথমাংশের বক্তব্যের ব্যাখ্যাকারী বক্তব্য বলা যায়। এ অংশের মাধ্যমে জানিয়ে দেওয়া হয়েছে—

১. জাহিলি সমাজের অধিক শক্তিশালী আকল/Common sense/বিবেক নিয়ে জন্মগ্রহণ করা ব্যক্তি যদি সে সমাজে থাকা সঠিক জ্ঞানের মাধ্যমে তার জ্ঞানের শক্তিটিকে উৎকর্ষিত করে এবং তা অনুসরণ করে চলে, তবে সে তার সমাজের অধিক উত্তম/মর্যাদাশীল/মানবতাবাদী ব্যক্তি বলে বিবেচিত হবে।
২. ঐ ব্যক্তি যদি ইসলাম গ্রহণ করে এবং কুরআন ও সুন্নার জ্ঞানের মাধ্যমে তার আকল/Common sense/বিবেককে উৎকর্ষিত করে এবং তা অনুসরণ করে চলে তবে সে ইসলামী সমাজেও অধিক উত্তম/মর্যাদাশীল/মানবতাবাদী ব্যক্তি বলে বিবেচিত হবে।

তাই এ হাদিসটিরও একটি শিক্ষা হলো— আকল/Common sense/বিবেক মানুষকে জন্মগতভাবে আল্লাহর দেওয়া একটি জ্ঞানের উৎস তথা বুনিয়াদি/ভিত্তি জ্ঞানের উৎস।

হাদীস-৩

أَخْرَجَ الْإِمَامُ الْبُخَارِيُّ حَدَّثَنِي عُبَيْدُ بْنُ إِسْمَاعِيلَ
 عَنْ أَبِي هُرَيْرَةَ رَضِيَ اللَّهُ عَنْهُ سَأَلَ رَسُولَ اللَّهِ ﷺ مَنْ أَكْرَمُ النَّاسِ قَالَ: أَتَقَاهُمْ
 لِلَّهِ . قَالُوا الْيَسَّ عَنْ هَذَا نَسَأَلُكَ . قَالَ: فَأَكْرَمُ النَّاسِ يُؤَسِّفُ نَبِيَّ اللَّهِ ابْنُ
 نَبِيِّ اللَّهِ ابْنِ نَبِيِّ اللَّهِ ابْنِ خَلِيلِ اللَّهِ . قَالُوا الْيَسَّ عَنْ هَذَا نَسَأَلُكَ . قَالَ:
 فَعَنْ مَعَادِنِ الْعَرَبِ تَسْأَلُونِي ، النَّاسُ مَعَادِنُ خِيَارِهِمْ فِي الْجَاهِلِيَّةِ خِيَارِهِمْ فِي
 الْإِسْلَامِ إِذْ أَفْقَهُوا .

ইমাম বুখারী রহ. আবু হুরায়রা রা.-এর বর্ণনা সনদের ৫ম ব্যক্তি উবাইদুল্লাহ ইবন ইসমাঈল রহ. থেকে শুনে তার ‘আস-সহীহ’ গ্রন্থে লিখেছেন— আবু হুরায়রা রা. থেকে বর্ণিত। রসূলুল্লাহ স.-কে জিজ্ঞাসা করা হলো— মানুষের মাঝে সবচেয়ে সম্মানিত ব্যক্তি কে? তিনি বললেন— তাদের মধ্যে যে অধিক আল্লাহ সচেতন (মুক্তাকী)। তখন তারা বলল, আমরা তো আপনাকে এ ব্যাপারে জিজ্ঞেস করিনি। তিনি বললেন— তা হলে আল্লাহর নবী ইউসূফ,

যিনি আল্লাহর নবীর পুত্র, আল্লাহর নবীর পৌত্র এবং আল্লাহর খলীল-এর প্রপৌত্র। তারা বলল, আমরা আপনাকে এ ব্যাপারেও জিজ্ঞেস করিনি। তিনি বললেন, তা হলে কি তোমরা আরবের মূল্যবান গোত্রসমূহের ব্যাপারে জিজ্ঞেস করেছ? জাহিলিযুগে তাদের মধ্যে যারা সর্বোত্তম ব্যক্তি ছিল, ইসলামেও তাঁরা সর্বোত্তম ব্যক্তি হবে যদি তাঁরা ইসলাম সম্পর্কিত জ্ঞানার্জন করে।

◆ বুখারী, আস-সহীহ, হাদীস নং- ৩১৯৪।

◆ হাদীসটির সনদ ও মতন সহীহ।

অংশভিত্তিক ব্যাখ্যা

‘হে আল্লাহর রাসূল! মানুষের মাঝে সবচেয়ে সম্মানিত ব্যক্তি কে? তিনি বললেন- তাদের মধ্যে যে অধিক আল্লাহ সচেতন (মুত্তাকী)’ অংশের ব্যাখ্যা- আল্লাহ সচেতনতা অর্জিত হয় আল্লাহ প্রদত্ত জ্ঞানের ভিত্তিতে। আবার ১.১, ১.২ ও ২ নং হাদীস অনুযায়ী আকল/Common sense/বিবেকের জ্ঞান হলো জন্মগতভাবে লাভ করা জ্ঞান। অর্থাৎ মহান আল্লাহ থেকে মানুষের সর্বপ্রথম পাওয়া জ্ঞান বা ভিত্তি/বুনিয়াদি জ্ঞান। এটি সকল মানুষের মধ্যে সবসময় থাকে।

‘জাহিলি যুগে তাদের মধ্যে যারা উত্তম ছিল, ইসলামেও তাঁরা উত্তম হবে যদি তাঁরা ইসলামের জ্ঞানার্জন করে’ অংশের ব্যাখ্যা : ২ নং হাদীসটির অনুরূপ।

তাই এ হাদীসটিরও একটি শিক্ষা হলো- আকল/Common sense/বিবেক, মানুষকে জন্মগতভাবে আল্লাহর দেওয়া জ্ঞানের একটি উৎস। অর্থাৎ এটি জ্ঞানের বুনিয়াদি/ভিত্তি উৎস।

হাদীস-৪

عَنْ أَبِي حُمَيْدٍ وَ أَبِي أَسِيدٍ أَنَّ رَسُولَ اللَّهِ ﷺ قَالَ إِذَا سَمِعْتُمُ الْحَدِيثَ عَنِّي تَعْرِفْتُهُ قُلُوبُكُمْ وَ تَلَيِّنَ لَهُ إِشْعَارُكُمْ وَ أَبْشَارُكُمْ وَ تَرَوْنَ أَنَّهُ مِنْكُمْ قَرِيبٌ فَأَنَا أَوْلَاكُمْ بِهِ . وَإِذَا سَمِعْتُمُ الْحَدِيثَ عَنِّي تُنْكِرُهُمْ قُلُوبُكُمْ وَ تَنْفِرُ مِنْهُ إِشْعَارُكُمْ وَ أَبْشَارُكُمْ وَ تَرَوْنَ أَنَّهُ مِنْكُمْ بَعِيدٌ فَأَنَا أْبَعَدُكُمْ مِنْهُ .

ইমাম আহমাদ বিন হাম্বল রহ. আবু হুমাইদ রা. ও আবু উসাইদ রা.-এর বর্ণনা সনদের ৫ম ব্যক্তি আবু আ'মের থেকে শুনে তাঁর ‘আল-মুসনাদ’ গ্রন্থে লিখেছেন- আবু হুমাইদ রা. ও আবু উসাইদ রা. বলেন, রসুল স. বলেছেন,

যখন তোমরা আমার নামে কোনো বর্ণনা শোনো তখন যেটা তোমাদের হৃদয়ঙ্গম হয় (মনে থাকা আকল/Common sense/বিবেক সম্মত হয়) এবং যা দিয়ে তোমাদের ইঙ্গিত ও সুসংবাদ দানকারী শক্তি (মনে থাকা আকল/Common sense/বিবেক) নরম হয় (গ্রহণ করে) এবং তোমরা অনুভব করো যে তা তোমাদের মনের নিকটতর তখন নিশ্চিতভাবে জেনে নেবে যে, আমার মন (মনে থাকা আকল/Common sense/বিবেক) তোমাদের অপেক্ষা সেটির অধিক নিকটতর।

আর যখন তোমরা আমার নামে বলা কোনো বর্ণনা শোনো তখন যেটাকে তোমাদের মন (মনে থাকা আকল/Common sense/বিবেক) অস্বীকার করে (মনে না) এবং যা দিয়ে তোমাদের ইঙ্গিত ও সুসংবাদ দানকারী শক্তি (মনে থাকা আকল/Common sense/বিবেক) বিমুখ হয় (গ্রহণ করে না) এবং তোমরা অনুভব করো যে, তা তোমাদের মন থেকে দূরে তখন নিশ্চিতভাবে জেনে নেবে যে, আমার মন (মনে থাকা আকল/Common sense/বিবেক) তোমাদের অপেক্ষা সেটির অধিক দূরে।

◆ আহমাদ, আল-মুসনাদ, হাদীস নং-১৬০০৩।

◆ হাদীসটির সনদ ও মতন সহীহ।

ব্যাখ্যা : হাদীসটি থেকে জানা যায় মানুষের মনে একটি ইঙ্গিত ও সুখবর দানকারী শক্তি আছে, যেটি হাদীস শুনলে কোনটি সঠিক ও কোনটি ভুল তা বুঝতে পারে। মানুষের মনের এই ইঙ্গিত ও সুখবর দানকারী শক্তিই হলো- আকল/Common sense/বিবেক/আল্লাহ প্রদত্ত সাধারণ জ্ঞান।

হাদীস-৫

أَخْرَجَ الْإِمَامُ مُسْلِمٌ عَنِ النَّوَّاسِ بْنِ سَمْعَانَ الْأَنْصَارِيِّ، قَالَ: سَأَلْتُ رَسُولَ اللَّهِ ﷺ عَنِ الْبِدِّ وَالْإِثْمِ فَقَالَ: الْبِدُّ حُسْنُ الْخَلْقِ، وَالْإِثْمُ مَا حَاكَ فِي صَدْرِكَ، وَكَرِهْتَ أَنْ يُطْلَعَ عَلَيْهِ النَّاسُ.

ইমাম মুসলিম রহ. নাওয়াস বিন সিম'আন আল-আনসারী রা.-এর বর্ণনা সনদের ৬ষ্ঠ ব্যক্তি মুহাম্মাদ বিন হাতেম বিন মাইমুন থেকে শুনে তাঁর 'আস-সহীহ' গ্রন্থে লিখেছেন- নাওয়াস বিন সিম'আন আল-আনসারী রা. বলেন, আমি রসুলুল্লাহ স.-কে নেকি ও পাপ সম্পর্কে জিজ্ঞেস করলাম, তখন রসুলুল্লাহ স. বললেন- নেকি হলো উত্তম চরিত্র। আর পাপ হলো সেটি, যা

তোমার সদরে (ব্রেইনের সম্মুখ অংশে অবস্থিত মনে) সন্দেহ, সংশয় বা অস্বস্তি সৃষ্টি করে এবং মানুষ সে সম্পর্কে জানুক তা তুমি অপছন্দ করো।

◆ মুসলিম, অ/স-সহীহ, হাদীস নং ৬৬৮০।

◆ হাদীসটির সনদ ও মতন সহীহ।

ব্যাখ্যা : পাপ তথা ভুল কাজ করার পর মনে সন্দেহ, সংশয় বা অস্বস্তি সৃষ্টি হতে হলে মনকে আগে বুঝতে হবে কোনটি পাপ তথা ভুল। তাই হাদীসটির শেষের বক্তব্য থেকে জানা যায়- মানুষের মনে একটি জ্ঞানের শক্তি আছে, যা পাপ তথা ভুল বুঝতে পারে। মানব মনে থাকা এ জ্ঞানের শক্তি হলো জন্মগতভাবে আল্লাহ প্রদত্ত জ্ঞানের উৎস আকল/Common sense/বিবেক/আল্লাহ প্রদত্ত সাধারণ জ্ঞান।

হাদীস-৬

رُوِيَ فِي مُسْنَدِ أَحْمَدٍ سَمِعْتُ الْحُشَيْنِيَّ يَقُولُ قُلْتُ يَا رَسُولَ اللَّهِ أَخْبِرْنِي بِمَا يَجِلُّ لِي وَيُحَرِّمُ عَلَيَّ . قَالَ فَصَعَدَ النَّبِيُّ ﷺ وَصَوَّبَ فِي النَّظَرِ فَقَالَ الْبُرِّ مَا سَكَتَتْ إِلَيْهِ النَّفْسُ وَاطْمَأَنَّ إِلَيْهِ الْقَلْبُ وَالْإِثْمُ مَا لَمْ تَسْكُنْ إِلَيْهِ النَّفْسُ وَلَمْ يَطْمَئِنَّ إِلَيْهِ الْقَلْبُ وَإِنْ أَفْتَاكَ الْمُفْتُونَ

আবু সা'লাবা আল-খুশানী রা.-এর বর্ণনা সনদের ৬ষ্ঠ ব্যক্তি আবদুল্লাহ থেকে শুনে 'আল-মুসনাদ' গ্রন্থে বর্ণনা করা হয়েছে- আবু সা'লাবা আল-খুশানী রা. বলেন, আমি বললাম- হে আল্লাহর রসূল স.! আমার জন্য কী হালাল আর কী হারাম তা আমাকে জানিয়ে দিন। তখন রসূল স. একটু নড়ে-চড়ে বসলেন ও ভালো করে খেয়াল (চিন্তা-ভাবনা) করে বললেন- নেকি (বৈধ) হলো সেটি, যা করে তোমার মন তথা মনে থাকা আকল (নফস) প্রশান্ত হয় ও তোমার মন (ক্বলব) তৃপ্তি লাভ করে। আর পাপ (অবৈধ) হলো সেটি, যা করে তোমার নফস ও ক্বলব প্রশান্ত হয় না ও তৃপ্তি লাভ করে না। যদিও সে বিষয়ে ফাতওয়া প্রদানকারীরা তোমাকে ফাতওয়া দেয়।

◆ আহমাদ, আল-মুসনাদ, হাদীস নং-১৭৭৭৭।

◆ হাদীসটির সনদ ও মতন সহীহ।

ব্যাখ্যা : হাদীসটি থেকেও জানা যায়- মানুষের মনে একটি জ্ঞানের শক্তি আছে যা ন্যায় ও অন্যায় বুঝতে পারে। আর ঐ শক্তি সম্মতি না দিলে কারো ফতোয়া যাচাই না করে মানা নিষেধ। মানব মনে থাকা সেই শক্তি হলো

জনগতভাবে আল্লাহ প্রদত্ত জ্ঞানের উৎস আকল/Common sense/
বিবেক/আল্লাহ প্রদত্ত সাধারণ জ্ঞান।

হাদীস-৭

أَخْرَجَ الْإِمَامُ أَحْمَدُ عَنْ وَابِصَةَ بِنِ مَعْبِدٍ قَالَ أَتَيْتُ رَسُولَ اللَّهِ ﷺ وَأَنَا أُرِيدُ أَنْ لَا أَدْعَ شَيْئاً مِنَ الْبِرِّ وَالْإِثْمِ إِلَّا سَأَلْتُهُ عَنْهُ وَإِذَا عِنْدَهُ جَمْعٌ فَذَهَبْتُ أَخْجَى النَّاسَ فَقَالُوا إِلَيْكَ يَا وَابِصَةُ عَنْ رَسُولِ اللَّهِ ﷺ إِلَيْكَ يَا وَابِصَةُ. فَقُلْتُ أَنَا وَابِصَةُ دَعَوْنِي أَدُّو مِنْهُ فَإِنَّهُ مِنْ أَحِبِّ النَّاسِ إِلَيَّ أَنْ أَدُّو مِنْهُ. فَقَالَ لِي ادْنُ يَا وَابِصَةُ ادْنُ يَا وَابِصَةُ. فَدَنَوْتُ مِنْهُ حَتَّى مَسَّتْ رُكْبَتِي رُكْبَتَهُ فَقَالَ يَا وَابِصَةُ أُخْبِرُكَ مَا جِئْتَ تَسْأَلُنِي عَنْهُ أَوْ تَسْأَلُنِي. فَقُلْتُ يَا رَسُولَ اللَّهِ فَأُخْبِرُنِي. قَالَ جِئْتَ تَسْأَلُنِي عَنِ الْبِرِّ وَالْإِثْمِ. قُلْتُ نَعَمْ فَجَمَعَ أَصَابِعَهُ الثَّلَاثَ فَجَعَلَ يَنْكُتُ بِهَا فِي صَدْرِي وَيَقُولُ يَا وَابِصَةُ اسْتَفْتِ نَفْسَكَ الْبِرُّ مَا أَطْمَأَنَّ إِلَيْهِ الْقَلْبُ وَأَطْمَأَنَّتَ إِلَيْهِ النَّفْسُ وَالْإِثْمُ مَا حَاكَ فِي الْقَلْبِ وَتَرَدَّدَ فِي الصَّدْرِ وَإِنْ أَفْتَاكَ النَّاسُ. قَالَ سُفْيَانُ وَأَفْتَوْكَ.

ওয়াবেসা রা.-এর বর্ণনা সনদের ৭ম ব্যক্তি আব্দুল্লাহ রহ. থেকে শুনে 'আল-মুসনাদ' গ্রন্থে বর্ণনা করা হয়েছে- ওয়াবেসা রা. বলেন, আমি রসূল স.-এর কাছে আসলাম। ভালো মন্দ সবকিছু নিয়ে সকল প্রশ্নই আমি রসূল স.-কে করতাম। তখন রসূল স.-এর আশেপাশে তাঁকে প্রশ্নরত অবস্থায় অনেক লোকজন থাকতো। তখন রসূল স. দুইবার অথবা তিনবার বললেন- “এই! তোমরা ওয়াবেসাকে জায়গা দাও, কাছে আসো হে ওয়াবেসা!” এরপর রসূল স. বললেন- হে ওয়াবেসা! তুমি প্রশ্ন করবে নাকি আমি তোমাকে বলে দেবো? আমি বললাম- বরং আপনিই বলে দিন। তখন রসূল স. বললেন- হে ওয়াবেসা! তুমি কি নেকি (সঠিক) ও পাপ (ভুল) সম্পর্কে জিজ্ঞাসা করতে এসেছো? সে বললো- হ্যাঁ। অতঃপর তিনি আঙুলগুলো একত্র করে আমার মাথার সম্মুখভাগে (সদর/কপাল) মারলেন এবং বললেন- তোমার ক্বলব (মন) ও নফসের (মন) কাছে উত্তর জিজ্ঞাসা করো। কথাটি তিনি তিনবার বললেন। তারপর বললেন- যে বিষয়ে তোমার নফস (মন তথা মনে থাকা আকল/Common sense/বিবেক) স্বস্তি ও

প্রশান্তি লাভ করে, তাই নেকি (সঠিক)। আর পাপ (ভুল) হলো তা, যা তোমার নফসে (মন তথা মনে থাকা আকল/Common sense/ বিবেক) সন্দেহ-সংশয়, খুঁতখুঁত এবং সদরে (সম্মুখ ব্রেইনের মনে থাকা আকল/Common sense/বিবেক) অস্বস্তি সৃষ্টি করে। যদিও সে ব্যাপারে মানুষ তোমাকে (ভিন্ন) ফাতওয়া দেয় এবং ফাতওয়া দিতেই থাকে।

- ◆ আহমাদ, আল-মুসনাদ, হাদীস নং ১৭৯২৯
- ◆ হাদীসটির সনদ শায়খ নাসিরুদ্দীন আল আলবানী রহ.-এর মতে হাসান
- ◆ হাদীসটির মতন সহীহ।

ব্যাখ্যা : হাদীসটির ব্যাখ্যা ৬ নং হাদীসটির অনুরূপ।

হাদীস-৮

أَخْرَجَ الْحَاكِمُ رَحِمَهُ اللَّهُ عَنْ أَبِي هُرَيْرَةَ: أَنَّ رَسُولَ اللَّهِ ﷺ قَالَ:
كَرَّمُ الْمُؤْمِنِ دِينُهُ، وَهُرْوَةٌ عَقْلُهُ، وَحَسْبُهُ خُلُقُهُ.

ইমাম হাকিম রহ. আবু হুরায়রা রা.-এর বর্ণনা সনদের ১০ম ব্যক্তি আলী ইবন হামশাদ আল-'আদল রহ. থেকে শুনে তাঁর 'আল-মুস্তাদরাক' গ্রন্থে লিখেছেন- আবু হুরায়রা রা. বলেন, রসূলুল্লাহ স. বলেছেন- মুমিনের সম্মান হলো তার দীন। যুক্তির মাধ্যমে দ্বীনকে বোঝানোর শক্তি হলো তার আকল/Common sense/বিবেক। আর মাপকাঠি হলো তার চরিত্র।

- ◆ আল-হাকিম, আল-মুস্তাদরাক, হাদীস নং-৪২৫।
- ◆ হাদীসটির সনদ ও মতন সহীহ।

ব্যাখ্যা : হাদীসটি অনুযায়ীও আকল/Common sense/বিবেক হলো ইসলামকে বোঝার জন্য জ্ঞানের একটি শক্তি/উৎস।

মনীষীগণের বক্তব্য

মনীষীর বক্তব্য-১

وَأَمَّا الْعَقْلُ وَهُوَ قُوَّةٌ لِلنَّفْسِ بِهَا تَسْتَعِدُّ لِلْعُلُومِ وَالْإِدْرَاكَاتِ، وَهُوَ الْمُعْتَى بِقَوْلِهِمْ: عَرَبِيَّةٌ يَتَّبِعُهَا الْعِلْمُ بِالضَّرُورِيَّاتِ عِنْدَ سَلَامَةِ الْأَلَاتِ.

আকল, মানুষের এরূপ একটি শক্তি যা দিয়ে মানুষ জ্ঞান ও অনুভবের যোগ্যতা রাখে। শাস্ত্রবিদদের এ বিষয়ে ব্যবহার করা عَرَبِيَّةٌ غَرِيْبَةٌ শব্দটির এটাই অর্থ (স্বজ্ঞা/বিবেক/অন্তর্দৃষ্টি/Instinct/Drive/Common sense)। (এটি)

এরূপ এক স্বভাবজাত শক্তি, জ্ঞানার্জনের উপকরণগুলো সুস্থ থাকলে যা দিয়ে প্রয়োজনীয় বিষয়াবলি সম্পর্কে জ্ঞান লাভ হয়।

(আল্লামা সা'আদুদ্দীন তাফতাজানী, শারহু আকাইদ আন-নাসাফী, মিশর : মাকতাবাতুল কুল্লিয়াতিল আবহার, ১৯৮৭ খ্রি., পৃ. ২০)

মনীষীর বক্তব্য-২

জ্ঞানার্জনের মূলনীতি তিনটি। ওহী, অনুভূতি ও আকল।

(ইমাম গাযালী রহ., আল-ইসলাম ওয়াত ত্বায়াকাত আল-মুআত্তালাত, মিশর : দারু নাহদাহ, খ. ১. পৃ. ৭৫)

মনীষীর বক্তব্য-৩

ইলম অর্জনের উৎস তিনটি। আল-কুরআনুল কারীম, রসূলুল্লাহ স.-এর সুন্নাহ ও বিশুদ্ধ আকল ও অনুভূতি-চেতনা।

(আলী ইবন নায়িফ আশ-শুহ্দ, মাওসুআতুল বুহুস ওয়াল মাকালাত আল-ইলমিয়াহ, ভুক্তি- মাসাদিরুল ইলম ফীল ইসলাম, পৃ. ১)

মনীষীর বক্তব্য-৪

ইমাম ইবন তাইমিয়াহ রহ. বলেন- জ্ঞানার্জনের উৎস তিনটি। কুরআন, সুন্নাহ, বিবেক।

(মাজাল্লাতুল বায়ান, খ. ৬৫, পৃ. ৩০)

মনীষীর বক্তব্য-৫

আল্লাহ একজন দিশারিতো মানুষের মনের ভেতরেই নির্দিষ্ট করে দিয়েছেন। সে খোদায়ি ইলহামের আলোকে ভালো ও মন্দ চিন্তাধারা এবং ভ্রান্ত ও সঠিক কর্মধারার মধ্যে পার্থক্য নির্ণয় করে মানুষকে চিন্তা ও কর্মের সরল পথ দেখিয়ে থাকে। যেমন বলা হয়েছে-

وَنَفْسٍ وَمَا سَوَّاهَا ۚ فَأَلْهَمَهَا فُجُورَهَا وَتَقْوَاهَا ۗ قَدْ أَفْلَحَ مَنْ زَكَّاهَا ۚ وَقَدْ خَابَ مَنْ دَسَّاهَا ۚ

মানব প্রকৃতি এবং সেই সত্তার শপথ যিনি তাকে সুবিন্যস্ত করেছেন। পরে তার পাপ ও তার পরহেজগারী তার প্রতি ইলহাম করেছেন। নিঃসন্দেহে কল্যাণ পেল সে- যে নিজের নফসের পবিত্রতা বিধান করল এবং ব্যর্থ হলো সে- যে তাকে দমন করল।

(সূরা আশ-শামস/৯১ : ৭-১০)


কিন্তু এ দিশারির নির্দেশ যেহেতু সুস্পষ্ট নয়, বরং মানুষকে মন্দ কাজের দিকে আকৃষ্ট করার জন্য তার সাথে আরও বহু মানসিক ও বাহ্যিক শক্তিনিচয়

জড়িত হয়ে আছে, সেহেতু দুনিয়ার অসংখ্য বাঁকা পথের মধ্য থেকে সত্যের সোজা পথ বের করা এবং সে পথে নির্ভয়ে চলার ব্যাপারে ঐ স্বাভাবিক দিশারির একক নির্দেশ মানুষের জন্য যথেষ্ট হতে পারে না। এ কারণেই আল্লাহ তায়ালা বাইরে থেকে এ অভাব পূরণ করে দিয়েছেন, যাতে তাঁরা খোদায় জ্ঞান ও প্রজ্ঞার আলোকে এ অন্তর্নিহিত দিশারিকে সাহায্য করতে এবং অস্পষ্ট স্বাভাবিক ইলহামের প্রভা, অজ্ঞানতা ও বিভ্রান্তিকর চাপে নিস্তেজ হয়ে পড়লে তাকে উজ্জ্বল নিদর্শনাবলির সাহায্যে সুস্পষ্ট করে তুলতে পারে। (মাওলানা মওদুদী রহ., ইসলামী সংস্কৃতির মর্মকথা, প্রথম প্রকাশ, পৃষ্ঠা নং ১৩৬-১৩৭)

সম্মিলিত শিক্ষা : উল্লিখিত কুরআন, হাদীস, যুক্তি ও মনীষীদের বক্তব্যের ভিত্তিতে নিশ্চিতভাবে জানা যায়—

১. আকল/Common sense/বিবেক জন্মগতভাবে আল্লাহ প্রদত্ত জ্ঞানের একটি গুরুত্বপূর্ণ উৎস।
২. উত্তরাধিকারসূত্রে (Heriditerily) কারো আকল/Common sense/বিবেক অধিক এবং কারো কম শক্তিশালী।

সাধারণ আরবী গ্রামারের তুলনায় কুরআনিক আরবী গ্রামার অনেক সহজ



কুরআনের ভাষায়
কুরআন বুঝতে সংগ্রহ করুন

কুরআন রিসার্চ ফাউন্ডেশন
প্রকাশিত

কুরআনিক আরবী গ্রামার

আকল/Common sense/বিবেক প্রমাণিত না অপ্রমাণিত (সাধারণ) জ্ঞান

যুক্তি

বাস্তবে দেখা যায়- কিছু মানুষের আকল/Common sense/বিবেকের রায় অধিকাংশ ক্ষেত্রে সঠিক হয়। আবার কারো কারো আকল/Common sense/বিবেকের রায় অনেক ক্ষেত্রে ভুল হয়। বাস্তবে এটাও দেখা যায় যে-মানুষের আকল/Common sense/বিবেকের এই পরিবর্তন হয় শিক্ষা, পরিবেশ ইত্যাদির প্রভাবে। তাই যুক্তির আলোকে আকল/Common sense/বিবেক প্রমাণিত জ্ঞান নয়। এটি অপ্রমাণিত (সাধারণ) জ্ঞান।

আল কুরআন

قَدْ أَفْلَحَ مَنْ زَكَّاهَا. وَقَدْ خَابَ مَنْ دَسَّاهَا.

অবশ্যই সে সফল হবে যে তাকে (আকল/Common sense/বিবেক) উৎকর্ষিত করবে। আর অবশ্যই সে ব্যর্থ হবে যে তাকে (আকল/Common sense/বিবেক) অবদমিত করবে।

(সূরা আশ্-শামস/৯১ : ৯, ১০)

ব্যাখ্যা : আয়াত দুটি থেকে জানা যায়- আকল/Common sense/বিবেক উৎকর্ষিত ও অবদমিত উভয়টি হতে পারে। তাই আকল/Common sense/বিবেক হলো জনগতভাবে আল্লাহ প্রদত্ত সাধারণ (অপ্রমাণিত) জ্ঞান। তবে, একই উৎস থেকে আসার কারণে ভুল হওয়ার তুলনায় সঠিক হওয়ার সম্ভাবনা অনেক বেশি।

আল হাদীস

হাদীস-১

أَخْرَجَ الْإِمَامُ مُسْلِمٌ ... عَنْ أَبِي هُرَيْرَةَ أَنَّه كَانَ يَقُولُ قَالَ رَسُولُ اللَّهِ ﷺ مَا مِنْ مَوْلُودٍ إِلَّا يُولَدُ عَلَى الْفِطْرَةِ فَأَبَوَاهُ يُهَوِّدَانِهِ وَيُنَصِّرَانِهِ وَيُمَجِّسَانِهِ كَمَا تُنْتَجِجُ الْبَيْهَمَةُ بِبَيْهَمَةٍ جَمْعَاءَ هَلْ تُحْسِنُونَ فِيهَا مِنْ جَدْعَاءَ.

ইমাম মুসলিম রহ. আবু হুরায়রা রা.-এর বর্ণনা সনদের ৬ষ্ঠ ব্যক্তি হাজিব ইবনুল ওয়ালিদ রহ. থেকে শুনে তাঁর 'আস-সহীহ' গ্রন্থে লিখেছেন- আবু হুরায়রা রা. বলেন, নিশ্চয় রসুলুল্লাহ স. বলেছেন- এমন কোনো শিশু নেই যে ফিতরাতের ওপর জন্মগ্রহণ করে না। অতঃপর তার মা-বাবাই তাকে ইহুদী, খ্রিষ্টান বা অগ্নিপূজারী রূপে গড়ে তোলে। যেমন- চতুষ্পদ পশু নিখুঁত বাচ্চা জন্ম দেয়। তোমরা কি তাদের মধ্যে কোনো কানকাটা দেখতে পাও? (বরং মানুষেরাই তার নাক কান কেটে দিয়ে বা ছিদ্র করে তাকে বিকৃত করে থাকে)।

◆ মুসলিম, আস-সহীহ, হাদীস নং- ৬৯২৬।

◆ হাদীসটির সনদ ও মতন সহীহ।

ব্যাখ্যা : ফিতরাত অর্থ Instinct/স্বভাৱ/নিজস্ব জ্ঞান/নৈসর্গিক জ্ঞান/আকল/বিবেক তথা আল্লাহ প্রদত্ত জ্ঞান। হাদীসটি থেকে তাই জানা যায়- সকল মানবশিশু সঠিক আকল/Common sense/বিবেক নিয়ে জন্মগ্রহণ করে। তারপর তার মা-বাবা তথা পরিবেশ ও শিক্ষা তাকে ইহুদী বা খ্রিষ্টান বা অগ্নিপূজারী বানিয়ে দেয়। তাই হাদীসটির একটি শিক্ষা হলো- আকল/Common sense/বিবেক পরিবেশ, শিক্ষা ইত্যাদি দিয়ে পরিবর্তিত হয়ে যায়। আর তাই আকল/Common sense/বিবেক অপ্রমাণিত বা সাধারণ জ্ঞান। প্রমাণিত জ্ঞান নয়।

হাদীস-২

أَخْرَجَ الْإِمَامُ مُسْلِمٌ ... عَنْ أَبِي هُرَيْرَةَ، بِحَدِيثٍ يَرْفَعُهُ، قَالَ: النَّاسُ مَعَادِنٌ كَمَعَادِنِ الْفِضَّةِ وَالذَّهَبِ، خِيَارُهُمْ فِي الْجَاهِلِيَّةِ خِيَارُهُمْ فِي الْإِسْلَامِ إِذَا فُقُّهُوا، وَالْأَرْوَاحُ جُنُودٌ مُجْتَدِدَةٌ، فَمَا تَعَارَفَتْ مِنْهَا ائْتَلَفَ، وَمَا تَنَاكَرَتْ مِنْهَا ائْتَلَفَ.

ইমাম মুসলিম রহ. আবু হুরায়রা রা.-এর বর্ণনা সনদের ৫ম ব্যক্তি যুহাইর বিন হারব থেকে শুনে তাঁর 'আস-সহীহ' গ্রন্থে লিখেছেন- আবু হুরায়রা রা. থেকে মারফু সূত্রে বর্ণিত, তিনি বলেন- মানুষ হলো খনিজ সম্পদ। যেমন- খনিজ সম্পদ রৌপ্য ও স্বর্ণ। জাহিলি যুগে তাদের মধ্যে যারা উত্তম ছিল, ইসলামেও তাঁরা উত্তম হবে যদি তাঁরা ইসলামের জ্ঞানার্জন করে। আর আত্মসমূহ স্বভাবজাত সমাজবদ্ধ। সেখানে যেসব রুহ পরস্পর পরিচিতি লাভ করেছিল, দুনিয়াতে সেগুলো সম্প্রীতির বন্ধনে আবদ্ধ হয়ে থাকে। আর সেখানে যেগুলো অপরিচিত ছিল, এখানেও তারা অপরিচিত।

- ◆ মুসলিম, আস-সহীহ, হাদীস নং-৬৮৭৭।
- ◆ হাদীসটির সনদ ও মতন সহীহ।

ব্যাখ্যা : ৬১ নং পৃষ্ঠায় উল্লিখিত হাদীসটির ব্যাখ্যার আলোকে বলা যায়- সম্মুখ ব্রেইনে (Fore brain) থাকা জ্ঞানের উৎস আকল/Common sense/বিবেকের শক্তির ভিত্তিতে জন্মগতভাবে কোনো মানুষ বেশি এবং কোনো মানুষ কম মর্যাদাবান হয়। আবার সত্য জ্ঞান যোগ হলে উৎসটি উৎকর্ষিত ও মিথ্যা জ্ঞান যোগ হলে উৎসটি অবদমিত হয়। তাই এ হাদীসটিরও একটি শিক্ষা হলো- আকল/Common sense/বিবেক অপ্রমাণিত জ্ঞান।


হাদীস-৩

أَخْرَجَ الْإِمَامُ الْبُخَارِيُّ..... عَنْ أَبِي هُرَيْرَةَ رَضِيَ اللَّهُ عَنْهُ سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ: قَالُوا لَيْسَ عَنْ هَذَا نَسَأَلُكَ. قَالَ: فَأَكْرَمُ النَّاسِ يُوسُفُ بْنُ عَبْدِ اللَّهِ بْنِ أَبِي النَّبِيِّ اللَّهُ ابْنُ أَبِي النَّبِيِّ اللَّهُ ابْنُ خَلِيلِ اللَّهِ. قَالُوا لَيْسَ عَنْ هَذَا نَسَأَلُكَ. قَالَ: فَعَنْ مَعَادِنِ الْعَرَبِ تَسَأَلُونِي، النَّاسُ مَعَادِنُ خِيَارِهِمْ فِي الْجَاهِلِيَّةِ خِيَارِهِمْ فِي الْإِسْلَامِ إِذَا فَفَقَهُوا.

ইমাম বুখারী রহ. আবু হুরায়রা রা.-এর বর্ণনা সনদের ৫ম ব্যক্তি উবাইদুল্লাহ ইবন ইসমাঈল রহ. থেকে শুনে তার 'আস-সহীহ' গ্রন্থে লিখেছেন- আবু হুরায়রা রা. থেকে বর্ণিত। রসূলুল্লাহ স.-কে জিজ্ঞাসা করা হলো- মানুষের মাঝে সবচেয়ে সম্মানিত ব্যক্তি কে? তিনি বললেন- তাদের মধ্যে যে অধিক আল্লাহ সচেতন (মুত্তাকী)। তখন তারা বলল, আমরা তো আপনাকে এ ব্যাপারে জিজ্ঞেস করিনি। তিনি বললেন- তা হলে আল্লাহর নবী ইউসুফ, যিনি আল্লাহর নবীর পুত্র, আল্লাহর নবীর পৌত্র এবং আল্লাহর খলীল-এর প্রপৌত্র। তারা বলল, আমরা আপনাকে এ ব্যাপারেও জিজ্ঞেস করিনি। তিনি বললেন, তাহলে কি তোমরা আরবের মূল্যবান গোত্রসমূহের ব্যাপারে জিজ্ঞেস করেছ? জাহিলিয়ুগে তাদের মধ্যে যারা সর্বোত্তম ব্যক্তি ছিলেন, ইসলামেও তাঁরা সর্বোত্তম ব্যক্তি হবে যদি তাঁরা ইসলাম সম্পর্কিত জ্ঞানার্জন করে।

- ◆ বুখারী, আস-সহীহ, হাদীস নং-৩১৯৪।
- ◆ হাদীসটির সনদ ও মতন সহীহ।

ব্যাখ্যা : ৬২ নং পৃষ্ঠায় উল্লিখিত হাদীসটির ব্যাখ্যার আলোকে বলা যায়-
জ্ঞানের উৎস আকল/Common sense/বিবেকের শক্তির ভিত্তিতে কোনো
মানুষ বেশি এবং কোনো মানুষ কম মর্যাদাবান হয়। আবার সত্য জ্ঞান যোগ
হলে উৎসটি উৎকর্ষিত ও মিথ্যা জ্ঞান যোগ হলে উৎসটি অবদমিত হয়। তাই
এ হাদীসটিরও একটি শিক্ষা হলো- আকল/Common sense/বিবেক
অপ্রমাণিত জ্ঞান; প্রমাণিত জ্ঞান নয়।



**আল কুরআনে বহুল ব্যবহৃত
২০০ শব্দের
সংক্ষিপ্ত অভিধান**

যা কুরআনের মোট শব্দ সংখ্যার
প্রায় দুই-তৃতীয়াংশ

**কুরআন পড়তে কুরআন বুঝতে
সাথে রাখুন সবসময়...**

মুসলিমদের হারিয়ে যাওয়া মৌলিক শতবার্তা



**মুসলিম জাতির হারিয়ে যাওয়া
জীবন ঘনিষ্ঠ মৌলিক একশত বার্তা
ও কুরআন রিসার্চ ফাউন্ডেশন-এর
গবেষণা সিরিজগুলোর
মূল শিক্ষাসমূহ সংক্ষেপে ও সহজে
উপস্থাপিত হয়েছে এ বইয়ে।**

যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১

আল্লাহ প্রদত্ত জ্ঞানের উৎস তিনটির গুরুত্ব

আমরা এখন যুক্তি, কুরআন ও হাদীসের তথ্যের ভিত্তিতে আল্লাহ প্রদত্ত জ্ঞানের উৎস তিনটির গুরুত্ব জানার চেষ্টা করবো।

ক. জ্ঞানের উৎস হিসেবে আল কুরআনের গুরুত্ব

যুক্তি

পৃথিবীতে বিভিন্ন বিষয়ে জ্ঞানার্জনের জন্য মূলগ্রন্থ (Text book) ও ব্যাখ্যাগ্রন্থ আছে। তবে মূলগ্রন্থ সবসময় ব্যাখ্যাগ্রন্থ থেকে বেশি গুরুত্ব পায়। আর যৌক্তিক বলেই মানুষ মূলগ্রন্থকে অধিক গুরুত্ব দেয়। ইসলামী জ্ঞানের মূলগ্রন্থ হলো আল কুরআন। আর হাদীস বা সুন্নাহ হলো আল কুরআনের ব্যাখ্যা। তাই যুক্তি অনুযায়ী হাদীস থেকে অধিক গুরুত্ব পাবে কুরআন।

আল কুরআন

তথ্য-১

... .. وَمَنْ يَكْفُرْ بِاللَّهِ وَمَلِيكَتِهِ وَكُتُبِهِ وَرُسُلِهِ وَالْيَوْمِ الْآخِرِ فَقَدْ ضَلَّ ضَلَالًا بَعِيدًا .

... .. আর যে ব্যক্তি আল্লাহ, তাঁর ফেরেশতা, তাঁর কিতাব (কুরআন), তাঁর রসূলগণ (সুন্নাহ) ও পরকালকে অবিশ্বাস করবে; সে পথভ্রষ্ট হয়ে বহু দূরে চলে যাবে।

(সুরা আন নিসা/৪ : ১৩৬)

ব্যাখ্যা : আয়াতটির একটি শিক্ষা হলো— যে কুরআনকে জ্ঞানের উৎস হিসেবে বিশ্বাস ও ব্যবহার করে না, সে পথভ্রষ্ট হয়ে বহু দূরে চলে যাবে।

তথ্য-২

... .. وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُّبِينًا .

... .. আর কেউ আল্লাহ (কুরআন) এবং তাঁর রসূলকে (সুন্নাহ) অমান্য করলে সে স্পষ্টভাবে পথভ্রষ্ট হবে। (সুরা আল আহযাব/৩৩ : ৩৬)

ব্যাখ্যা : আয়াতটির একটি শিক্ষা হলো- যে কুরআনকে জ্ঞানের উৎস হিসেবে বিশ্বাস ও ব্যবহার করে না সে স্পষ্টভাবে পথভ্রষ্ট হবে।

তথ্য-৩

شَهْرُ رَمَضَانَ الَّذِي أُنزِلَ فِيهِ الْقُرْآنُ هُدًى لِّلنَّاسِ وَبَيِّنَاتٍ مِّنَ الْهُدَىٰ
وَالْفُرْقَانِ.....

রমযান মাস। যে মাসে কুরআন নাযিল হয়েছে। (কুরআন) সকল মানুষের জীবন পরিচালনার পথনির্দেশিকা (Manual) এবং পথনির্দেশিকার মধ্যে এটি স্পষ্টভাবে প্রমাণিত শিক্ষাধারণকারী ও সত্য-মিথ্যার পার্থক্যকারী।

(সূরা আল বাকারা/২ : ১৮৫)

ব্যাখ্যা : আয়াতটি থেকে জানা যায়- কুরআন সত্য ও মিথ্যার মধ্যে পার্থক্যকারী। অর্থাৎ আল্লাহ প্রদত্ত অন্য দুটি উৎসের জ্ঞানসহ যেকোনো জ্ঞানের সত্য-মিথ্যা যাচাই করার মানদণ্ড হলো কুরআন।

তথ্য-৪

هُوَ الَّذِي بَعَثَ فِي الْأُمِّيِّينَ رَسُولًا مِّنْهُمْ يَتْلُوا عَلَيْهِمْ آيَاتِهِ وَيُزَكِّيهِمْ وَيُعَلِّمُهُمُ
الْكِتَابَ وَالْحِكْمَةَ وَإِنْ كَانُوا مِن قَبْلُ لَفِي ضَلَالٍ مُّبِينٍ.

তিনিই নিরক্ষরদের মধ্য থেকে একজন রসূল পাঠিয়েছেন, যে তাদেরকে তাঁর আয়াত পাঠ করে শোনায়, তাদেরকে পরিশুদ্ধ করে ও তাদেরকে কিতাব এবং প্রজ্ঞা শেখায়; যদিও তারা এর আগে স্পষ্ট পথভ্রষ্টতার মধ্যে ছিল।

(সূরা আল জুমু'আহ/৬২ : ২)

لَقَدْ مَنَّ اللَّهُ عَلَى الْمُؤْمِنِينَ إِذْ بَعَثَ فِيهِمْ رَسُولًا مِّنْ أَنفُسِهِمْ يَتْلُوا عَلَيْهِمْ آيَاتِهِ
وَيُزَكِّيهِمْ وَيُعَلِّمُهُمُ الْكِتَابَ وَالْحِكْمَةَ وَإِنْ كَانُوا مِن قَبْلُ لَفِي ضَلَالٍ مُّبِينٍ.

অবশ্যই আল্লাহ মু'মিনদের প্রতি অনুগ্রহ করেছেন যখন তিনি তাদের নিজেদের মধ্য থেকে তাদের কাছে একজন রসূল প্রেরণ করেছেন, যে তাঁর আয়াতসমূহ তাদের কাছে পাঠ করে, তাদের পরিশুদ্ধ করে, তাদেরকে কিতাব ও প্রজ্ঞা শেখায়, যদিও তারা এর আগে স্পষ্ট পথভ্রষ্ট ছিল।

(সূরা আলে-ইমরান/৩ : ১৬৪)

رَبَّنَا وَابْعَثْ فِيهِمْ رَسُولًا مِّنْهُمْ يَتْلُوا عَلَيْهِمْ آيَاتِكَ وَيُعَلِّمُهُمُ الْكِتَابَ وَالْحِكْمَةَ وَ
يُزَكِّيهِمْ إِنَّكَ أَنْتَ الْعَزِيزُ الْحَكِيمُ .

(ইব্রাহীম বলেন) হে আমাদের প্রতিপালক! তাদের মধ্য থেকে তাদের কাছে একজন রসূল পাঠান, যিনি তাদেরকে আপনার আয়াত পাঠ করে শুনাবেন, কিতাব এবং প্রজ্ঞা শিক্ষা দেবেন এবং তাদের পরিশুদ্ধ করবেন; নিশ্চয় আপনি মহাপ্রতাপশালী ও মহাপ্রজ্ঞাবান।

(সূরা আল বাকারা/২ : ১২৯)

كَمَا أَرْسَلْنَا فِيكُمْ رَسُولًا مِّنكُمْ يَتْلُوا عَلَيْكُمْ آيَاتِنَا وَيُزَكِّيكُمْ وَيُعَلِّمُكُمُ الْكِتَابَ وَالْحِكْمَةَ وَيُعَلِّمُكُم مَّا لَمْ تَكُونُوا تَعْلَمُونَ.

যেমন (ঐ কল্যাণের বিশেষ একটি হলো) আমরা তোমাদের মাঝে তোমাদের মধ্য থেকে একজন রসূল পাঠিয়েছি, যে তোমাদের কাছে আমার আয়াত পাঠ করে শুনায়, তোমাদেরকে পরিশুদ্ধ করে, তোমাদেরকে কিতাব ও প্রজ্ঞা শিক্ষা দেয় এবং তোমাদেরকে (এমন বিষয়) শিক্ষা দেয় যা তোমরা আগে জানতে না।

(সূরা আল বাকারা/২ : ১৫১)

সম্মিলিত ব্যাখ্যা : আয়াত চারটিতে রসূলগণকে যে উদ্দেশ্যে দুনিয়ায় পাঠানো হয়েছিল সে উদ্দেশ্য সাধনের উপযোগী জনশক্তি তৈরি করার কর্মপদ্ধতিগুলো আল্লাহ তা'য়ালা গুরুত্বের ক্রমানুসারে জানিয়ে দিয়েছেন। আর রসূলগণ সে কর্মপদ্ধতি অনুযায়ীই কাজ করেছেন। কর্মপদ্ধতিগুলো হলো—

১. কুরআনের আয়াত পাঠ করে শুনানো

রসূলগণ সাহাবীদেরকে আল্লাহর কিতাবের আয়াত পাঠ করে শুনাতেন। এ থেকে সাহাবীগণ আল্লাহর কিতাবের অধিকাংশ বক্তব্য সাধারণভাবে জেনে ও বুঝে যেতেন। কারণ, সকল কিতাব রসূলগণের মাতৃভাষায় অবতীর্ণ করা হয়েছে।

২. পরিশুদ্ধ করা

রসূলগণ কিতাবের বক্তব্যের ওপর ভিত্তি করে ঈমানদারদের জীবন চলে সাজাতেন।

৩. কিতাব শিক্ষা দেওয়া

তেলাওয়াত শোনার পর আল্লাহর কিতাবের যে বক্তব্যগুলো ব্যাখ্যা করার প্রয়োজন হতো সেগুলো রসূলগণ কথা ও কাজের মাধ্যমে ব্যাখ্যা করে বুঝিয়ে দিতেন।

৪. প্রজ্ঞা (হিকমাহ/বিচক্ষণতা) শিক্ষা দেওয়া

এ বিষয়টির প্রকৃত ব্যাখ্যা হলো— রসূলগণ কুরআন, সুন্নাহ, বিজ্ঞান, সাধারণ ও বৈজ্ঞানিক সত্য উদাহরণ, সাধারণ ও ঐতিহাসিক সত্য

ঘটনা এবং সাধারণ ও ঐতিহাসিক সত্য কাহিনির শিক্ষার ভিত্তিতে আকল/Common sense/বিবেক উৎকর্ষিত করার মাধ্যমে অনুধাবন, ব্যাখ্যা-বিশ্লেষণ, বিচার-ফায়সালা ও সিদ্ধান্ত গ্রহণ ক্ষমতা উন্নত করার পদ্ধতি শেখাতেন।

পর্যালোচনা করলে দেখা যায়, আল কুরআনের যে চারটি স্থানে রসূলগণের মাধ্যমে মানুষ গঠনের এ ৪টি পদ্ধতি উল্লেখ করা হয়েছে সেখানে ২, ৩ ও ৪ নং ধারার বিষয়গুলোর ক্রম পরিবর্তন হয়েছে। কিন্তু ১ নং ধারার বিষয়টি (আল্লাহর কিতাবের সাধারণ জ্ঞান শিক্ষা দেওয়া) সব স্থানে ১ নং অবস্থানে রয়েছে। মহান আল্লাহর এ উপস্থাপন পদ্ধতির ভিত্তিতে সহজে বলা যায়— একজন মুমিনের সর্বপ্রথম, এক নম্বর, সবচেয়ে বড়ো কল্যাণ, সাওয়াব বা মর্যাদার কাজ হলো আল্লাহর কিতাব কুরআনের সাধারণ জ্ঞানার্জন করা।

সম্মিলিত শিক্ষা : আয়াতসমূহের ভিত্তিতে তাই সহজে বলা যায়— আল্লাহ প্রদত্ত জ্ঞানের উৎসের মধ্যে কুরআন সর্বাধিক গুরুত্বপূর্ণ।

আল হাদীস

হাদীস-১

أَخْرَجَ الْإِمَامُ الْبُخَارِيُّ ... عَنْ عُمَانَ بْنِ أَبِي عُمَرَ، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ :
خَيْرُكُمْ مَنْ تَعَلَّمَ الْقُرْآنَ وَعَلَّمَهُ.

ইমাম বুখারী রহ. ওসমান ইবনে আফ্ফান রা.-এর বর্ণনা সনদের ৬ষ্ঠ ব্যক্তি হাজ্জাজ বিন মিনহাল রহ. থেকে শুনে তাঁর 'আস-সহীহ' গ্রন্থে লিখেছেন— ওসমান ইবনে আফ্ফান রা. থেকে বর্ণিত, রসূলুল্লাহ স. বলেছেন— তোমাদের মধ্যে সেই ব্যক্তি সবচেয়ে উত্তম যে নিজে কুরআন শেখে এবং অন্যকে তা শেখায়।

◆ বুখারী, আস-সহীহ, হাদীস নং ৫০২৭।

◆ হাদীসটির সনদ ও মতন সহীহ।

ব্যাখ্যা : হাদীসটিতে বলা হয়েছে— যে কুরআনের জ্ঞানার্জন করে এবং অপরকে কুরআনের জ্ঞান শেখায় সে সর্বোত্তম ব্যক্তি। তাই হাদীসটির ভিত্তিতে সহজে বলা যায়— কুরআনের জ্ঞানের গুরুত্ব অন্য সকল জ্ঞানের চেয়ে অনেক বেশি।

হাদীস-২

أَخْرَجَ الْإِمَامُ مُسْلِمٌ عَنْ أَبِي هُرَيْرَةَ . عَنْ رَسُولِ اللَّهِ ﷺ أَنَّهُ قَالَ : وَالَّذِي نَفْسُ مُحَمَّدٍ بِيَدِهِ ، لَا يَسْمَعُ بِي أَحَدٌ مِنْ هَذِهِ الْأُمَّةِ يَهُودِيٍّ ، وَلَا نَصْرَانِيٍّ ، ثُمَّ يَمُوتُ وَلَمْ يُؤْمَرْ بِالَّذِي أُرْسِلْتُ بِهِ ، إِلَّا كَانَ مِنْ أَصْحَابِ النَّارِ .

ইমাম মুসলিম রহ. আবু হুরায়রা রা.-এর বর্ণনা সনদের ৫ম ব্যক্তি ইউনুস বিন আবদুল আ'লা থেকে শুনে তাঁর 'আস-সহীহ' গ্রন্থে লিখেছেন- আবু হুরায়রা রা. বলেন, রসূলুল্লাহ স. বলেছেন- যার হাতে মুহাম্মাদের জীবন তাঁর কসম! এ উম্মতের (মানুষের) কেউই- চাই সে ইহুদী বা নাসারা (বা অন্য কিছু) হোক না কেন, আমার সম্পর্কে শুনবে অথচ যা নিয়ে আমি প্রেরিত হয়েছি (কুরআন) তার প্রতি ঈমান না এনে মারা যাবে, সে নিশ্চয়ই জাহান্নামের অধিবাসী হবে।

◆ মুসলিম, আস-সহীহ, হাদীস নং-৪০৩।

◆ হাদীসটির সনদ ও মতন সহীহ।

ব্যাখ্যা : রসূল স. সম্পর্কে শোনার অর্থ হলো- রসূলুল্লাহ স.-এর আগমন, কথা, কাজ, শরীর-স্বাস্থ্য ইত্যাদি তথা রসূলুল্লাহ স.-এর হাদীস শোনা। অন্যদিকে ঈমান হলো জ্ঞান+বিশ্বাস।

তাই হাদীসটির মূল বক্তব্য হলো- যে রসূল স.-এর হাদীস শুনবে কিন্তু কুরআনের জ্ঞানার্জন এবং সে জ্ঞানকে বিশ্বাস না করে মারা যাবে তাকে অবশ্যই জাহান্নামের অধিবাসী হতে হবে। আর তাই হাদীসটির ভিত্তিতে সহজে বলা যায়- কুরআন, হাদীসসহ যেকোনো জ্ঞান থেকে অপরিসীমভাবে অধিক গুরুত্বপূর্ণ।

হাদীস-৩

أَخْرَجَ الْإِمَامُ التِّرْمِذِيُّ عَنْ أَبِي سَعِيدٍ . قَالَ : قَالَ رَسُولُ اللَّهِ ﷺ : يَقُولُ الرَّبُّ عَزَّ وَجَلَّ : مَنْ شَغَلَهُ الْقُرْآنُ عَنْ ذِكْرِي وَمَسْأَلَتِي أُعْطِيَتْهُ أَفْضَلُ مَا أُعْطِيَ السَّائِلِينَ ، وَفُضِّلَ كَلَامِ اللَّهِ عَلَى سَائِرِ الْكَلَامِ كَفَضْلِ اللَّهِ عَلَى خَلْقِهِ .

ইমাম তিরমিযী রহ. আবু সাঈদ রা.-এর বর্ণনা সনদের ৬ষ্ঠ ব্যক্তি মুহাম্মদ বিন ইসমাঈল থেকে শুনে তাঁর 'আস-সুনান' গ্রন্থে লিখেছেন- আবু সাঈদ রা. থেকে বর্ণিত, রসূলুল্লাহ স. বলেন, আল্লাহ বলেছেন- যারা কুরআন

(গবেষণা) নিয়ে ব্যস্ত থাকার কারণে (অন্যভাবে) আমার যিক্র ও আমার কাছে দোয়া করার সুযোগ পায় না, আমি তাদেরকে দোয়াকারীর চেয়ে উত্তম প্রতিদান দেবো। আল্লাহর কালাম সকল কালামের চেয়ে উত্তম। যেমন সকল সৃষ্টির চেয়ে আল্লাহ উত্তম।

◆ তিরমিযী, আস-সুনান, হাদীস নং ২৯২৬।

◆ হাদীসটির সনদ মতন সহীহ।

ব্যাখ্যা : হাদীসটির বোল্ড করা অংশের ভিত্তিতে বলা যায়- কুরআনের জ্ঞানের গুরুত্ব অন্য যেকোনো উৎসের জ্ঞানের তুলনায় অপরিসীমভাবে বেশি।

হাদীস-৪

أَخْرَجَ الْإِمَامُ التِّرْمِذِيُّ عَنْ الْحَارِثِ، قَالَ: مَرَرْتُ فِي الْمَسْجِدِ فَإِذَا النَّاسُ يَخُوضُونَ فِي الْأَحَادِيثِ فَدَخَلْتُ عَلَى عَلِيٍّ، فَقُلْتُ: يَا أَمِيرَ الْمُؤْمِنِينَ، أَلَا تَرَى أَنَّ النَّاسَ قَدْ خَاصُوا فِي الْأَحَادِيثِ، قَالَ: وَقَدْ فَعَلُواهَا؟ قُلْتُ: نَعَمْ. قَالَ: أَمَا إِنِّي قَدْ سَمِعْتُ رَسُولَ اللَّهِ ﷺ يَقُولُ: أَلَا إِنَّهَا سَتَكُونُ فِتْنَةً. فَقُلْتُ: مَا الْمَخْرَجُ مِنْهَا يَا رَسُولَ اللَّهِ؟ قَالَ: كِتَابَ اللَّهِ فِيهِ نَبَأُ مَا قَبْلَكُمْ وَحَبْرٌ مَا بَعْدَكُمْ، وَحُكْمٌ مَا بَيْنَكُمْ، وَهُوَ الْفَضْلُ لَيْسَ بِالْهَزْلِ، مَنْ تَرَكَهُ مِنْ جَبَّارٍ قَصَمَهُ اللَّهُ، وَمَنْ ابْتَغَى الْهُدَى فِي غَيْرِهِ أَصَلَّهُ اللَّهُ.....

ইমাম তিরমিযী রহ. আলী রা.-এর বর্ণনা সনদের ৭ম ব্যক্তি আবদ বিন হুমাইদ রহ. থেকে শুনে তাঁর 'আস-সুনান' গ্রন্থে লিখেছেন- বর্ণনাধারার ২য় ব্যক্তি হারিস রা. বলেন, আমি মসজিদের পাশ দিয়ে যাচ্ছিলাম, দেখতে পেলাম লোকজন হাদীস নিয়ে বিতর্কে লিপ্ত, তখন আমি আলী রা.-এর কাছে গিয়ে তাঁকে বললাম- হে আমীরুল মুমিনীন! আপনি দেখছেন না যে, লোকজন হাদীস নিয়ে বিতর্কে লিপ্ত? তিনি বললেন- তারা কি তা করেছে? আমি বললাম- হ্যাঁ! তারা তা করেছে। তখন তিনি (আলী রা.) বললেন, আমি রসুলুল্লাহ স.-কে বলতে শুনেছি যে, সাবধান থাকো! অচিরেই মিথ্যা হাদীস ছড়িয়ে পড়বে। আমি বললাম, হে আল্লাহর রসূল! তা থেকে বাঁচার উপায় কী? তিনি বললেন- আল্লাহর কিতাব, যাতে তোমাদের পূর্ব পুরুষদের ঘটনা এবং ভবিষ্যৎ কালের খবরও বিদ্যমান। আর তাতে তোমাদের জন্য উপদেশাবলি ও আদেশ-নিষেধ রয়েছে, তা (কুরআন) সত্য

এবং অসত্যের মধ্যে ফয়সালা দানকারী এবং তা উপহাসের বস্তু নয়। যে কেউ তাকে অহংকারপূর্বক পরিত্যাগ করে, আল্লাহ তাকে ধ্বংস করেন। আর যে ব্যক্তি তার (কুরআনের) হিদায়াত ছাড়া অন্য হিদায়াতের সন্ধান করে আল্লাহ তাকে পথভ্রষ্ট করেন ।

- ◆ তিরমিযী, আস-সুনান, হাদীস নং-২৯০৬।
- ◆ হাদীসটির সনদ ও মতন সহীহ।

ব্যাখ্যা : হাদীসটির ‘তা (কুরআন) সত্য এবং অসত্যের মধ্যে ফয়সালা দানকারী’ অংশ থেকে জানা যায়- কুরআন, হাদীসসহ যেকোনো বিষয়ের জ্ঞানের নির্ভুলতা যাচাই করার মানদণ্ড। তাই হাদীসটি অনুযায়ী কুরআনের জ্ঞানের গুরুত্ব অন্য যেকোনো উৎসের জ্ঞানের গুরুত্বের তুলনায় অপারিসীমভাবে বেশি।

চূড়ান্ত রায় : কুরআন, হাদীস ও যুক্তির উল্লিখিত তথ্যের ভিত্তিতে নিশ্চিতভাবে বলা যায় যে- জ্ঞানের আল্লাহ প্রদত্ত উৎস তিনটির মধ্যে কুরআনের গুরুত্ব অন্য দুটি উৎসের গুরুত্ব হতে অপারিসীমভাবে বেশি।

খ. জ্ঞানের উৎস হিসেবে সুন্নাহ-এর গুরুত্ব

যুক্তি

পৃথিবীতে ব্যবহারিক (Applied) বিষয় শেখানোর জন্য মূলগ্রন্থ (Text book) এবং ব্যবহারিক (Applied/Operative) গ্রন্থ আছে। তবে চিরসত্য কথা হলো- ব্যবহারিক গ্রন্থের সহায়তা ছাড়া শুধু মূলগ্রন্থ পড়ে কোনো ব্যবহারিক বিষয় শেখা অসম্ভব।

এ বিষয়ে ২টি উদাহরণ-

১. শল্যবিদ্যা (Surgery)

শল্যবিদ্যায় মূলগ্রন্থ (Text book) এবং ব্যবহারিক গ্রন্থ (Operative surgery) আছে। মূলগ্রন্থে অপারেশনের তাত্ত্বিক দিককে অধিক গুরুত্ব দিয়ে বিস্তারিতভাবে উপস্থাপন করা থাকে। কিন্তু ব্যবহারিক দিকের আলোচনা খুব সংক্ষিপ্তভাবে থাকে। তাই ব্যবহারিক গ্রন্থ (Operative surgery) না পড়ে শুধু মূলগ্রন্থ পড়ে অপারেশন শেখা যায় না।

২. কম্পিউটারবিজ্ঞান

কম্পিউটারবিজ্ঞান গ্রন্থের তাত্ত্বিক ও ব্যবহারিক অংশ থাকে। তবে, শুধু তাত্ত্বিক অংশ পড়ে কেউ কম্পিউটার পরিচালনা শিখতে পারবে না এবং বাস্তবে কম্পিউটার পরিচালনাও করতে পারবে না।

আল কুরআন হলো ইসলামের মূলগ্রন্থ (Text book)। আর হাদীসগ্রন্থ হলো ইসলামের ব্যবহারিক গ্রন্থ। হাদীসগ্রন্থে মহান আল্লাহর নিয়োগকৃত ব্যক্তি কুরআনের বিষয়গুলো যেভাবে বাস্তবে পালন করেছেন তা লিপিবদ্ধ আকারে আছে। তাই শুধু কুরআন পড়ে তাত্ত্বিকভাবে ইসলাম শেখা গেলেও বাস্তব জীবনে যথাযথভাবে পালন করা যাবে না। আর তাই যুক্তি অনুযায়ী ইসলাম যথাযথভাবে পালন করতে হলে সুন্নাহ জানা ও মানা বিশেষ গুরুত্বপূর্ণ।

আল কুরআন

তথ্য-১

مَنْ يُطِيعِ الرَّسُولَ فَقَدْ أَطَاعَ اللَّهَ

যে রসূলের আনুগত্য করল সে আল্লাহরই আনুগত্য করল

(সূরা আন নিসা/৪ : ৮০)

ব্যাখ্যা : আয়াতটি থেকে জানা যায়- সুন্নাহ জানা ও মানার গুরুত্ব অপরিসীম।

তথ্য-২

وَمَنْ يَكْفُرْ بِاللَّهِ وَمَلَائِكَتِهِ وَكُتُبِهِ وَرُسُلِهِ وَالْيَوْمِ الْأَخِيرِ فَقَدْ ضَلَّ ضَلَالًا بَعِيدًا

... .. আর যে আল্লাহ, ফেরেশতা, কিতাব (কুরআন), রসূলগণ (সুন্নাহ)

ও পরকালকে বিশ্বাস করে না, সে পথভ্রষ্ট হয়ে বহু দূরে চলে যাবে।

(সূরা আন নিসা/৪ : ১৩৬)

ব্যাখ্যা : আয়াতটির একটি শিক্ষা হলো- যে সুন্নাহকে জ্ঞানের উৎস হিসেবে

বিশ্বাস ও ব্যবহার করে না, সে পথভ্রষ্ট হয়ে বহু দূরে চলে যাবে।

তথ্য-৩

وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُّبِينًا.

... .. আর কেউ আল্লাহ (কুরআন) এবং তাঁর রসূলকে (সুন্নাহ) অমান্য

করলে সে স্পষ্টভাবে পথভ্রষ্ট হবে।

(সূরা আহযাব/৩৩ : ৩৬)

ব্যাখ্যা : আয়াতটির একটি শিক্ষা হলো- যে সুন্নাহকে জ্ঞানের উৎস হিসেবে বিশ্বাস ও ব্যবহার করে না, সে স্পষ্টভাবে পথভ্রষ্ট হবে।

আল হাদীস

হাদীস-১

أَخْرَجَ الْإِمَامُ أَبُو عَبْدِ اللَّهِ الْحَاكِمُ عَنْ ابْنِ عَبَّاسٍ، أَنَّ رَسُولَ اللَّهِ ﷺ
خَطَبَ النَّاسَ فِي حَجَّةِ الْوَدَاعِ، فَقَالَ..... يَا أَيُّهَا النَّاسُ إِنِّي قَدْ تَرَكْتُ فِيكُمْ
مَا إِنِ اعْتَصَمْتُمْ بِهِ فَلَنْ تَضِلُّوا أَبَدًا كِتَابَ اللَّهِ وَسُنَّةَ نَبِيِّهِ ﷺ.....

ইমাম আবু 'আবদুল্লাহ আল-হাকিম আন নিশাপুরী রহ. আব্দুল্লাহ ইবনে আব্বাস রা.-এর বর্ণনা সনদের ১০ম ব্যক্তি আবু বকর আহমাদ বিন ইসহাক রহ. থেকে শুনে তাঁর 'আল-মুসতাদরাক 'আলাস-সহীহাইন' গ্রন্থে লিখেছেন- আব্দুল্লাহ ইবনে আব্বাস রা. বলেন, রসূল স. বিদায় হজ্জের ভাষণে বলেছেন হে মানুষ! নিশ্চয় আমি তোমাদের মাঝে যা রেখে গেলাম, তোমরা যতক্ষণ তা আঁকড়ে ধরে রাখবে (জ্ঞানার্জন ও অনুসরণ করবে) তোমরা কিছুতেই পথভ্রষ্ট হবে না, তা হলো আল্লাহর কিতাব (কুরআন) ও তাঁর নবী স.-এর সুন্নাহ।

◆ আল-হাকিম, আল-মুসতাদরাক 'আলাস-সহীহাইন, হাদীস নং ৩১৮।

◆ হাদীসটির সনদ ও মতন সহীহ।

ব্যাখ্যা : হাদীসটির বোল্ড করা অংশের বক্তব্য অনুযায়ী বলা যায় যে- কুরআন ও সুন্নাহ জ্ঞানের উৎস।

হাদীস-২.১

أَخْرَجَ الْإِمَامُ مُسْلِمٌ..... عَنْ جَابِرِ بْنِ عَبْدِ اللَّهِ قَالَ كَانَ رَسُولُ اللَّهِ
ﷺ إِذَا خَطَبَ أَحْمَرَّتْ عَيْنَاهُ وَعَلَا صَوْتُهُ وَاشْتَدَّ غَضَبُهُ حَتَّى كَأَنَّهُ مُنْذِرٌ
جَيْشٍ يَقُولُ صَبَّحَكُمْ وَمَسَّكُمْ. وَيَقُولُ بُعِثْتُ أَنَا وَالسَّاعَةَ كَهَاتَيْنِ.
وَيَقْرُنُ بَيْنَ إِصْبَعَيْهِ السَّبَابَةِ وَالْوَسْطَى وَيَقُولُ أَمَّا بَعْدُ فَإِنَّ خَيْرَ الْحَدِيثِ
كِتَابُ اللَّهِ وَخَيْرُهُ الْهُدَى هُدَى مُحَمَّدٍ وَشَرُّ الْأُمُورِ مُحْدَثَاتُهَا وَكُلُّ بَدْعَةٍ
ضَلَالَةٌ.

ইমাম মুসলিম রহ. জাবির ইবন আব্দুল্লাহ রা.-এর বর্ণনা সনদের ৫ম ব্যক্তি মুহাম্মাদ ইবনুল মুছান্না রহ. থেকে শুনে তাঁর 'আস-সহীহ' গ্রন্থে লিখেছেন- জাবির ইবন 'আবদুল্লাহ রা. থেকে বর্ণিত, রসুলুল্লাহ স. যখন খুতবা (ভাষণ) দিতেন তখন তাঁর চক্ষুদ্বয় রক্তিম বর্ণ ধারণ করত, কণ্ঠস্বর জোরালো হতো এবং তাঁর রাগ বেড়ে যেত, এমনকি মনে হতো, তিনি যেন শত্রুবাহিনী সম্পর্কে সতর্ক করছেন আর বলছেন- তোমরা ভোরেই আক্রান্ত হবে, তোমরা সন্ধ্যায়ই আক্রান্ত হবে। তিনি স. আরও বলতেন- আমি ও কিয়ামাত এ দুটির মতো (স্বপ্ন ব্যবধান) প্রেরিত হয়েছি, তিনি মধ্যমা ও তর্জনী আঙুল মিলিয়ে দেখাতেন। তিনি স. আরও বলতেন- অতঃপর অবশ্যই সর্বোত্তম বাণী হলো আল্লাহর কিতাব এবং সর্বোত্তম পথ হলো 'মুহাম্মাদ'-এর পথ। অতীব নিকৃষ্ট বিষয় হলো (ধর্মের মধ্যে) নতুন উদ্ভাবন (বিদ'আত)। প্রতিটি বিদ'আত ভ্রষ্ট।

- ◆ মুসলিম, আস-সহীহ, হাদীস নং-২০৪২।
- ◆ হাদীসটির সনদ ও মতন সহীহ।

হাদীস-২.২

أَخْرَجَ الْإِمَامُ النَّسَائِيُّ... .. عَنْ جَابِرِ بْنِ عَبْدِ اللَّهِ قَالَ كَانَ رَسُولُ اللَّهِ ﷺ يَقُولُ فِي حُطْبَتِهِ يَحْمَدُ اللَّهَ وَيُثْنِي عَلَيْهِ بِمَا هُوَ أَهْلُهُ ثُمَّ يَقُولُ مَنْ يَهْدِيَهُ اللَّهُ فَلَا مُضِلَّ لَهُ وَمَنْ يُضِلَّهُ فَلَا هَادِيَ لَهُ إِنَّ أصدقَ الْحَدِيثِ كِتَابُ اللَّهِ وَأَحْسَنَ الْهُدَى هُدَى مُحَمَّدٍ وَشَرَّ الْأُمُورِ مُحْدَثَاتُهَا وَكُلَّ مُحْدَثَةٍ بِدْعَةٌ وَكُلَّ بِدْعَةٍ ضَلَالَةٌ وَكُلَّ ضَلَالَةٍ فِي النَّارِ... ..

ইমাম নাসাঈ রহ. জাবির ইবন আব্দুল্লাহ রা.-এর বর্ণনা সনদের ৬ষ্ঠ ব্যক্তি উতবাহ ইবন আব্দুল্লাহ রহ. থেকে শুনে তাঁর 'আস-সুনান' গ্রন্থে লিখেছেন- জাবির ইবন আব্দুল্লাহ রা. থেকে বর্ণিত, রসুলুল্লাহ স. তাঁর খুতবায় আল্লাহ তা'য়ালার যথাযোগ্য প্রশংসা এবং গুণ বর্ণনা করতেন। অতঃপর বলতেন- আল্লাহ (অতাৎক্ষণিকভাবে) যাকে হিদায়াত দান করবেন তাকে কেউ পথভ্রষ্ট করতে পারবে না। আর যাকে তিনি (অতাৎক্ষণিকভাবে) পথভ্রষ্ট করবেন তাকে কেউ হিদায়াত প্রদান করতে পারবে না। নিশ্চয় একমাত্র সত্য বাণী হলো আল্লাহর কিতাব, আর সর্বোত্তম পথ হলো 'মুহাম্মাদ'-এর প্রদর্শিত পথ। আর সবচেয়ে নিকৃষ্ট বিষয় হলো (শরীয়াতের মধ্যে কোনো) নবউদ্ভাবিত

বিষয়, আর প্রত্যেক নবউদ্ভাবিত বিষয় হলো পথদ্রষ্টতা, আর প্রত্যেক পথদ্রষ্টতাই জাহান্নামে যাবে।

◆ আন-নাসাঈ, আস-সুনান, হাদীস নং-১৫৮৯।

◆ হাদীসটির সনদ ও মতন সহীহ।

সম্মিলিত ব্যাখ্যা : হাদীস দুটির ‘সর্বোত্তম পথ হলো মুহাম্মাদ-এর পথ’ অংশ থেকে জানা যায়— কুরআনের তথ্যের বাস্তবায়ন (Application) পদ্ধতি শেখার সর্বোত্তম উপায় হলো মুহাম্মাদ স.-এর ফে’য়লী সুন্নাহ (ফে’য়লী হাদীস)।

চূড়ান্ত রায় : উল্লিখিতগুলোসহ কুরআন, হাদীস ও যুক্তির আরও তথ্যের ভিত্তিতে নিশ্চিতভাবে জানা যায়— সুন্নার জ্ঞানের গুরুত্ব অপরিসীম।

গ. জ্ঞানের উৎস হিসেবে আকল/Common sense/বিবেকের গুরুত্ব যুক্তি

যুক্তি-১

একজন মানুষকে যদি বলা হয় তোমার General knowledge (অর্জিত সাধারণ জ্ঞান) নেই। তবে সে তত মন খারাপ করবে না। কিন্তু কাউকে যদি বলা হয় তুমি Non-sense (তোমার Common sense নেই) তাহলে মারামারি শুরু হয়ে যাবে। এ থেকে বোঝা যায় মানুষ Common sense-কে মর্যাদার প্রতীক মনে করে।

যে বিষয়টিকে মানুষ মর্যাদার প্রতীক মনে করে সেটি নিশ্চয় ছোটোখাটো কোনো বিষয় হবে না। সেটি হবে মানবজীবনের অপরিসীম গুরুত্বপূর্ণ একটি বিষয়। তাই যুক্তির এ দৃষ্টিকোণ থেকে Common sense মানবজীবনের অপরিসীম গুরুত্বপূর্ণ একটি বিষয়।

যুক্তি-২

জীবন পরিচালনা করতে গিয়ে আমরা প্রতি মুহূর্তে আকল/Common sense/বিবেক ব্যবহার করছি। অন্য কথায় আকল/Common sense/বিবেক ব্যবহার না করে জীবন পরিচালনা করা অসম্ভব। যে বিষয়টি ব্যবহার না করলে জীবন পরিচালনা করা অসম্ভব সেটি অবশ্যই অপরিসীম গুরুত্বপূর্ণ একটি জিনিস। ইসলাম মানুষের জীবনকে সুখী, সমৃদ্ধ ও প্রগতিশীল করতে চায়। তাই যুক্তির এ দৃষ্টিকোণ থেকেও আকল/Common sense/বিবেক মানবজীবনের অপরিসীম গুরুত্বপূর্ণ একটি বিষয়।

যুক্তি-৩

জন্মগতভাবে পাওয়া রোগ প্রতিরোধ ব্যবস্থা (Immunological system) নামক দারোয়ান অবদমিত হলে বা কাজ না করলে মানুষের জীবন মহা অশান্তিময় হয়। এর উদাহরণ হলো- AIDS রোগ। AIDS হলে জন্মগতভাবে পাওয়া রোগ প্রতিরোধ ব্যবস্থা নামক দারোয়ান অবদমিত হয়। তাই যে সকল ছোটো জীবাণু সাধারণ অবস্থায় রোগ সৃষ্টি করার কথা নয় সেগুলোও রোগ সৃষ্টি করতে সক্ষম হয় এবং সে রোগে মানুষ মারা যায়। তাই জন্মগতভাবে পাওয়া জ্ঞানের রাজ্যে ভুল ঢোকা প্রতিরোধ করার দারোয়ান-আকল/Common sense/বিবেক অবদমিত হলে বা কাজে না লাগালে ছোটো শয়তানরাও ধোঁকা দিয়ে জ্ঞানের মধ্যে ভুল ঢুকিয়ে দিতে এবং জ্ঞানকে লন্ড-ভন্ড করে দিতে সক্ষম হয়।

বর্তমান মুসলিম জাতি আকল/Common sense/বিবেককে শুধু অবদমিতই করেনি জ্ঞানের উৎসের তালিকা থেকে বাদ দিয়েছে। অর্থাৎ বর্তমান মুসলিম জাতি জ্ঞানের কঠিনতম AIDS রোগে আক্রান্ত। তাই ছোটো শয়তানরাও ধোঁকা দিয়ে তাদের জ্ঞানের রাজ্যকে লন্ড-ভন্ড করে দিয়েছে। তাই যুক্তির এ তথ্যের দৃষ্টিকোণ থেকে আকল/Common sense/বিবেক সকল মানুষের জন্য আল্লাহর দেওয়া অতিবড়ো এক নিয়ামত।

♣♣ যুক্তির এ সকল তথ্যের ভিত্তিতে সহজে বলা যায় মানবজীবনে আকল/Common sense/বিবেকের গুরুত্ব অপরিসীম।

আল কুরআন

তথ্য-১

আল কুরআনে আকল (عَقْلٌ) শব্দটি ৪৯ বার এসেছে। এর মধ্যে ২২ জায়গায় মহান আল্লাহ মানুষকে তিরস্কার করেছেন আকল খাটিয়ে আল কুরআন তথা ইসলাম না জানা বা না বোঝার জন্যে। বাকি ২৭ জায়গায় তিনি কুরআন তথা ইসলামের বক্তব্যকে আকল খাটিয়ে জানতে ও বুঝতে উপদেশ বা নির্দেশ দিয়েছেন অথবা অন্যভাবে আকলের কথা উল্লেখ করেছেন। যে বিষয়টি ব্যবহার না করার জন্য আল কুরআনে ২২ বার মানুষকে তিরস্কার করা হয়েছে সেটি নিশ্চয় অতীব গুরুত্বপূর্ণ একটি বিষয় হবে।

তথ্য-২

وَلَوْ أَنَّا نَزَّلْنَا إِلَيْهِمُ الْمَلَكَةَ وَكَلَّمَهُمُ الْمَوْئِي وَحَشَرْنَا عَلَيْهِمْ كُلَّ شَيْءٍ قُبُلًا مَّا
كَانُوا الْيُؤْمِنُوا إِلَّا أَنْ يَشَاءَ اللَّهُ وَلَكِنَّ أَكْثَرَهُمْ يَجْهَلُونَ.

আর আমরা যদি তাদের কাছে ফেরেশতা প্রেরণ করতাম, মৃতরা যদি তাদের সাথে কথা বলতো এবং সব বস্তুকে তাদের সম্মুখে উপস্থিত করা হতো তবুও তারা ঈমান আনতে পারবে না, আল্লাহর (অতাৎক্ষণিক) ইচ্ছা ছাড়া। কারণ, তাদের অধিকাংশই জাহিলি ভাবধারায় চলা ব্যক্তি।

(সূরা আল আন'আম/৬ : ১১১)

ব্যাখ্যা : আল্লাহর অতাৎক্ষণিক ইচ্ছা হলো আল্লাহর তৈরি করে রাখা প্রোথাম। আর জাহিলি ভাবধারায় চলা হলো আকল/Common sense/বিবেক না ব্যবহার করে চলা।

তাই আয়াতটির মাধ্যমে জানিয়ে দেওয়া হয়েছে, যারা আকল/Common sense/বিবেক কাজে লাগায় না— সামনে ফেরেশতা উপস্থিত হলে, মৃতরা তাদের সাথে কথা বললে বা সব বস্তুকে তাদের সম্মুখে উপস্থিত করা হলেও আল্লাহর তৈরি করে রাখা প্রোথাম অনুযায়ী তারা ঈমান আনতে পারবে না। যে বিষয়টিকে ব্যবহার না করলে মানুষ কোনোভাবে ঈমান আনতে পারবে না, সেটি নিশ্চয় অপরিসীম গুরুত্বপূর্ণ এক বিষয়।

তথ্য-৩

أَفَلَمْ يَسِيرُوا فِي الْأَرْضِ فَتَكُونُ لَهُمْ قُلُوبٌ يَعْقِلُونَ بِهَا أَوْ آذَانٌ يَسْمَعُونَ بِهَا

তারা কি পৃথিবী ভ্রমণ করেনি? তাহলে তারা এমন মন (মনে থাকা Common sense) সম্পন্ন হতো যা দিয়ে বুঝতে পারতো (কুরআন, সুন্নাহ বা অন্যকিছু পড়ে সঠিকভাবে বুঝতে পারতো) এবং এমন কান সম্পন্ন হতো যা দিয়ে শুনতে পারতো (কুরআন, সুন্নাহ বা অন্যকিছু শুনে সঠিকভাবে বুঝতে পারতো)।

(সূরা আল হাজ্জ/২২ : ৪৬)

ব্যাখ্যা : আয়াতংশ থেকে জানা যায় ভ্রমণ করলে এমন আকল/Common sense/বিবেকের অধিকারী হওয়া যায় যা দিয়ে কুরআন পড়ে বা শুনে সঠিকভাবে বোঝা যায়। এ কথাটির সৃষ্টিতত্ত্ব বিষয়ক ব্যাখ্যা আয়াতটির শেবাংশের মাধ্যমে জানিয়ে দেওয়া হয়েছে এভাবে—

..... فَأَلْهَمْنَا لَعْنَةَ الْأَبْصَارِ وَلَكِنْ نَعَى الْقُلُوبِ الَّتِي فِي الصُّدُورِ .

প্রকৃতপক্ষে চোখ অন্ধ নয় বরং অন্ধ হচ্ছে মন (মনে থাকা আকল/Common sense/বিবেক) যা অবস্থিত (সম্মুখ ব্রেইনের) সম্মুখ অংশে।

(সূরা আল হাজ্জ/২২ : ৪৬)

ব্যাখ্যা : সৃষ্টিতত্ত্ব বিষয়ক একটি তথ্য হলো- সম্মুখ ব্রেইনের সম্মুখ অংশে থাকা মনে অবস্থিত আকল/Common sense/বিবেকে একটি বিষয় সম্পর্কে আগে থেকে ধারণা না থাকলে বিষয়টি দেখে বা শুনে তার প্রকৃত তাৎপর্য মানুষ বুঝতে পারে না। এ কথাটিই ইংরেজিতে বলা হয় এভাবে-
What mind does not know eye will not see.

এ বিষয়ে দুটি উদাহরণ-

উদাহরণ-১

রোগের লক্ষণ (Symtoms & Sign) আগে থেকে মাথায় না থাকলে রোগী দেখে রোগ নির্ণয় (Diagnosis) করা যায় না। এ চিরসত্য কথাটি সকল চিকিৎসক জানে।

উদাহরণ-২

একটি শিশু যে কখনো আপেল দেখেনি, আপেল দেখানোর পর নাম শিখিয়ে দেওয়ার আগ পর্যন্ত সে আপেল দেখে নাম বলতে পারে না। কারণ, দেখানো ফলটির নাম তার ব্রেইনে আগে থেকে নেই।

তাই কুরআন বা সুন্নাহ-তে থাকা একটি বিষয়ে মানুষের Common sense-এ আগে থেকে ধারণা না থাকলে ঐ আয়াত বা সুন্নাহর প্রকৃত ব্যাখ্যা মানুষ বুঝতে পারে না।

আর তাই পুরো আয়াতটি থেকে সার্বিকভাবে যা জানা যায় তা হলো- পৃথিবী ভ্রমণ করলে বিভিন্ন স্থানের মানুষের ভাষা, চেহারা, পোশাক, খাবার, পশু-পাখি, বৃক্ষ-লতা, পাহাড়-পর্বত, নদ-নদী, আচার-আচরণ, নীতি-নৈতিকতা, আইন-কানুন ইত্যাদি দেখে জ্ঞান অর্জিত হয়। এর মাধ্যমে মানুষের মনে থাকা আকল/Common sense/বিবেক উৎকর্ষিত হয়। ঐ উৎকর্ষিত আকল/Common sense/বিবেকের মাধ্যমে মানুষ কুরআন পড়ে বা শুনে সঠিকভাবে বুঝতে পারে।

বর্তমানে জ্ঞানার্জনের উপায় হিসেবে ভ্রমণ করার সাথে যোগ হয়েছে-

- বিভিন্ন (বিজ্ঞান, ইতিহাস ইত্যাদি) বই পড়া
- ইন্টারনেট ব্রাউজ করা
- Geographic Channel দেখা
- Discovery Channel দেখা।

যে বিষয়টিকে উৎকর্ষিত না হলে কুরআন পড়ে বা শুনে সঠিক অর্থ বা ব্যাখ্যা বোঝা যায় না সেটি নিশ্চয় অপরিসীম গুরুত্বপূর্ণ একটি বিষয়।

তথ্য-৪

..... وَيَجْعَلُ الرِّجْسَ عَلَى الَّذِينَ لَا يَعْقِلُونَ .

যারা আকল/Common sense/বিবেককে ব্যবহার করে না তাদের ওপর তিনি (অতাত্মকভাবে) অকল্যাণ (ভুল) চাপিয়ে দেন।

(সূরা ইউনুস/১০ : ১০০)

ব্যাখ্যা : আয়াতাতংশের বক্তব্য হলো- যারা আকল/Common sense/বিবেককে যথাযথভাবে ব্যবহার করে না, জীবনের বিভিন্ন দিকে তাদের ওপর অকল্যাণ/ভুল চেপে বসে। তাই যে বিষয়টি যথাযথভাবে ব্যবহার না করার কারণে মানবজীবনের বিভিন্ন দিকে ভুল চেপে বসবে বলে কুরআন বলেছে সেটি নিশ্চয় অপরিসীম গুরুত্বপূর্ণ একটি বিষয় হবে।

তথ্য-৫

قَدْ أَفْلَحَ مَنْ رَزَقَهَا . وَقَدْ خَابَ مَنْ دَسَّهَا .

অবশ্যই সে সফল হবে যে তাকে (আকল/Common sense/বিবেক) উৎকর্ষিত করবে। আর অবশ্যই সে ব্যর্থ হবে যে তাকে (আকল/Common sense/বিবেক) অবদমিত করবে।

(সূরা আশ শামস/৯১ : ৯-১০)

ব্যাখ্যা : আয়াত দুটির মাধ্যমে নিশ্চয়তাসহ জানিয়ে দেওয়া হয়েছে- যে আকল/Common sense/বিবেককে যথাযথভাবে ব্যবহার করবে সে জীবন পরিচালনায় সফল হবে। আর যে আকল/Common sense/বিবেককে যথাযথভাবে ব্যবহার করবে না সে জীবন পরিচালনায় ব্যর্থ হবে। যে বিষয়টি ব্যবহার করা বা না করার ওপর মানবজীবনের সফলতা ও ব্যর্থতা নির্ভর করে সেটি অবশ্যই অপরিসীম গুরুত্বপূর্ণ একটি বিষয় হবে।

তথ্য-৬

إِنَّ شَرَّ الدَّوَابِّ عِنْدَ اللَّهِ الضُّمُّ الْبُكْمُ الَّذِينَ لَا يَعْقِلُونَ .

নিশ্চয় আল্লাহর কাছে নিকৃষ্টতম জন্তু হলো সেই সব বধির, বোঝা লোক যারা আকল/Common sense/বিবেককে (যথাযথভাবে) কাজে লাগায় না।

(সূরা আল আনফাল/৮ : ২২)

ব্যাখ্যা : আয়াতটিতে যারা বিভিন্ন কাজ বিশেষ করে ইসলামকে জানা বা বোঝার জন্য আকল/Common sense/বিবেককে যথাযথভাবে কাজে লাগায় না তাদেরকে নিশ্চয়তা সহকারে নিকৃষ্টতম জীব বলা হয়েছে। আল্লাহ্ যাকে নিকৃষ্টতম পশু বলেছেন তার জীবন শতভাগ ব্যর্থ এটি বোঝা সহজ। কিন্তু আল্লাহ তা'য়ালার ঐ ধরনের ব্যক্তিকে নিকৃষ্টতম জন্তু বলেছেন কেন, তা আমাদের বোঝা দরকার।

গোখরা সাপ একটি হিংস্র জীব। তবে একটি গোখরা সাপ বেশি মানুষকে হত্যা করতে পারে না। একজন, দুইজন বা তিনজন মানুষকে কামড়ালেই সাপটি ধরা পড়ে যাবে এবং মানুষ তাকে মেরে ফেলবে। অন্যদিকে একজন মানুষ যে আকল/Common sense/বিবেককে যথাযথভাবে ব্যবহার করে না সে অসংখ্য মানুষের ব্যাপক ক্ষতি করবে এমনকি একটি জাতিকে ধ্বংস করে দিতে পারে। এ কারণেই যে আকল/Common sense/বিবেককে যথাযথভাবে ব্যবহার করে না তাকে মহান আল্লাহ নিকৃষ্টতম জীব বলেছেন। যে বিষয়টিকে যথাযথভাবে ব্যবহার না করার জন্য মানুষকে নিকৃষ্ট জীবের খেতাব পেতে হবে সেটি নিশ্চয় অপরিসীম গুরুত্বপূর্ণ একটি বিষয় হবে।

তথ্য-৭

..... كَلَّمَا أَلْقَى فِيهَا فَوْجٌ سَاهَمُ حَزَنَتِهَا أَلَمْ يَأْتِكُمْ نَذِيرٌ . قَالُوا بَلَى قَدْ جَاءَنَا نَذِيرٌ فَكَذَّبْنَا وَقُلْنَا مَا نَزَّلَ اللَّهُ مِن شَيْءٍ إِنْ أَنْتُمْ إِلَّا فِي ضَلَالٍ كَبِيرٍ . وَقَالُوا لَوْ كُنَّا نَسْمَعُ أَوْ نَعْقِلُ مَا كُنَّا فِي أَصْحَابِ السَّعِيرِ .

যখনই তাতে (জাহান্নামে) কোনো কাফির দল উপস্থিত হবে, রক্ষীগণ জিজ্ঞাসা করবে, কোনো সতর্ককারী কি তোমাদের কাছে পৌঁছায়নি? উত্তরে তারা বলবে, সতর্ককারী আমাদের কাছে পৌঁছেছিল কিন্তু আমরা তাদের অস্বীকার করেছিলাম এবং বলেছিলাম- আল্লাহ কিছুই নাযিল করেননি, আসলে তোমরা বিরাট ভুলের মধ্যে আছো। অতঃপর তারা বলবে, হায়! আমরা যদি (কুরআন ও সুন্নাহ-এর বক্তব্য) শুনতাম অথবা আকল/Common sense/বিবেককে (যথাযথভাবে) ব্যবহার করতাম তবে আজ আমাদের জাহান্নামে আসতে হতো না।

(সূরা আল মুলক/৬৭ : ৮-১০)

ব্যাখ্যা : আয়াতটিতে যাদের কথা বলা হয়েছে তারা কুরআন ও সুন্নাহ অস্বীকার করা ব্যক্তি। অর্থাৎ তারা কাফির। তাই আয়াতটিতে পরকালে

কাফির ব্যক্তির অনুশোচনা করে যা বলবে সেটি উল্লেখ করা হয়েছে। তারা বলবে— পৃথিবীতে নবী-রসূলগণ তাদেরকে যা বলেছিল অর্থাৎ কুরআন ও সুন্নার যে দাওয়াত দিয়েছিল সেটি যদি তারা মনোযোগ সহকারে শুনতো অথবা আকল/Common sense/বিবেককে যথাযথভাবে ব্যবহার করতো তাহলে তাদের জাহান্নামে যেতে হতো না।

কাফিরদের আকল/Common sense/বিবেক অনেক অবদমিত। আয়াতটিতে জানিয়ে দেওয়া হয়েছে— ঐ অবদমিত আকল/Common sense/বিবেককেও যথাযথভাবে ব্যবহার করলে কাফিরদের জাহান্নামে যেতে হতো না।

তাই এ আয়াত থেকে জানা যায়— আকল/Common sense/বিবেককে যথাযথভাবে ব্যবহার না করা জাহান্নামে যাওয়ার একটি কারণ হবে। যে বিষয়টিকে যথাযথভাবে ব্যবহার না করা জাহান্নামে যাওয়ার কারণ হবে সেটি নিশ্চয় অপরিসীম গুরুত্বপূর্ণ একটি বিষয় হবে।

তথ্য-৮

ذَلِكَ الْكِتَابُ الْرَّابِعُ فِيهِ هُدًى لِلْمُتَّقِينَ .

এটি সেই (প্রতিশ্রুত) কিতাব যাতে কোনো সন্দেহ নেই। (এটি) একটি পথনির্দেশিকা আল্লাহ-সচেতন ব্যক্তিদের জন্য।

(সুরা আল বাকারা/২ : ২)

অংশভিত্তিক ব্যাখ্যা

‘এটি সেই (প্রতিশ্রুত) কিতাব’ অংশের ব্যাখ্যা— কুরআন হলো সেই আসমানি গ্রন্থ যেটি আসার ঘোষণা আগের সব আসমানি গ্রন্থে আছে।

‘যাতে কোনো সন্দেহ নেই’ অংশের ব্যাখ্যা— মানুষ সাধারণত আকল/Common sense/বিবেকের বাইরের/বিরোধী কথায় সন্দেহ করে। তাই এ অংশের ব্যাখ্যা হলো— আল কুরআনে ইন্দ্রিয়গ্রাহ্য বিষয়ে মানুষের আকল/Common sense/বিবেকের বাইরের কোনো বিষয় নেই।

‘(এটি) একটি পথনির্দেশিকা আল্লাহ-সচেতন ব্যক্তিদের জন্য’ অংশের ব্যাখ্যা— আল্লাহ-সচেতনতার সর্বনিম্ন স্তর হলো আকল/Common sense/বিবেক জাগ্রত থাকা। তাই এ অংশের ব্যাখ্যা হলো— কুরআন থেকে পথনির্দেশ পাবে আকল/Common sense/বিবেক জাগ্রত থাকা ব্যক্তিগণ।

অন্যকথায় বলা যায়—

১. কুরআন থেকে শিক্ষা নিতে হলে কমপক্ষে বুনিয়াদি তথা জনোর সময় থাকা মাত্রার আকল/Common sense/বিবেক সম্পন্ন হতে হবে।
২. যে/যারা আকল/Common sense/বিবেককে যথাযথ গুরুত্ব দেয় না, সে/তারা কুরআন থেকে শিক্ষা নিতে ব্যর্থ হবে।

যে বিষয়টি জাগ্রত না থাকলে কুরআন থেকে পথনির্দেশনা/হিদায়াত পাওয়া যাবে না, সেটি নিশ্চয় অপারিসীম গুরুত্বপূর্ণ একটি বিষয় হবে।

♣♣ আল কুরআনের এ সব তথ্যের ভিত্তিতে নিশ্চিতভাবে বলা যায়— ইসলামী জীবনব্যবস্থায় আকল/Common sense/বিবেক অপারিসীম গুরুত্বপূর্ণ একটি বিষয়।

আল হাদীস

হাদীস-১

أَخْرَجَ الْإِمَامُ الْبَيْهَقِيُّ عَنْ عَبْدِ اللَّهِ بْنِ عَمْرٍو بْنِ الْعَاصِ قَالَ :
سَمِعْتُ رَسُولَ اللَّهِ ﷺ يَقُولُ : إِنَّ اللَّهَ لَا يَقْبِضُ الْعِلْمَ انْتِزَاعًا يَنْتَزِعُهُ مِنَ الْعِبَادِ ،
وَلَكِنْ يَقْبِضُ الْعِلْمَ بِقَبْضِ الْعُلَمَاءِ ، حَتَّى إِذَا لَمْ يُبْقِ عَالِمًا اتَّخَذَ النَّاسُ رُءُوسًا جَهْلًا ،
فَسُئِلُوا فَأَنَّتُوا بِغَيْرِ عِلْمٍ ، فَضَلُّوا وَأَضَلُّوا .

ইমাম বুখারী রহ. 'আবদুল্লাহ বিন 'আমর বিন 'আস রা.-এর বর্ণনা সনদের ৫ম ব্যক্তি ইসমাঈল বিন আবী উয়াইস থেকে শুনে তাঁর 'আস-সহীহ' গ্রন্থে লিখেছেন— 'আবদুল্লাহ বিন 'আমর বিন 'আস রা. বলেন, আমি রসূলুল্লাহ স.-কে বলতে শুনেছি, নিশ্চয় আল্লাহ সরাসরি বান্দাদের থেকে ইলম উঠিয়ে নেবেন না। কিন্তু আলিমদের উঠিয়ে নেওয়ার মাধ্যমে ইলম উঠিয়ে নেওয়া হবে। যখন কোনো (প্রকৃত) আলিম অবশিষ্ট থাকবে না তখন লোকেরা আকল/Common sense/বিবেকহীন ব্যক্তিদেরকে মাথা বানিয়ে নেবে। অতঃপর তাদেরকে কোনো কিছু জিজ্ঞেস করা হলে না জানলেও তারা সিদ্ধান্ত (ফতওয়া) দিয়ে দেবে। বস্তুত তারা নিজেরা পথভ্রষ্ট হয়েছে এবং অন্যকেও পথভ্রষ্ট করবে।

◆ বুখারী, আস-সহীহ, হাদীস নং ১০০।

◆ হাদীসটির সনদ ও মতন সহীহ।

অংশভিত্তিক ব্যাখ্যা

পুরো হাদীসটিতে জ্ঞান নিয়ে আলোচনা করা হয়েছে। তাই হাদীসটির সব কথাকে জ্ঞানের সাথে সম্পর্কিত করে ব্যাখ্যা করলেই শুধু সে ব্যাখ্যা যথাযথ হবে এবং হাদীসটিতে মানবসভ্যতা বিশেষ করে বর্তমান মুসলিম জাতির জন্য থাকা মহাকল্যাণকর শিক্ষাটি ফুটে উঠবে। এ কথাটি সামনে রেখে চলুন হাদীসটির অংশভিত্তিক ব্যাখ্যা জানা যাক—

‘নিশ্চয় আল্লাহ সরাসরি বান্দাদের থেকে ইলম উঠিয়ে নেবেন না। কিন্তু আলিমদের উঠিয়ে নেওয়ার মাধ্যমে ইলম উঠিয়ে নেওয়া হবে’ অংশের ব্যাখ্যা : পৃথিবী থেকে একদিন প্রকৃত জ্ঞান উঠে যাবে। আর জ্ঞান উঠে যাওয়ার বিষয়টি ঘটবে কুরআনের প্রকৃত জ্ঞানী না থাকার কারণে। কুরআনের বর্ণ উঠে যাওয়ার মাধ্যমে নয়।

‘যখন কোনো (প্রকৃত) আলিম অবশিষ্ট থাকবে না তখন লোকেরা আকল/Common sense/বিবেকহীন ব্যক্তিদেরকে মাথা বানিয়ে নেবে’ অংশের ব্যাখ্যা : যখন কোনো প্রকৃত আলিম অবশিষ্ট থাকবে না তখন লোকেরা আকল/Common sense/বিবেকহীন ব্যক্তিদেরকে মাথা বানিয়ে নেবে। মানুষের মাথায় অবস্থিত ব্রেইনের সম্মুখ অংশে থাকে জ্ঞান। তাই মাথা হলো জ্ঞানের আধার। আর তাই হাদীসটির এ অংশের মাধ্যমে জানিয়ে দেওয়া হয়েছে— যখন কোনো প্রকৃত আলিম সমাজে থাকবে না তখন লোকেরা আকল/Common sense/বিবেককে গুরুত্ব না দেওয়া ব্যক্তিদেরকে জ্ঞানের আধার তথা জ্ঞানী (আলিম) হিসেবে গ্রহণ করবে।

‘তাদেরকে কোনো কিছু জিজ্ঞেস করা হলে না জানলেও তারা সিদ্ধান্ত (ফতওয়া) দিয়ে দেবে’ অংশের ব্যাখ্যা : আকল/Common sense/বিবেককে গুরুত্ব না দেওয়া শিক্ষাব্যবস্থার আলিম খেতাব পাওয়া ব্যক্তিগণকে কোনো কিছু জিজ্ঞাসা করলে তাদের শেখা ভুল জ্ঞান অনুযায়ী উত্তর দেবে।

‘বস্তুত তারা নিজেরা পথভ্রষ্ট হয়েছে এবং অন্যকেও পথভ্রষ্ট করবে’ অংশের ব্যাখ্যা : আকল/Common sense/বিবেককে আল্লাহ প্রদত্ত জ্ঞানের উৎস হিসেবে যথাযথ গুরুত্ব না দিয়ে শিক্ষা লাভ করা ব্যক্তির নিজেরা কুরআন ও সুন্নাহ সঠিকভাবে বুঝতে পারবে না। তাই তারা পথভ্রষ্ট হবে। অন্যদিকে তারা অপরকেও সঠিকভাবে কুরআন ও সুন্নাহ শেখাতে পারবে না। তাই তারা অন্যদেরকেও কথা, লেখা, খুতবা, লেকচার, ওয়াজ, কুরআন ও হাদীসের অনুবাদ ও ব্যাখ্যা (তাফসীর) ইত্যাদির মাধ্যমে পথভ্রষ্ট করবে।

হাদীসটির ভিত্তিতে তাই সহজে বলা যায়- আকল/Common sense/বিবেক অপরিসীম গুরুত্বপূর্ণ একটি জ্ঞানের শক্তি।

হাদীস-২

رُوِيَ فِي مُسْنَدِ أَحْمَدَ حَدَّثَنَا عَبْدُ اللَّهِ عَنْ أَبِي حَمِيدٍ وَابْنِ أَسِيدٍ أَنَّ رَسُولَ اللَّهِ ﷺ قَالَ إِذَا سَمِعْتُمُ الْخَبِيثَ عَنِّي تَعَرَّفْتُمْ قُلُوبُكُمْ وَتَلَيَّنَ لَهُ إِشْعَارُكُمْ وَأَبْشَارُكُمْ وَتَرَوْنَ أَنَّهُ مِنْكُمْ قَرِيبٌ فَأَنَا أَوْلَاكُمْ بِهِ. وَإِذَا سَمِعْتُمُ الْخَبِيثَ عَنِّي تَنَكَّرْتُمْ لَهُمْ قُلُوبُكُمْ وَتَنَفَّرْتُمْ مِنْهُ إِشْعَارُكُمْ وَأَبْشَارُكُمْ وَتَرَوْنَ أَنَّهُ مِنْكُمْ بَعِيدٌ فَأَنَا أْبَعَدُكُمْ مِنْهُ.

আবু হুমাইদ রা. ও আবু উসাইদ রা.-এর বর্ণনা সনদের ৭ম ব্যক্তি আব্দুল্লাহ রাহ. থেকে শুনে 'আল-মুসনাদ' গ্রন্থে উল্লেখ করা হয়েছে- আবু হুমাইদ রা. ও আবু উসাইদ রা. বলেন, রসুল স. বলেছেন- যখন তোমরা আমার নামে কোনো বর্ণনা শুনো তখন যেটাকে তোমাদের মন (মনে থাকা আকল/Common sense/বিবেক) চিনতে পারে (মেনে নেয়) এবং যা দিয়ে তোমাদের ইঙ্গিত ও সুসংবাদ দানকারী শক্তি (মন) নরম হয় (গ্রহণ করে) এবং তোমরা অনুভব করো যে তা তোমাদের মনের নিকটতর তখন নিশ্চিতভাবে জেনে নেবে যে, আমার মন (মনে থাকা আকল/Common sense/বিবেক) তোমাদের অপেক্ষা সেটির অধিক নিকটতর।

আর যখন তোমরা আমার নামে বলা কোনো বর্ণনা শুনো তখন যেটাকে তোমাদের মন (মনে থাকা আকল/Common sense/বিবেক) অস্বীকার করে (মানে না) এবং যা দিয়ে তোমাদের ইঙ্গিত ও সুসংবাদ দানকারী শক্তি (মন) বিমুখ হয় (গ্রহণ করে না) এবং তোমরা অনুভব করো যে তা তোমাদের মন থেকে দূরে, তখন নিশ্চিতভাবে জেনে নেবে যে, আমার মন (মনে থাকা আকল/Common sense/বিবেক) তোমাদের অপেক্ষা সেটির অধিক দূরে।

◆ আহমদ, আল মুসনাদ, হাদীস নং ১৬০০৩।

◆ হাদীসটির সনদ ও মতন সহীহ।

ব্যাখ্যা : হাদীসটিতে মানুষের মন বলতে আকলে সালিম (অপরিবর্তিত/উৎকর্ষিত আকল/Common sense/বিবেক) বুঝানো হয়েছে। তাই

হাদীসটি অনুযায়ী, মানুষের আকলে সালিমের (অপরিবর্তিত বা উৎকর্ষিত আকল/Common sense/বিবেক) রায় এবং রসুল স.-এর আকল/Common sense/বিবেকের রায় তথা হাদীস অভিন্ন। অপরিবর্তিত থাকলে যে উৎসের জ্ঞানের ভিত্তিতে পাওয়া রায় এবং রসুল স.-এর হাদীস অভিন্ন সে উৎস অবশ্যই অপরিসীম গুরুত্বপূর্ণ একটি উৎস।

হাদীস-৩

أَخْرَجَ الْإِمَامُ مُسْلِمٌ ... عَنْ أَبِي هُرَيْرَةَ، بِحَدِيثٍ يَرْفَعُهُ، قَالَ: النَّاسُ مَعَادِنٌ كَمَعَادِنِ الْفِضَّةِ وَالذَّهَبِ، خِيَارُهُمْ فِي الْجَاهِلِيَّةِ خِيَارُهُمْ فِي الْإِسْلَامِ إِذَا فَقَهُوا، وَالْأَرْوَاحُ جُنُودٌ مُجَدَّدَةٌ، فَمَا تَعَارَفَتْ مِنْهَا ائْتَلَفَ، وَمَا تَنَاكَرَتْ مِنْهَا اخْتَلَفَ.

ইমাম মুসলিম রহ. আবু হুরায়রা রা.-এর বর্ণনা সনদের ৫ম ব্যক্তি যুহাইর বিন হারব থেকে শুনে তাঁর 'আস-সহীহ' গ্রন্থে লিখেছেন- আবু হুরায়রা রা. থেকে মারফু সূত্রে বর্ণিত, তিনি বলেন- মানুষ হলো খনিজ সম্পদ। যেমন- খনিজ সম্পদ রৌপ্য ও স্বর্ণ। জাহিলি যুগে তাদের মধ্যে যারা উত্তম ছিল, ইসলামেও তাঁরা উত্তম হবে যদি তাঁরা ইসলামের জ্ঞানার্জন করে। আর আত্মসমূহ স্বভাবজাত সমাজবদ্ধ। সেখানে যেসব রুহ পরস্পর পরিচিতি লাভ করেছিল, দুনিয়াতে সেগুলো সম্প্রীতির বন্ধনে আবদ্ধ হয়ে থাকে। আর সেখানে যেগুলো অপরিচিত ছিল, এখানেও তারা অপরিচিত।

- ◆ মুসলিম, আস-সহীহ, হাদীস নং-৬৮৭৭।
- ◆ হাদীসটির সনদ ও মতন সহীহ।

ব্যাখ্যা : ৬১ নং পৃষ্ঠায় উল্লিখিত হাদীসটির ব্যাখ্যা থেকে আমরা জেনেছি- সম্মুখ ব্রেইনে (Fore brain) থাকা জ্ঞানের উৎস আকল/Common sense/বিবেকের শক্তির ভিত্তিতে জন্মগতভাবে কোনো মানুষ বেশি এবং কোনো মানুষ কম মর্যাদাবান হয়। যে বিষয়টির ভিত্তিতে জন্মের সময় থেকে মানুষের মর্যাদা নির্ণীত হয় সেটি নিশ্চয় অপরিসীম গুরুত্বপূর্ণ একটি বিষয়।

হাদীস-৪

أَخْرَجَ الْإِمَامُ الْبُخَارِيُّ ... حَدَّثَنِي عَبْدُ بْنُ إِسْمَاعِيلَ ... عَنْ أَبِي هُرَيْرَةَ رَضِيَ اللَّهُ عَنْهُ سَمِعْتُ رَسُولَ اللَّهِ ﷺ مِنْ أَكْرَمِ النَّاسِ قَالَ: اتَّقَاهُمْ اللَّهُ. قَالُوا لَيْسَ عَنْ هَذَا أَسْأَلُكَ. قَالَ: فَأَكْرَمُ النَّاسِ يُوسُفُ نَبِيُّ اللَّهِ ابْنُ نَبِيِّ اللَّهِ ابْنُ نَبِيِّ اللَّهِ ابْنِ

خَلِيلِ اللَّهِ. قَالُوا لَيْسَ عَنْ هَذَا نَسَأَلُكَ. قَالَ: فَعَنْ مَعَادِينِ الْعَرَبِ تَسْأَلُونِي، النَّاسُ مَعَادِينُ خِيَارِهِمْ فِي الْجَاهِلِيَّةِ خِيَارُهُمْ فِي الْإِسْلَامِ إِذَا فَقَهُوا.

ইমাম বুখারী রহ. আবু হুরায়রা রা.-এর বর্ণনা সনদের ৫ম ব্যক্তি উবাইদুল্লাহ ইবন ইসমাঈল রহ. থেকে শুনে তার ‘আস-সহীহ’ গ্রন্থে লিখেছেন- আবু হুরায়রা রা. থেকে বর্ণিত। রসূলুল্লাহ স.-কে জিজ্ঞাসা করা হলো- মানুষের মাঝে সবচেয়ে সম্মানিত ব্যক্তি কে? তিনি বললেন- তাদের মধ্যে যে অধিক আল্লাহ সচেতন (মুত্তাকী)। তখন তারা বলল, আমরা তো আপনাকে এ ব্যাপারে জিজ্ঞেস করিনি। তিনি বললেন- তা হলে আল্লাহর নবী ইউসূফ, যিনি আল্লাহর নবীর পুত্র, আল্লাহর নবীর পৌত্র এবং আল্লাহর খলীল-এর প্রপৌত্র। তারা বলল, আমরা আপনাকে এ ব্যাপারেও জিজ্ঞেস করিনি। তিনি বললেন, তা হলে কি তোমরা আরবের মূল্যবান গোত্রসমূহের ব্যাপারে জিজ্ঞেস করেছ? জাহিলিয়ুগে তাদের মধ্যে যারা সর্বোত্তম ব্যক্তি ছিলেন, ইসলামেও তাঁরা সর্বোত্তম ব্যক্তি হবে যদি তাঁরা ইসলাম সম্পর্কিত জ্ঞানার্জন করে।

◆ বুখারী, আস-সহীহ, হাদীস নং- ৩১৯৪।

◆ হাদীসটির সনদ ও মতন সহীহ।

ব্যাখ্যা : ৬২ নং পৃষ্ঠায় উল্লিখিত হাদীসটির ব্যাখ্যা থেকে আমরা জেনেছি- আকল/Common sense/বিবেকের শক্তির ভিত্তিতে সমাজের মানুষ বেশি এবং কম মর্যাদাবান হয়। যে বিষয়টির ভিত্তিতে মানুষের সামাজিক মর্যাদা নির্ণীত হয় সেটি নিশ্চয় অপরিসীম গুরুত্বপূর্ণ একটি বিষয়।

হাদীস-৫

أَخْرَجَ الْإِمَامُ مُسْلِمٌ ... عَنْ أَبِي مَسْعُودٍ قَالَ كَانَ رَسُولُ اللَّهِ ﷺ يَمْسَحُ مَتَابَعَتَنَا فِي الصَّلَاةِ وَيَقُولُ: اسْتَوْوُوا وَلَا تَخْتَلِفُوا فَتَخْتَلِفَ قُلُوبُكُمْ لَيْلِنِي مِنْكُمْ أَوْلُو الْأَحْلَامِ وَالنَّهْيُ ثُمَّ الَّذِينَ يَلُوهُمْ ثُمَّ الَّذِينَ يَلُوهُمْ. قَالَ أَبُو مَسْعُودٍ فَأَنْتُمْ الْيَوْمَ أَشَدُّ اخْتِلَافًا.

ইমাম মুসলিম রহ. আবু মাসউদ রা.-এর বর্ণনা সনদের ৫ম ব্যক্তি আবু বকর বিন আবী শাইবাহ রহ. থেকে শুনে তাঁর ‘আস-সহীহ’ গ্রন্থে লিখেছেন- আবু মাসউদ রা. বলেন, রসূলুল্লাহ স. সালাতের সময় আমাদের কাঁধ স্পর্শ করে

বলতেন, তোমরা সোজাসুজি দাঁড়াও এবং আগে পিছে ছিন্ন-ভিন্ন হয়ে দাঁড়িও না। এটিতে তোমাদের মন (মনে থাকা আকল/Common sense/বিবেক) মতভেদে লিপ্ত হয়ে পড়বে। আকল/Common sense/বিবেক সম্পন্ন ব্যক্তির আমার কাছাকাছি দাঁড়াবে। অতঃপর এ গুণে যারা তাদের নিকটবর্তী তারা পর্যায়ক্রমে দাঁড়াবে। আবু মাস'উদ রা. বলেন, কিছু আজকাল তোমাদের মধ্যে চরম বিভেদ-বিশৃঙ্খলা দেখা দিয়েছে।

- ◆ মুসলিম, আস-সহীহ, হাদীস নং-১০০০
- ◆ হাদীসটির সনদ ও মতন সহীহ।

ব্যাখ্যা : হাদীসটি থেকে জানা যায়- অধিক আকল/Common sense/বিবেক সম্পন্ন লোকদের গুরুত্ব ও মর্যাদা কম আকল/Common sense/বিবেক সম্পন্নদের তুলনায় বেশি। তাই হাদীসটি অনুযায়ীও আকল/Common sense/বিবেক একটি গুরুত্বপূর্ণ বিষয়।

হাদীস-৬

..... حَدَّثَنَا مُحَمَّدُ بْنُ خَلْفٍ الْعَسْقَلَانِيُّ أَخْرَجَ الْإِمَامُ ابْنُ مَاجَه

عَنْ سَمُرَةَ بْنِ جُنْدَبٍ قَالَ قَالَ رَسُولُ اللَّهِ ﷺ الْحَسْبُ الْمَالُ وَالْكَرَمُ النَّفْسِيُّ.

ইমাম ইবন মাজাহ রহ. সামুরাহ বিন জুনদুব রা.-এর বর্ণনা সনদের ৬ষ্ঠ ব্যক্তি মুহাম্মাদ ইবন খালাফ আল-আসকালানী রহ. থেকে শুনে তাঁর 'আস-সুনান' গ্রন্থে লিখেছেন- সামুরাহ বিন জুনদুব রা. বলেন, রসুলুল্লাহ স. বলেছেন- অভিজাত বংশধারা (Noble descent) হলো সম্পদ এবং মহানুভবতা (Generosity) হলো আল্লাহ সচেতনতা (তাকওয়া)।

- ◆ ইবন মাজাহ, আস-সুনান, হাদীস নং-৪২১৯।
- ◆ হাদীসটির সনদ ও মতন সহীহ।

অংশভিত্তিক ব্যাখ্যা


'অভিজাত বংশধারা হলো সম্পদ' অংশের ব্যাখ্যা : হাদীসটির এ অংশে অভিজাত বংশধারাকে সম্পদ বলা হয়েছে। এর কারণ হলো-

১. মানুষ বংশ থেকে উত্তরাধিকারসূত্রে (Heriditarily) বিভিন্ন গুণ পায়। ঐ গুণগুলো হলো 'সম্পদ'। সে গুণের সবচেয়ে বড়োটি হলো অধিক শক্তিশালী আকল/Common sense/বিবেক।
২. অভিজাত বংশের পরিবেশে থাকার কারণে উত্তরাধিকারসূত্রে পাওয়া জ্ঞানের অধিক শক্তিশালী উৎসটি আরও উৎকর্ষিত হয়।

‘মহানুভবতা হলো আল্লাহ সচেতনতা’ অংশের ব্যাখ্যা : হাদীসটির এ অংশে আল্লাহ সচেতনতাকে সরাসরি মহানুভবতা বলা হয়েছে। মহানুভবতার প্রতিশব্দ হলো মানবতা, বড়ো মন ইত্যাদি। নীতি-নৈতিকতা, মানবাধিকার বা বান্দার হক ধরনের গুণগুলো মহানুভবতার অন্তর্ভুক্ত।

তাই হাদীসটির এ অংশ অনুযায়ী আল্লাহ সচেতনতামূলক মূল বিষয় হলো- নীতি-নৈতিকতা, মানবাধিকার বা বান্দার হক ধরনের জ্ঞানসমূহ। আর আল্লাহ সচেতন ব্যক্তি হবেন নীতি-নৈতিকতা, মানবাধিকার বা বান্দার হক ধরনের বিষয়সমূহ ধারণ করা ও মেনে চলা ব্যক্তি।

মানবজীবনের বিষয়সমূহ ৪ বিভাগে বিভক্ত-



এ ৪ বিভাগের মধ্যে নীতি-নৈতিকতা, মানবাধিকার বা বান্দার হক ধরনের বিষয়গুলো হলো মানুষ সৃষ্টির উদ্দেশ্য বিভাগের বিষয়। অন্য তিন বিভাগের (উপাসনা, শরীর-স্বাস্থ্য ও পরিবেশ-পরিস্থিতি) বিষয় হলো মানুষ সৃষ্টির পাথেয় (উদ্দেশ্য সাধনের মাধ্যম) বিভাগের বিষয়। মানুষ জন্মগতভাবে জানে শুধু উদ্দেশ্য বিভাগের বিষয়সমূহ। আর তা মানুষ জানে তাদের জন্মগতভাবে পাওয়া জ্ঞানের শক্তি/উৎস আকল/Common sense/বিবেকের মাধ্যমে।

যে উৎসের জ্ঞান ও আমল মানুষকে মহানুভব বানায় সেটি নিশ্চয় অপরিসীম গুরুত্বপূর্ণ একটি বিষয়।

হাদীস-৭

أَخْرَجَ الْإِمَامُ الزُّمَيْدِيُّ حَدَّثَنَا عَبْدُ اللَّهِ بْنُ أَبِي زَيْدٍ عَنْ أَنَسٍ قَالَ جَاءَ رَجُلٌ إِلَى النَّبِيِّ ﷺ فَقَالَ يَا رَسُولَ اللَّهِ إِنِّي أُرِيدُ سَفَرًا فَرِّدْ نِي. قَالَ: زَوِّدَكَ اللَّهُ التَّقْوَى. قَالَ زَيْدِي. قَالَ: وَعَفَّرَ ذَنْبِكَ. قَالَ زَيْدِي بِأَيِّ أَثْنٍ وَأُمَّي. قَالَ: وَيَسِّرَ لَكَ الْحَيْرَ حَيْثُمَا كُنْتَ.

ইমাম তিরমিযী রহ. আনাস রা.-এর বর্ণনা সনদের ৫ম ব্যক্তি আব্দুল্লাহ ইবন আবী বিয়াদ রহ. থেকে শুনে তাঁর 'আস-সুনান' গ্রন্থে লিখেছেন- আনাস রা. থেকে বর্ণিত, নবী স.-এর কাছে এক লোক এসে বলল- হে আল্লাহর রসুল! আমি সফরে যাওয়ার ইচ্ছা করেছি। সুতরাং আপনি আমাকে পাথেয় বলে দিন। তিনি বললেন- আল্লাহ তা'য়ালার তোমাকে আল্লাহ সচেতনতার পাথেয় দান করুন। সে বলল, আরও বেশি দিন। তিনি বললেন- তোমার গুনাহ আল্লাহ তা'য়ালার ক্ষমা করুন। সে বলল, আমার মাতা পিতা আপনার প্রতি উৎসর্গ হোক! আমাকে আরও বেশি দান করুন। তিনি বললেন- তিনি (আল্লাহ তা'য়ালার) তোমার জন্য কল্যাণ লাভ সহজ করুন, তুমি যেখানেই থাকো।

◆ তিরমিযী, আস-সুনান, হাদীস নং-৩৭৭৬।

◆ হাদীসটির সনদ হাসান ও মতন সহীহ।

ব্যাখ্যা : হাদীসটিতে দেখা যায়- এক ব্যক্তি সফরে যাওয়ার প্রাক্কালে রসুলুল্লাহ স.-এর কাছে দোয়া/নসিহত চাইলে রসুলুল্লাহ স. সর্বপ্রথম তাকে আল্লাহ সচেতনতার পাথেয় দেওয়ার জন্য দোয়া করেছেন।

সফর বিশেষ করে বিপদ-আপদ থাকা সফরে সফল হতে হলে সবচেয়ে বেশি প্রয়োজন হয় উপস্থিতবুদ্ধি। যার উপস্থিতবুদ্ধি যত উৎকর্ষিত বিপদ-আপদ থাকা সফরে তার সফল হওয়ার সম্ভাবনা তত বেশি। উপস্থিতবুদ্ধি আকল/Common sense/বিবেকের সাথে ওতপ্রোতভাবে জড়িত। আর জাঘত আকল/Common sense/বিবেকই হলো আল্লাহ সচেতনতা।

তাই রসুল স. প্রকৃতভাবে লোকটির আকল/Common sense/বিবেককে আরও উৎকর্ষিত এবং তা যথাযথভাবে ব্যবহার করার ক্ষমতা বাড়িয়ে দেওয়ার জন্য আল্লাহ তা'য়ালার কাছে দোয়া করেন।

মানুষের দুনিয়ার জীবনটিও একটি সফর। তাই হাদীসটির একটি শিক্ষা এটিও হবে যে- যার উপস্থিতবুদ্ধি যত উৎকর্ষিত হবে বিপদ-আপদে ভরপুর দুনিয়ার জীবনের সফরে তার সফল হওয়ার সম্ভাবনা তত বেশি হবে। আর তাই এ হাদীসটি অনুযায়ীও আকল/Common sense/বিবেক অপরিসীম গুরুত্বপূর্ণ একটি বিষয়।

হাদীস-৮

أَخْرَجَ الْإِمَامُ أَبُو عَبْدِ اللَّهِ الْحَاكِمُ عَنْ أَبِيهِ، عَنْ أَبِي هُرَيْرَةَ، أَنَّ رَسُولَ اللَّهِ ﷺ قَالَ: كَرَّمَ الْمُؤْمِنُ دِينَهُ وَمُرَّوَتْهُ عَقْلُهُ وَحَسْبُهُ خُلُقُهُ.

ইমাম হাকিম রহ. আবু হুরায়রা রা.-এর বর্ণনা সনদের ১০ম ব্যক্তি আলী ইবন হামশাদ আল-আদল রহ. থেকে শুনে তাঁর 'আল-মুস্তাদরাক' গ্রন্থে লিখেছেন- আবু হুরায়রা রা. বর্ণিত, রসুলুল্লাহ স. বলেছেন- মুমিনের সম্মান হলো তার দীন, যুক্তির মাধ্যমে দীনকে বোঝানো বা গ্রহণযোগ্য করার শক্তি হলো তার আকল/Common sense/বিবেক, আর মাপকাঠি হলো তার চরিত্র।

◆ আল-হাকিম, আল-মুস্তাদরাক, হাদীস নং-৪২৫।

◆ হাদীসটির সনদ ও মতন সহীহ।

ব্যাখ্যা : হাদীসটি অনুযায়ী আকল/Common sense/বিবেক হলো যুক্তির মাধ্যমে দীন তথা কুরআন ও সুন্নাহ বোঝানো বা গ্রহণযোগ্য করার শক্তি। তাই সহজে বলা যায়- আকল অত্যন্ত গুরুত্বপূর্ণ একটি শক্তি।

হাদীস-৯

رَوَى فِي مُسْنَدِ أَحْمَدَ عَنْ أَبِي أُمَامَةَ، أَنَّ رَجُلًا سَأَلَ رَسُولَ اللَّهِ ﷺ: مَا الْإِيمَانُ؟ قَالَ: إِذَا سَرَرْتَنِي حَسَنَتِكَ، وَسَاءَتَنِي سَيِّئَتِكَ فَأَذَتْهُ مِنْ. قَالَ: يَا رَسُولَ اللَّهِ، فَمَا الْإِيمَانُ؟ قَالَ: إِذَا حَاكَ فِي نَفْسِكَ شَيْءٌ فَدَعَهُ.

আবু উমামা রা.-এর বর্ণনা সনদের ৮ম ব্যক্তি আব্দুল্লাহ রহ. থেকে শুনে 'আল-মুসনাদ' গ্রন্থে বর্ণনা করা হয়েছে- আবু উমামা রা. বলেন, এক ব্যক্তি রসুল স.-কে জিজ্ঞাসা করল, ঈমান কী? রসুল স. বললেন- যখন সৎ কাজ তোমাকে আনন্দ দেবে ও অসৎ কাজ পীড়া দেবে, তখন তুমি মুমিন। সে পুনরায় জিজ্ঞাসা করল, হে আল্লাহর রসুল! গুনাহ কী? যে কাজ করতে তোমার মনে (মনে থাকা আকল/Common sense/বিবেক) বাধে সেটি গুনাহ এবং তা ছেড়ে দেবে।

- ◆ আহমাদ, আল মুসনাদ, হাদীস নং-২২২২০।
- ◆ হাদীসটির সনদ ও মতন সহীহ।

অংশভিত্তিক ব্যাখ্যা

‘যাকে সৎকাজ আনন্দ দেবে এবং অসৎ কাজ পীড়া দেবে সে মু‘মিন’ অংশের ব্যাখ্যা : সৎকাজ আনন্দ ও অসৎকাজ পীড়া দেয় সেই ব্যক্তিকে যার আকল/Common sense/বিবেক জাগ্রত আছে। তাই হাদীসটির এ অংশের মাধ্যমে জানিয়ে দেওয়া হয়েছে যে- আকল/Common sense/বিবেক জাগ্রত থাকার বিষয়টি ঈমান থাকা না থাকার সাথে সম্পর্কযুক্ত।

‘যে কাজ করতে তোমার মনে (মনে থাকা আকল/Common sense/বিবেক) বাধে সেটি গুনাহ এবং তা ছেড়ে দেবে’ অংশের ব্যাখ্যা : হাদীসটির এ অংশ থেকে জানা যায়- কোনটি গুনাহ তথা নিষিদ্ধ কাজ তা জানা-বোঝার একটি উৎস হলো আকল/Common sense/বিবেক।

যে বিষয়টি জাগ্রত থাকা বা না থাকার ওপর ঈমান নির্ভরশীল এবং যেটি মানুষকে নিষিদ্ধ বিষয় সম্পর্কে ধারণা দেয় সেটি অবশ্যই অতীব গুরুত্বপূর্ণ একটি বিষয়। তাই এ হাদীসটির ভিত্তিতেও বলা যায়- আকল/Common sense/বিবেক অতীব গুরুত্বপূর্ণ একটি জ্ঞানের উৎস।

হাদীস-১০

أَخْرَجَ الْإِمَامُ الدَّارِمِيُّ... .. قَالَ سَمِعْتُ الشَّعْبِيَّ يَقُولُ : إِذَا كَانَ يَطْلُبُ هَذَا الْعِلْمَ مِنْ اجْتِمَاعٍ فِيهِ خَصَلَتَانِ : الْعَقْلُ وَالنُّسْكُ ، فَإِنْ كَانَ نَاسِكًا وَلَمْ يَكُنْ عَاقِلًا قَالَ هَذَا أَمْرًا لَا يَبَالُغُ إِلَّا الْعُقَلَاءُ فَلَمْ يَطْلُبْهُ ، وَإِنْ كَانَ عَاقِلًا وَلَمْ يَكُنْ نَاسِكًا قَالَ هَذَا أَمْرًا لَا يَبَالُغُ إِلَّا النَّسَاكُ فَلَمْ يَطْلُبْهُ . فَقَالَ الشَّعْبِيُّ : وَلَقَدْ رَهَبْتُ أَنْ يَكُونَ يَطْلُبُهُ الْيَوْمَ مَنْ لَيْسَتْ فِيهِ وَاحِدَةٌ مِنْهُمَا لَا عَقْلٌ وَلَا نُسْكٌ .

ইমাম দারেমী রহ. শা‘বী রহ.-এর বর্ণনা সনদের ৪র্থ ব্যক্তি সাইদ ইবনে আমের রহ. থেকে শুনে তাঁর ‘আস-সুনান’ গ্রন্থে লিখেছেন- শা‘বী রহ. বলেন, তাদের সময় (তাবেয়ীদের সময়) কেবল সেই ব্যক্তিই এ ইলম (কুরআনের জ্ঞান) অন্বেষণ করতো যে নিজের মধ্যে দুটি গুণের সমাবেশ করতে সক্ষম হতো, আকল/Common sense/বিবেক ও সাধনা (Dedication)।

অতঃপর যে ব্যক্তি সাধনাকারী হয় কিন্তু আকল/Common sense/বিবেক সম্পন্ন না হয় সে বলে- এটি এমন একটি গ্রন্থ যার জ্ঞান গভীর জ্ঞান-বুদ্ধি সম্পন্ন লোকেরা ছাড়া কেউ লাভ করতে পারে না। ফলে সে তা অন্বেষণ বন্ধ করে দেয়।

আর যে ব্যক্তি আকল/Common sense/বিবেক সম্পন্ন কিন্তু সাধনাকারী নয় সে বলে- এটি এমন একটি গ্রন্থ যার জ্ঞান গভীর সাধনা ছাড়া লাভ করা সম্ভব নয়। ফলে সে তা অন্বেষণ বন্ধ করে দেয়।

তারপর শা'বী বললেন- আমার ভয় হয় যে, একদিন এমন ব্যক্তি হয়তো তা (কুরআনের জ্ঞান) অন্বেষণ করবে, যার মধ্যে এ দুটি গুণের একটিও নেই। না আছে আকল/Common sense/বিবেক আর না আছে সাধনা।

◆ দারেমী, আস-সুনান, হাদীস নং-৩৭১

◆ হাদীসটির সনদ ও মতন সহীহ।

ব্যাখ্যা : হাদীসটি থেকে জানা যায়- কুরআনের জ্ঞানার্জন করার জন্য প্রধানত দুটি বিষয়ের প্রয়োজন হয়- আকল/Common sense/বিবেক ও সাধনা। তাই সহজে বলা যায়- আকল/Common sense/বিবেক মহা গুরুত্বপূর্ণ একটি বিষয়।

হাদীস-১১.১

رُوِيَ فِي مُسْنَدِ أَحْمَدَ سَمِعْتُ الْحَشَنِيَّ يَقُولُ قُلْتُ يَا رَسُولَ اللَّهِ أَخْبِرْنِي بِمَا يَجِلُّ لِي وَيُحَرِّمُ عَلَيَّ. قَالَ فَصَعِدَ النَّبِيُّ ﷺ وَصَوَّبَ فِي النَّظَرِ فَقَالَ الْبُرِّ مَا سَكَنْتَ إِلَيْهِ النَّفْسُ وَاطْمَأَنَّ إِلَيْهِ الْقَلْبُ وَالْإِثْمُ مَا لَمْ تَسْكُنْ إِلَيْهِ النَّفْسُ وَلَمْ يَطْمَئِنَّ إِلَيْهِ الْقَلْبُ وَإِنْ أَفْتَاكَ الْمُفْتُونَ

আবু সা'লাবা আল-খুশানী রা.-এর বর্ণনা সনদের ৬ষ্ঠ ব্যক্তি আবদুল্লাহ থেকে শুনে 'আল মুসনাদ' গ্রন্থে বর্ণনা করা হয়েছে- আবু সা'লাবা আল-খুশানী রা. বলেন, আমি বললাম- হে আল্লাহর রসূল স.! আমার জন্য কী হালাল আর কী হারাম তা আমাকে জানিয়ে দিন। তখন রসূল স. একটু নড়েচড়ে বসলেন ও ভালো করে খেয়াল (চিন্তা-ভাবনা) করে বললেন- নেকি (বৈধ) হলো সেটি, যা করে তোমার মন (নফস) প্রশান্ত হয় ও তোমার মন (ক্বলব) তৃপ্তি লাভ করে। আর পাপ (অবৈধ) হলো সেটি, যা করে তোমার নফস ও ক্বলব প্রশান্ত

হয় না ও তৃপ্তি লাভ করে না। যদিও সে বিষয়ে ফাতওয়া প্রদানকারীরা তোমাকে ফাতওয়া দেয়।

◆ আহমাদ, আল-মুসনাদ, হাদীস নং-১৭৭৭৭।

◆ হাদীসটির সনদ ও মতন সহীহ।

হাদীস-১১.২

رُوِيَ فِي مُسْنَدِ أَحْمَدٍ عَنْ وَابِصَةَ بِنِ مَعْبُدٍ قَالَ أَتَيْتُ رَسُولَ اللَّهِ ﷺ وَأَنَا أُرِيدُ أَنْ لَا أَدْرَعُ شَيْئاً مِنَ الدِّبِّ وَالْإِثْمِ إِلَّا سَأَلْتُهُ عَنْهُ وَإِذَا عِنْدَهُ جَمْعٌ فَذَهَبَتْ أَنْحَاطِي النَّاسِ فَقَالُوا إِلَيْكَ يَا وَابِصَةُ عَنْ رَسُولِ اللَّهِ ﷺ إِلَيْكَ يَا وَابِصَةُ. فَقُلْتُ أَنَا وَابِصَةُ دَعَوْنِي أَدْتُ مِنْهُ فَإِنَّهُ مِنْ أَحَبِّ النَّاسِ إِلَيَّ أَنْ أَدْتُ مِنْهُ. فَقَالَ لِي ادْنِ يَا وَابِصَةُ ادْنِ يَا وَابِصَةُ. فَدَنَوْتُ مِنْهُ حَتَّى مَسَّتْ كُتَيْبِي وَكُتَيْبَهُ فَقَالَ يَا وَابِصَةُ أُخْبِرُكَ مَا جِئْتَ تَسْأَلُنِي عَنْهُ أَوْ تَسْأَلُنِي. فَقُلْتُ يَا رَسُولَ اللَّهِ فَأَخْبِرْنِي. قَالَ جِئْتَ تَسْأَلُنِي عَنِ الدِّبِّ وَالْإِثْمِ. قُلْتُ نَعَمْ فَجَمَعَ أَصَابِعَهُ الثَّلَاثَ فَجَعَلَ يَنْكُثُ بِهَا فِي صَدْرِي وَيَقُولُ يَا وَابِصَةُ اسْتَفْتِ نَفْسَكَ الدِّبُّ مَا أَطْمَأَنَّ إِلَيْهِ الْقَلْبُ وَأَطْمَأَنَّتْ إِلَيْهِ النَّفْسُ وَالْإِثْمُ مَا حَاكَ فِي الْقَلْبِ وَتَرَدَّدَ فِي الصَّدْرِ وَإِنْ أَفْتَاكَ النَّاسُ. قَالَ سُفْيَانُ وَأَفْتَوْكَ.

ওয়াবেসা রা.-এর বর্ণনা সনদের ৭ম ব্যক্তি আব্দুল্লাহ রহ. থেকে শুনে 'আল-মুসনাদ' গ্রন্থে বর্ণনা করা হয়েছে- ওয়াবেসা রা. বলেন, আমি রসূল স.-এর কাছে আসলাম। ভালো মন্দ সবকিছু নিয়ে সব প্রশ্নই আমি রসূল স.-কে করতাম। তখন রসূল স.-এর আশে-পাশে তাঁকে প্রশ্নরত অবস্থায় অনেক লোকজন থাকতো। আমি তাদের মাঝখান দিয়ে রাস্তা করে এগিয়ে যেতাম। সকলে তখন বলতে থাকতো- হে ওয়াবেসা! রসূল স.-এর কাছ থেকে দূরে থাকো। তখন আমি বলতাম- আরে জায়গা দাও তো! আমি তাঁর একেবারে কাছাকাছি পৌঁছে যাবো। কারণ আমি রসূল স.-এর কাছাকাছি থাকতে পছন্দ করি। তখন রসূল স. দুইবার অথবা তিনবার বললেন- "এই! তোমরা ওয়াবেসাকে জায়গা দাও, কাছে আসো হে ওয়াবেসা!" এরপর রসূল স. বললেন, হে ওয়াবেসা! তুমি প্রশ্ন করবে নাকি আমি তোমাকে বলে দেবো?

তখন আমি বললাম- বরং আপনিই বলে দিন। তখন রসূল স. বললেন- হে ওয়াবেসা! তুমি কি নেকি (সঠিক) ও পাপ (ভুল) সম্পর্কে জিজ্ঞাসা করতে এসেছো? সে বললো- হ্যাঁ। অতঃপর তিনি আঙুলগুলো একত্র করে আমার মাথার সম্মুখে (সদর/কপাল) মারলেন এবং বললেন- তোমার মন (ক্বলব) ও নফসের কাছে উত্তর জিজ্ঞাসা করে। কথাটি তিনি তিনবার বললেন। তারপর বললেন- যে বিষয়ে তোমার নফস (মন) স্বস্তি ও প্রশান্তি লাভ করে, তাই নেকি (সঠিক)। আর পাপ (ভুল) হলো তা, যা তোমার নফসে সন্দেহ-সংশয়, খুঁতখুঁত এবং সম্মুখ ব্রেইনে থাকা মনে (সদর) অস্বস্তি সৃষ্টি করে। যদিও সে ব্যাপারে মানুষ তোমাকে (ভিন্ন) ফাতওয়া দেয় এবং ফাতওয়া দিতেই থাকে।

◆ আহমাদ, *আল-মুসনাদ*, হাদীস নং ১৭৯২৯।

◆ হাদীসটির সনদ ও মতন সহীহ।

ব্যাখ্যা : হাদীস দুটি অনুযায়ী মানুষের মন তথা মনে থাকা জ্ঞানের উৎস আকল/Common sense/বিবেক ন্যায় (সঠিক) ও অন্যায় (ভুল) বুঝতে পারে। আর ঐ উৎস সম্মতি না দিলে কোনো ব্যক্তির ফতোয়া যাচাই না করে মানা নিষেধ। সে ব্যক্তি যত উচ্চ মানেরই হোক না কেন। জ্ঞানের যে উৎসের রায়ের বিপরীত উচ্চ মানের ব্যক্তিদের রায়ও যাচাই ছাড়া মানা নিষেধ সে উৎস অবশ্যই অনেক গুরুত্বপূর্ণ।

হাদীস-১২

أَخْرَجَ الْإِمَامُ أَحْمَدُ بْنُ حَنْبَلٍ رَحِمَهُ اللَّهُ تَعَالَى فِي مُسْنَدِهِ حَدَّثَنَا أَنَسُ بْنُ عِيَاضٍ حَدَّثَنَا أَبُو حَازِمٍ عَنْ عَمْرِو بْنِ شُعَيْبٍ عَنْ أَبِيهِ عَنْ جَدِّهِ قَالَ لَقَدْ جَلَسْتُ أَنَا وَأَخِي بَعْضًا مَا أَحْبَبُّ أَنْ يَلِي بِهِ مُحَمَّدُ النَّعَمِ أَقْبَلْتُ أَنَا وَأَخِي وَإِذَا مَشِيخَةٌ مِنْ صَحَابَةِ رَسُولِ اللَّهِ ﷺ جُلُوسٌ عِنْدَ بَابٍ مِنْ أَبْوَابِهِ فَكَّرْهُنَا أَنْ نُفَرِّقَ بَيْنَهُمْ فَجَلَسْنَا حَجْرَةً إِذْ ذَكَرُوا آيَةً مِنَ الْقُرْآنِ فَتَمَارَوْا فِيهَا حَتَّى ارْتَفَعَتْ أَصْوَاهُهُمْ فَخَرَجَ رَسُولُ اللَّهِ ﷺ مُغْضَبًا قَدْ أَحْمَرَّ وَجْهَهُ يَزِمِيهِمْ بِالْثَّرَابِ وَيَقُولُ مَهْلًا يَا قَوْمِ بِهِذَا أَهْلِكْتِ الْأُمَّةَ مِنْ قَبْلِكُمْ بِاخْتِلَافِهِمْ عَلَى أَنْبِيَائِهِمْ وَضُرِّبَهُمُ الْكُتُبُ بَعْضُهَا بِبَعْضٍ إِنَّ الْقُرْآنَ لَمْ يَنْزَلْ يُكَدِّبْ

بَعْضُهُ بَعْضًا بَلْ يُصَدِّقُ بَعْضُهُ بَعْضًا فَمَا عَرَفْتُمْ مِنْهُ فَاعْمَلُوا بِهِ وَمَا جَهِلْتُمْ مِنْهُ فَارْذُوهُ إِلَىٰ عَالِمِهِ.

ইমাম আহমাদ রহ. আমর ইবনুল আস রা.-এর বর্ণনা সনদের ৫ম ব্যক্তি আনাস ইবন ইয়ায রহ. থেকে শুনে তাঁর 'আল মুসনাদ' গ্রন্থে লিখেছেন- আমর ইবন শুআইব ইবনুল আস রা. বলেন- আমি ও আমার ভাই এক মজলিশে বসলাম, আর সে জায়গাটি লাল পিঁপড়ে থাকার কারণে আমি তা পছন্দ করলাম না, তাই সামনে অগ্রসর হলাম। এমনকি বয়োজ্যেষ্ঠ সাহাবীদের নিকটবর্তী হয়ে গেলাম যারা রসূলুল্লাহ স.-এর ঘরের দরজার একটি দরজার সামনে বসেছিলেন। আর আমরা তাদের থেকে পৃথক হওয়াকে অপছন্দ করলাম, অতঃপর তাদের মাঝে একটি পাথরের ওপর বসলাম। তাঁরা কুরআনের একটি আয়াত বলছিল অতঃপর সেটি নিয়ে বিতর্ক করছিল, এমনকি তাদের আওয়াজ উঁচু হয়ে গেল। অতঃপর রসূলুল্লাহ স. রাগান্বিত অবস্থায় বের হলেন, আর তার মুখমণ্ডল রক্তিম হয়ে গেল, তিনি তাদের দিকে মাটি ছুঁড়ে মারলেন এবং বললেন- আরে হে সম্প্রদায়! তোমাদের পূর্ববর্তী নবীদের কণ্ঠস্বর তাদের কিতাব নিয়ে এ ধরনের বিতর্ক করার কারণেই ধ্বংস হয়ে গিয়েছে। তারা কিতাবের একটি অংশ দিয়ে অন্য অংশকে রহিত করেছিল। নিশ্চয় এ কুরআনের এক অংশ অন্য অংশকে রহিত করার জন্য নাযিল করা হয়নি। বরং একাংশ অপর অংশের সত্যতা প্রমাণ করার জন্য নাযিল করা হয়েছে।

তাই এতে থাকা যে সব বিষয় তোমাদের হৃদয়ঙ্গম হয় (জন্মগতভাবে পাওয়া জ্ঞানের শক্তি আকল/Common sense/বিবেকের বুকের আওতায়) তার ওপর আমল করো। আর যা তোমাদের আকল/Common sense/বিবেকের বুকের বাইরে (হৃদয়ঙ্গম হয় না), তা ঐ বিষয়ে যারা (বিশেষজ্ঞ) জ্ঞানী তাদের দিকে ফিরিয়ে দাও।

◆ আহমাদ, আল-মুসনাদ, হাদীস নং-৬৭০২।

◆ হাদীসটির সনদ ও মতন সহীহ।

ব্যাখ্যা : চিকিৎসাবিজ্ঞানের সাধারণ জ্ঞানী হলো MBBS পাস করা চিকিৎসক। MBBS ডিগ্রিধারী তথা সাধারণ জ্ঞানী চিকিৎসকগণ মানুষের অধিকাংশ রোগের চিকিৎসা দিতে সক্ষম। তবে কিছু বিশেষ রোগের চিকিৎসার জন্য বিশেষজ্ঞ চিকিৎসকের প্রয়োজন হয়।

আকল/Common sense/বিবেক হলো জন্মগতভাবে আল্লাহ প্রদত্ত সাধারণ জ্ঞান। তাই যাদের আকল/Common sense/বিবেক জাহত আছে তারা সবাই ইসলামের সাধারণ জ্ঞানী। চিকিৎসাবিজ্ঞানের উদাহরণের ভিত্তিতে তাই বলা যায়— ইসলামের সাধারণ জ্ঞানী তথা পৃথিবীর আকল/Common sense/বিবেক জাহত থাকা সকল মানুষ কুরআনের অধিকাংশ বিষয় বুঝতে সক্ষম। তবে কিছু বিশেষ বিষয় বোঝার জন্য কুরআনের বিশেষজ্ঞ জ্ঞানীদের সহায়তা দরকার হয়। ঐ বিশেষ বিষয়গুলোর অধিকাংশ হলো কুরআনের বিজ্ঞান সম্পর্কিত বিষয়।

আলোচ্য হাদীসটির বোল্ড করা অংশের মাধ্যমে তাই জানিয়ে দেওয়া হয়েছে— সাধারণ মুসলিমদের পক্ষে তাদের আকল/Common sense/বিবেকের মাধ্যমে কুরআনের অধিকাংশ বিষয় বোঝা সম্ভব। তবে অল্পকিছু বিষয় তাদের জন্মগতভাবে পাওয়া উৎস দিয়ে বোঝা সম্ভব হবে না। তাই সাধারণ মুসলিমদেরকে তাদের আকল/Common sense/বিবেকের মাধ্যমে কুরআনের অধিকাংশ বিষয় বুঝে নিতে এবং তার ভিত্তিতে আমল করতে হবে। আর যে অল্পকিছু বিষয় তাদের জন্মগতভাবে পাওয়া উৎস দিয়ে বোঝা সম্ভব হবে না সেগুলো তাদেরকে কুরআনের বিশেষজ্ঞ জ্ঞানীদের কাছ থেকে বুঝে নিতে এবং সে অনুযায়ী আমল করতে হবে।

যে বিষয়টির মাধ্যমে কুরআনের অধিকাংশ বিষয় বোঝা সম্ভব হবে সেটি অবশ্যই একটি গুরুত্বপূর্ণ বিষয়।

চূড়ান্ত রায় : উল্লিখিতগুলোসহ কুরআন, হাদীস ও যুক্তির আরও তথ্যের ভিত্তিতে নিশ্চিতভাবে জানা যায়— আকল/Common sense/বিবেকের গুরুত্ব অপরিসীম।

আল্লাহ প্রদত্ত জ্ঞানের উৎস তিনটির মধ্যে পার্থক্য

তাত্ত্বিক (Theoretical) পার্থক্য

- কুরআন : আল্লাহ প্রদত্ত মূল প্রমাণিত জ্ঞান।
- সুন্নাহ : আল্লাহ প্রদত্ত প্রমাণিত জ্ঞান। এটি কুরআনের ব্যাখ্যা।
- আকল/Common sense/বিবেক : জন্মগতভাবে আল্লাহ প্রদত্ত সাধারণ (অপ্রমাণিত) জ্ঞান।

ব্যবহারিক (Applied) পার্থক্য

দৃষ্টিকোণ-১

□ মালিক, দারোয়ান ও ব্যাখ্যাকারীর দৃষ্টিকোণ

- আল্লাহ তা'য়ালা (কুরআন) : মালিক এবং মূল ব্যাখ্যাকারী।
- রাসূল স. (সুন্নাহ) : মালিকের নিয়োগকৃত কুরআনের ব্যাখ্যাকারী।
- আকল/Common sense/বিবেক : মালিকের নিয়োগকৃত ইসলামের ঘরের দারোয়ান।

দৃষ্টিকোণ-২

□ ভিত্তি, মানদণ্ড ও ব্যাখ্যার দৃষ্টিকোণ

- কুরআন : মানদণ্ড জ্ঞান।
- সুন্নাহ : কুরআনের ব্যাখ্যামূলক জ্ঞান।
- আকল/Common sense/বিবেক : বুনিয়াদি/ভিত্তি জ্ঞান।

শেষ কথা

পুস্তিকার তথ্যসমূহ জানার পর যে কেউই সহজে বুঝতে পারবেন জ্ঞানার্জনের জন্য মহান আল্লাহ মানুষকে কী কী উৎস দিয়েছেন এবং উৎস তিনটির মধ্যে পার্থক্য কী? এরপর উৎস তিনটি ব্যবহার করে নির্ভুল জ্ঞানার্জনের যে প্রবাহচিত্র/নীতিমালা কুরআন ও সুন্নাহ আছে সেটি যদি মানুষ জানে ও ব্যবহার করে তবে মানুষের জ্ঞানে ভুল ঢোকানো অসম্ভব হবে। এমনকি অতীতে ঢোকানো ভুলও মানুষ শনাক্ত করতে ও শুধরাতে পারবে। নির্ভুল জ্ঞানার্জনের প্রবাহচিত্র/নীতিমালা নিয়ে আলোচনা করা হয়েছে— ‘কুরআন, সুন্নাহ ও Common sense ব্যবহার করে নির্ভুল জ্ঞানার্জনের প্রবাহচিত্র (নীতিমালা)’ (গবেষণা সিরিজ-১২) নামক বইটিতে। আশাকরি আলোচ্য বইটি ভুল জ্ঞান দূর করে মুসলিম ও মানবসমাজকে শান্তিময় করতে ব্যাপক ভূমিকা রাখবে।

ভুল-ত্রুটি দলিলভিত্তিক ধরিয়ে দেওয়া সুধী পাঠকবৃন্দের ঈমানী দায়িত্ব। আর ভুল শুধরিয়ে নেওয়া লেখকের ঈমানী দায়িত্ব। আপনাদের সকলের কাছে দোয়া চেয়ে শেষ করছি। আল্লাহ হাফিজ।

সমাপ্ত

কুরআন রিসার্চ ফাউন্ডেশনের অন্যান্য প্রকাশনা

১. আল কুরআন, যুগের জ্ঞানের আলোকে অনুবাদ ও মৌলিক তাফসীর (আরবী-বাংলা)
২. আল কুরআন, যুগের জ্ঞানের আলোকে অনুবাদ ও মৌলিক তাফসীর (শুধু বাংলা)
৩. সনদ ও মতন সহীহ হাদীস সংকলন, ১ম খণ্ড (আরবী-বাংলা)
৪. সনদ ও মতন সহীহ হাদীস সংকলন, ১ম খণ্ড (শুধু বাংলা)
৫. শতবার্তা (পকেট কণিকা : আমাদের গবেষণা সিরিজগুলোর মূল শিক্ষাসমূহ)
৬. আল কুরআনে বহুল ব্যবহৃত ২০০ শব্দের সংক্ষিপ্ত অভিধান
৭. কুরআনিক আরবী গ্রামার, ১ম খণ্ড
৮. সাধারণ কুরআন তিলাওয়াত শিক্ষা

গবেষণা সিরিজের বইসমূহ

১. মানুষ সৃষ্টির উদ্দেশ্য ও পাথেয় প্রচলিত ধারণা ও সঠিক তথ্য
২. মুহাম্মাদ স.-কে প্রেরণের উদ্দেশ্য এবং তাঁর সঠিক অনুসরণ বোঝার মাপকাঠি
৩. সালাত কেন আজ ব্যর্থ হচ্ছে?
৪. মু'মিনের এক নম্বর কাজ এবং শয়তানের এক নম্বর কাজ
৫. মু'মিনের আমল কবুলের শর্ত প্রচলিত ধারণা ও সঠিক তথ্য
৬. ইসলামী জীবনবিধানে Common Sense-এর গুরুত্ব
৭. ইচ্ছাকৃতভাবে না বুঝে কুরআন পড়া গুনাহ না সওয়াব?
৮. আমলের গুরুত্বভিত্তিক শ্রেণিবিভাগ ও তালিকা জানার সহজতম উপায়
৯. কুরআনের সাথে ওজু-গোসলের সম্পর্ক প্রচলিত ধারণা ও সঠিক তথ্য
১০. আল কুরআনের পঠন পদ্ধতি প্রচলিত সুর, না আবৃত্তির সুর?
১১. যুক্তিসংগত ও কল্যাণকর আইন কোন্টি এবং কেন?
১২. কুরআন, সুন্নাহ ও Common Sense ব্যবহার করে নির্ভুল জ্ঞানার্জনের প্রবাহচিত্র (নীতিমালা)
১৩. ইসলামী জীবনবিধানে বিজ্ঞানের গুরুত্ব কতটুকু এবং কেন?
১৪. ঈমান, মু'মিন, মুসলিম ও কাফির প্রচলিত ধারণা ও সঠিক চিত্র
১৫. ঈমান থাকলেই জান্নাত পাওয়া যাবে বর্ণনা সংবলিত হাদীসের গ্রহণযোগ্যতা
১৬. শাফায়াতের মাধ্যমে জাহান্নাম থেকে মুক্তি পাওয়া যাবে কি?
১৭. তাকদীর (ভাগ্য!) পূর্ব নির্ধারিত তথ্যটির প্রচলিত ও প্রকৃত ব্যাখ্যা
১৮. সাওয়াব ও গুনাহ মাপার পদ্ধতি প্রচলিত ধারণা ও সঠিক চিত্র

১৯. প্রচলিত হাদীসশাস্ত্রে সহীহ হাদীস বলতে নির্ভুল হাদীস বুঝায় কি?
২০. কবীরা গুনাহসহ মৃত্যুবরণকারী মু'মিন জাহান্নাম থেকে মুক্তি পাবে কি?
২১. অন্ধ অনুসরণ সকলের জন্য কুফরী বা শিরক নয় কি?
২২. গুনাহ সংজ্ঞা ও শ্রেণিবিভাগ প্রচলিত ধারণা ও সঠিক চিত্র
২৩. অমুসলিম পরিবারে মু'মিন ও জান্নাতী ব্যক্তি আছে কি না
২৪. আল্লাহর ইচ্ছা, অনুমতি, মনে মোহর মেরে দেওয়া কথাগুলোর প্রচলিত ও প্রকৃত ব্যাখ্যা
২৫. যিক্র প্রচলিত ধারণা ও সঠিক চিত্র
২৬. কুরআনের অর্থ ও ব্যাখ্যা (তাফসীর) করার প্রকৃত নীতিমালা
২৭. মৃত্যুর সময় ও কারণ পূর্ব নির্ধারিত তথ্যটির প্রচলিত ও প্রকৃত ব্যাখ্যা
২৮. সবচেয়ে বড়ো গুনাহ শিরক করা না কুরআনের জ্ঞান না থাকা?
২৯. ইসলামী জীবনব্যবস্থায় বক্তব্য বা ওয়াজ-নসীহত উপস্থাপনের নীতিমালা
৩০. মুসলিম জাতি এবং বিশ্বমানবতার মূলশিক্ষায় ভুল ঢোকানোর গভীর ষড়যন্ত্র
৩১. 'আল কুরআনে শিক্ষা রহিত (মানসুখ) আয়াত আছে' কথাটি কি সঠিক?
৩২. আল কুরআনের অর্থ (তরজমা) বা ব্যাখ্যা (তাফসীর) পড়ে সঠিক জ্ঞান লাভের নীতিমালা
৩৩. প্রচলিত ফিক্‌হগ্রন্থের সংস্করণ বের করা অতীব গুরুত্বপূর্ণ বিষয় নয় কি?
৩৪. কুরআনের অর্থ ও ব্যাখ্যা জানা-বোঝার সহায়ক বিষয় হিসেবে ব্যাকরণ, অনুবাদ, উদাহরণ, আকল ও সাধনার গুরুত্ব
৩৫. পৃথিবীর শ্রেষ্ঠতম ব্যক্তির একমাত্র হাজ্জের ভাষণ যুগের জ্ঞানের ভিত্তিতে অনুবাদ ও শিক্ষা
৩৬. মানব শরীরে 'ক্বলব'-এর অবস্থান প্রচলিত ধারণা ও সঠিক তথ্য
৩৭. তাওবা কবুল হওয়ার শেষ সময় প্রচলিত ধারণা ও সঠিক তথ্য
৩৮. ইবলিস ও তার দোসরদের ষড়যন্ত্রের কবলে জ্ঞানের ইসলামী উৎস ও নীতিমালা
৩৯. আসমানি গ্রন্থে উল্লিখিত মানবতাবিরোধী গভীর ষড়যন্ত্রের জীবন্তিকা
৪০. আল্লাহর সাথে কথা বলে জ্ঞান ও দিকনির্দেশনা পাওয়ার পদ্ধতি
৪১. তাকওয়া ও মুত্তাকী প্রচলিত ধারণা ও সঠিক তথ্য
৪২. জ্ঞানের আল্লাহ প্রদত্ত উৎসসমূহ প্রচলিত ধারণা ও প্রকৃত তথ্য
৪৩. হারাম ও হালাল খাদ্য তালিকা সম্পর্কে কুরআন ও হাদীসের সরাসরি তথ্য

প্রাপ্তিস্থান

- কুরআন রিসার্চ ফাউন্ডেশন
ইনস্যাফ বারাকাহ কিডনী এন্ড জেনারেল হাসপাতাল (৮ম তলা)
১১, শহীদ তাজউদ্দীন আহমদ সরণি, মগবাজার, ঢাকা।
ফোন : ০১৯৪৪৪১১৫৬০, ০১৯৭৭৩০১৫১১, ০১৯৭৯৪৭৪৬১৭
- অনলাইনে অর্ডার করতে : www.shop.qrfd.org এবং
<https://www.facebook.com/QuranResearchFoundation/>
- দি বারাকাহ জেনারেল হাসপাতাল
৯৩৭, আউটার সার্কুলার রোড, রাজারবাগ, ঢাকা।
ফোন : ০২-৯৩৩৭৫৩৪, ০২-৯৩৪৬২৬৫, ০১৭৫২৭৭০৫৩৬
- ইউকা ক্যাম্পাস
বাড়ি : ১২, রোড : এভিনিউ-৮, ব্লক : এম, বনশ্রী, ঢাকা-১২১৯।
ফোন : ০২২২৪৪০৫৮২৮, ০১৭৫৫ ৩০৯৯০৭, ০১৪০৭ ০৬৩৪৩১

এছাড়াও পাওয়া যায়-

- রকমারি ডট কম : www.rokomari.com
- আহসান পাবলিকেশন্স, কম্পিউটার মার্কেট নিচতলা, বাংলা বাজার,
ঢাকা, ০১৭২৮১১২২০০
- প্রফেসর'স বুক কর্নার, ওয়ারলেস রেলগেট, মগবাজার, ০১৭১৬৬৭৭৭৫৪
- কাটাবন বইঘর, মসজিদ মার্কেট, কাটাবন, ০১৭১১৫৮৩৪৩১
- আজমাইন পাবলিকেশন্স, মসজিদ মার্কেট, কাটাবন, ০১৭৫০০৩৬৭৯৩
- দিশারী বুক হাউস, ইসলামীয়া মার্কেট, নীলক্ষেত, ০১৮২২১৫৮৪৪০
- কিউআরএফ রাজশাহী অফিস : হোল্ডিং নং- ১৬৮/১, ওয়ার্ড নং- ৮,
সিপাইপাড়া, মেডিকেল কলেজ রোড, রাজপাড়া, রাজশাহী।
০১৭১২৭৮৬৪১১
- ইসলামিয়া লাইব্রেরী, সাহেব বাজার, রাজশাহী, ০১৫৫৪-৪৮৩১৯৩
- কিউআরএফ বগুড়া অফিস : নুর ভিলা, হাউস নং-১৯, হোল্ডিং নং-
৯৯৪, ওয়ার্ড নং-১২, ঠনঠনিয়া পশ্চিমপাড়া, বগুড়া সদর, বগুড়া-
৫৮০০। ০১৭১৪৫৬৬৮৯৯, ০১৭১৪৭০৯৯৮০, ১৩০০০৯০৮৬২
- কিউআরএফ খুলনা অফিস : ৩২/২ হাজী মহসিন রোড, খুলনা।
০১৯৭৭৩০১৫০৬, ০১৯৭৭৩০১৫০৯
- বই ঘর, মৌলভীবাজার, মোবাইল : ০১৭১৩৮৬৪২০৮